

## Insait

► *Mosbi  
Polis sasim  
Kitts  
- PES 3*



► *Lukim  
Nius bilong  
Irak spesol  
- PES 17*

► *AIDSTOK  
- Save moa  
long sik  
HIV/AIDS  
- PES 12*

# Bikhet pasin em as bilong hevi long NHS

**Veronica Hatutasi i raitim**

HEVI long ol senis i kamap long famili na komyuniti na nogat gutpela disaplin o bihainim gutpela pasin em tupela as long ol hevi i kamap insait long ol Nesenel Hai Skul (NHS).

Ol dispela kain pasin bilong lotu long Satan na ol arapela paol pasin i wok long kalap i go long ol provinsel hai skul insait long kantri long dispela taim tu.

*Lotuim satan kalt pasin i save mekim ol sumatin i go agensim ol gutpela pasin long sosaiti, famili na skul*

Pablik Akauns Komiti (PAC) bilong Nesenel Palamen i bin harim dispela hap toktok insait long wanpela inkwairi o sindaun long harim ol hevi i sut long fainens na ol sosel hevi long Edukesen Dipatmen aste.

Nesenel Edukesen Seketeri Peter Baki na ol bikman long dipatmen husat i lukautim Fainens

na Menesmen wantaim ol prinsipel bilong foapela NHS na sampela ol Gavaning Kaunsil memba i bin sindaun long ai bilong PAC na givim ripot long ol hevi i kamap insait long ol skul bilong ol. Na tu wanem rot ol i bihainim long stretim ol dispela hevi.

Hevi i sut long satan kalt na jeneresen sistem. Satan kalt em pasin ol sumatin i lotuim satan na tu kisim ol jeneresen nem.

Siaman John Hickey na komiti bilong em i bin glasim gut tru ol bikman long Edukesen long rekot rejista bilong Fainens na Baset Divisen bilong ol na peirol sistem bilong em bikos Odita Jenerel i no kisim yet sampela long ol dispela ripot.

Komiti i bin lusim bikpela taim long harim ripot bilong ol Prinsipel bilong Keravat, Sogeri, Passam na Aiyura long lotuim satan kalt na ol rot ol i bihainim long stretim dispela nupela hevi.

Siaman Hickey na komiti bilong em taim ol i harim ripot i tok dispela em i nupela samting i wok long kamap insait long ol skul na ol pikinini bilong yumi na planti papa i no gat save long en. Tasol em taim nau long autim long ples klia na ol i ken bungim ol tingting wantaim na painim rot long stretim dispela hevi.

Seketeri Baki i bin tok em i wari tru long ol dispela pasin bilong wokim hom bru na dring, kisim ol spakbrus na lotuim satan kalt.

Superintenden bilong Gaidens wantaim Edukesen Dipatmen Gabriel Meapa i bin tok ol senis long sosel sait, ol sumatin i no bisi long bihainim gutpela pasin na moa fri taim ol i givim long ol sumatin insait long ol NHS i kamapim ol dispela kain hevi.

"Ol sosel impek o hevi we ol senis i kamapim insait long ol famili we planti famili i bruk daun na i nogat luksave, taim dispela i kamap, bai nogat gutpela wok we famili i kisim mani long sapotim ol pikinini, bung bilong ol bikpela manmeri na i no bisi tumas long ol pikinini, ol tok nogut, TV na ol muvi we i gat paik pasin long em. Liklik lain i save wokim dispela, i no olgeta sumatin," Mista Meapa i tok.

Em i tok dispela lotuim satan kalt pasin i save mekim ol sumatin i go agensim ol gutpela pasin long sosaiti, famili na skul. Wanpela as we ol i wokim dispela em ol i laik kisim luksave long skul.



Taim bilong tok gutbai... Praitim Minista Sir Michael Somare na meri bilong em Lady Veronica i sanap long tok gutbai long Leit Sir Anthony Siaguru. Bikpela misa bilong em i bin kamap insait long Mosbi long dispela wik pastaim long famili bilong em i bin karim bodi bilong em i go bek long as ples bilong em long Is Sepik. Foto: JOE IVAHARIA

Mother's Day  
Brian Bell  
at Shop with a friend


Brian Bell igat gutpela present bilong Mama

WINIM WEEKEND WOKABAUT BILONG MAMA

SPENDIM K100.00  
na go long LAKI DRO na  
WEEKEND WOKABAUT  
PRAIS BILONG  
WINIM MAMA

**BIKPELA PRAIS:**  
WOKABAUT BILONG MAMA  
IGO LONG CAIRNS  
wantaim balus tiket, ples long  
silip, kaikai, na poket moni  
long raun bilong nupela pipol.

**HAMAMAS PRAIS:**  
MAMA BAI MALOLO LONG  
WANPELA HOTEL LONG PNG  
Igat ples long silip na kaikai bilong tupela.  
Wanpela wina long wanwan Brian Bell stoa  
bai malolo long weekend long ol dispela hotel.  
PORT MORESBY - Lolouta Island Resort LAE - Malanesian Hotel  
GOROKA - Bird of Paradise Hotel MT HAGEN - Highlander Hotel  
MADANG - Jais Aben KOKOPO-Queen Emma Lodge



POLIS RIPOT

Goroka

GOROKA polis i tok ol i painim aut ples bilong haitim stil kar.

Isten Hailans Provinsol Polis komanda Philip Solala i tok ol opisa bilong em i kisim gen wanpela kar long Kundiawa em ol stilman i kisim na holim pas tupela man we ol i bilip i pas long dispela pasin bilong stilim ka.

Dispela kar em Toyota Lenkrusa we i bilong Coca Cola Amatil em ol polis i painim long wanpela woksop long Kundiawa.

Plet namba bilong dispela ka em ol stilman i senisim wantaim bilong Brian Bell we ol i stilim tu long Februari long dispela yia.

Suparintenden Solala i tok wanpela man polis i ting i pas long dispela pasin nogut em ol i holim pasim long Ku ples klostu long Kundiawa long Tunde na narapela man em polis i painim long Goroka long las Fonde moning.

Suparintenden Solala i givim tok lukaut long ol lain husat i save yusim ol kar long ol i mas was gut long ka bilong ol.

Kokopo, ENB

MAN husat polis i sasim long mekim pasin nogut i sanap long ai bilong Kokopo Nesenel kot las Trinde.

Dispela man i tokim kot olsem em i no reipim o bagarapim dispela skul meri tasol ol i mekim paul pasin bihain long man ya na meri i tok orait long kain samting long kamap.

Wantaim long dispela em i tok meri ya i no wanpela hap bilong famili bilong em.

Pablik Solisita Michael Peter i tok tupela sait i amamas long mekim kain pasin olsem long wanem dispela meri i no tokim polis hariap long dispela pasin i kamap.

Dispela ripot i kamap bihain long papamama bilong meri i painimaut.

Stet solisita Jack Pambel husat i deputi prosyuta i tok ripot i no go hariap long polis long wanem yangpela meri ya i pret nogut papa bilong em i paitim em.

Pambel i tok i tru olsem man ya i tokim kot olsem meri i wanpela hap bilong famili tasol meri ya i save kolim man ya ankol bilong em.

Jas Salatiel Lenalia bai tokaut long dispela disisen long narapela wik.

Toktok i kamap olsem long Epril 23, 2002 man ya i repim meri husat i stap long wanpela primeri skul long Kokopo distrik. Long taim dispela pasin nogut i kamap meri ya krismas bilong em i stap aninit long 16.

Kokopo, ENB

TENPELA man husat i ronowe husat polis holim pasin long kilim man i ronowe long Kokopo kot haus bipo long jas i tokaut long tingting bilong em long ol.

Dispela ol man i bilong Kainaguma ples long hap bilong Gaulim long Is Nu Britan. Dispela ol lain em ol i stap long sas bilong kilim August Manang.

Long jas i mas tokaut long tingting bilong em long las wik dispela i no kamap long wanem faipela ya i ronowe olsem na jas bai mekim disisen bilong em long dispela wik.

Ol lain husat i stap yet long kot haus na wetim disisen long kot em Simon Ekonia, 21, Isaiah Elias, 30, Elias Ekonia, 31, Waula Mesak, 34, na Priven Kauap.

K500 beil mani em kot i no bin givim tok orait we ol bai stap long rum-gat inap Mande dispela wik.

Meri sanap long GG resis

WANPELA meri i sanap namel long olgeta man we ol i makim bilong resis long Gavana Jenerel ileksen.

Meri ya em olpela memba bilong Manus, Nahau Rooney.

Em i gat 59 krismas na i gat 6-pela pikinini. Em bai namba wan meri long resis long ileksen bilong Gavana Jenerel.

Misis Rooney i bin holim wok olsem minista bilong Jastis taim em i bin kamap memba bilong Manus.

Em i bin kisim luksave bilong

Minista bilong Sosel Welfe na Komyuniti Dvelopmen, Lady Carol Kidu, husat i bin makim em long dispela resis.

Lady Kidu na Misis Rooney i bin sainim ol pepa bilong luksave long em olsem namba wan meri bilong sanap long dispela resis namel long 11-pela arapela man.

Dispela ileksen bilong nupela Gavana Jenerel bai kamap long namba 11 de bilong mun Mei taim Palamen bai bung gen.

Moa pait gan i painim bagarap

Aloysius Laukai i raitim

WOK long bagarapim ol gan long Bogenvil i wok long go het strong na klostu 80 pesen long ol gan em ol i bagarapim pinis.

Buin distrik insait long Saut Bogenvil i skruim dispela wok na em bin stat long las wik.

Long dispela wik, wanpela bikpela sere- moni bai kamap long Laguai viles long Buin distrik yet.

Ol man bilong Mongai viles husat i bin pait long taim bilong Bogenvil kraisis i bin lusim ol pait gan bilong ol.

Ol bikman husat i bin stap long luksave long bikpela wok ol dispela

man i mekim em Bogenvil Gavana John Momis, Bosman bilong Yunaited Nesens Obseva Misen long Bogenvil, Wiliam Ozkaptan, Distrik Menesa bilong Buin Charles Laia, Yut Minista bilong Bogenvil Interim Provinsel Gavman na ol sief na manmeri bilong komyuniti long dispela hap.

Ol arapela hap we ol pait gan i wok long bagarap em long Buin distrik long ol liklik ples olsem Bogisago, Ororoi na Laguai.

Ol i bin kisim olgeta pait gan na tromoi long solwara.

Gavana Momis i tok tenkyu long ol eks-paitman bilong wok ol i



Bogenvil Gavana John Momis i sanap wantaim ol olpela pait man bilong Mongai viles husat ol i lusim ol pait gan bilong ol long kamapim pis.

mekim long luksave long pis o gutpela sindaun. Em i tokim ol olsem pasin ol i soim i opim dua bilong pis na gutpela sindaun insait long ol komyuniti bilong ol.

Distrik Menesa John Itanu i tok tenkyu long ol yut tu wantaim komanda bilong ol Thomas Beta long go pas long ol.

Mista Ozkaptan i tokim ol pipel bilong Mongai olsem ol olpela

pait man i gat bikpela wok long kamapim pis sapos ol i karimaut gut wok bilong bagarapim na tromoi lusim ol pait gan bilong redi long ileksen bilong nupela Bogenvil gavman.

Ol hos res masin opereta pait bek

OL BISNIS man husat i save salim ol dispela hos res masin bai i no inap long givim ol hos res masin bilong ol i go long polis long rausim ol long ples we ol manmeri i save pilai long en.

Samting olsem 8-pela bisnis husat i save lukautim ol dispela masin insait long kantri i laikim bai polis i no inap long rausim ol masin bilong ol inap bihain long Suprim Kot i harim kot apil bilong ol.

Tasol ol bai i no inap long larim ol dispela masin long ol bisnis bilong ol bikos em bai ol i brukim lo.

NWM Trading Limited, Econ

Trading Limited, Joseph Chu Tam Ng, Jackie Siw Sin Ng, John Seaw Kok Ng na Thomas Chin Chong Lee em nem bilong ol dispela bisnis.

Deputi Sief Jastis Salamo Injia i tok orait long ol i kisim wanpela oda bilong kot bai ol i ken kisim kes bilong ol i go long Suprim kot, tasol em i putim tambu long ol dispela masin bai stap we ol manmeri inap long pilai long en.

Suprim Kot i bin givim oda long Nesenel Geming Bod long sekim ol bisnis ples bilong ol dispela kampani na i mas i nogat wanpela long ol dispela masin i mas stap.

Pot Mosbi polis na kastom opis holim pas pilai laki tebol

TRIPLELA masin bilong pilai laki we ol atoriti i bilip i no bihainim lo em polis holim pasim long Pot Mosbi bris long las wik.

Bihain long tok hait em polis, kastom opis na Nesenel Gaming Kontrol bod i wok hariap na kisim dispela ol masin we ol i putim long wanpela bikpela kontena o boks bilong sip.

Ol samting em polis i painim em roulett tebol, wanpela pilai benk na blejek tebol.

Dispela ol samting em ol i kisim long Vanimo na salim i kam long wanpela hotel long Pot Mosbi.



## Nius manmeri bai amamasim Midia Fridom De

OLGETA nius manmeri bai luksave long Midia Fridom Day long namba 3 de bilong mun Mei.

Dispela de em bilong luksave long hat wok bilong ol nius manmeri long olgeta kantri long wol we i gat niuspepa, redio na TV.

Insait long Papua Niugini yet, tupela bikpela yunivesiti, Divine Word University (DWU) University of Papua New Guinea (UPNG) bai luksave long dispela de taim ol sumatin i kisim skul long wok nius ripota

bai i ken luksave na amamasim dispela dei.

Progrum bilong luksave long dispela de long DWU long Madang bai stat long Fraide, Epril 30 long dispela wik we ol bai luksave long wok bilong midia na luksave long ol wan wan nius ripota insait long kantri husat i soim strong bilong ol long painimaut moa long wanpela samting na stail bilong ol long raitim bai pablik inap long kisim toktok gut.

Long Fraide, ol Komunikesen sumatin bilong

DWU bai harim toktok i kam long ol bikman bilong nius midia insait long kantri, na ol sumatin bai paitim toktok long wok bilong midia insait long PNG.

Long Wol Midia Fridom De stret, ol sumatin bilong DWU bai bruk i go insait long tupela grup na mekim wok aweanes insait long Madang taun na ausait long taun.

Ol bai toktok long ol manmeri long pablik long wok bilong midia na ol arapela samting tu. Long UPNG ol midia sumatin

bai kisim tingting na toktok bilong ol bik nem nius man na meri.

Ol dispela lain bai sindaun long wanpela kibung we ol bai toktok long wok bilong ol nius manmeri long sait bilong ripotim nius long Bogenvil, Sandlain krais, ol bikpela traibol pait na birua i bin kamap taim ol UPNG sumatin i bin kros na go pas long wanpela bikpela bung.

Bai gat planti gutpela samting long lainim long sait bilong midia tu.



NAU i mas taim bilong ol meri insait long kantri long soim strong bilong ol long wok bilong gavman.

Wantok Niuspepa i luksave long makim bilong paia lait meri Manus ya Nahau Rooney. Ating i mobeta ol lida bilong yumi insait long bikpela haus Tambaran ya i luksave long wok na save bilong Misis Rooney na makim em long dispela posisen.

Dispela posisen i kisim planti kain kain tok kros pinis. Nau em taim bilong ol dispela kain toktok long pinis.

WANEM taim bai mipela i lukim NCDC o gavman i rausim ol dispela hos res masin. Em i tru olsem ol manmeri husat i save holim samting olsem K1, K2 i save gut tru long pilaim ol dispela kain masin, tasol lo i stap long banisim ol lain olsem ol yangpela pikinini long ol dispela masin nogut.

Taim ol i save go pilai ol dispela masin, ol i no save tingting long go long skul, na wanpela kain pasin i save kamap we i save pulim tingting na laip bilong ol long bihain taim bai i no inap stret.

TASOL nau ol lain husat i save sanapim ol dispela hosres masin i wok long yusim kot long traime na larim ol i stap.

Olsem wanem? Bai mipela luksave long ol hevi ol dispela kain masin i save kamapim tu o nogat? Wanpela man o meri husat i go pas long wanpela bikpela opis insait long gavman i mas strongim bilip bilong em na go het long rausim ol dispela masin o putim ol insait long ol klab wantaim ol pokis masin.

BIKPELA wok painimaut bilong Pablik Akauns Komiti bilong Palamen i go insait long Nesanel Edukesen Dipatmen i mas lukluk gut long ol hevi i wok long kamap insait long ol Nesanel Hai Skul.

Planti sumatin i kisim bagarap pinis long ol dispela kain long long pasin.

Husat bai inap long painim aut as tru bilong ol dispela kain hevi tude? Ating mobeta wanpela komiti i mas sindaun we ol memba bilong em i mas kam long ol skul, ol papamama yet, polis, na ol lain i makim maus bilong ol sios tu i mas sindaun long en bai ol i ken painimaut as tru bilong ol dispela kain pasin na daunim olgeta.

MIDIA Fridom De em long Mei 3. Dispela em i taim bilong tingim hat wok bilong ol manmeri i save raitim nius long olgeta hap long wol.

Dispela de em de bilong ol nius manmeri long tingim, tasol luksave i mas kam long ol manmeri tu.

Sapos i nogat niuspepa, redio o TV, ating bai ol pipel bilong yumi i no save long wanem samting i wok long kamap insait long kantri bilong ol.

Tingim, nius midia i stap na tingting bilong ol manmeri i save op.

GARY Stonehouse, wanpela man Australia husat i bin stap long PNG longpela taim i dai long ples bilong em long Brisbane long Mande.

Dai bilong em i mekim lewa bilong planti ol manmeri long PNG husat i bin save long gutpela pasin bilong em, i pen nogut tru.

Gary i bin wok wantaim kirikulem divisen bilong Dipatmen bilong Edukesen long Pot Mosbi, tasol planti manmeri bai tingim wok bilong em long ol pilai o tieta drama we em i bin kamapim long kantri.

Gary i wanpela man husat i save laikim tru ol kalsa na pasin bilong tumbuna bilong PNG na dispela i save kamap ples klia long we em i save toktok wantaim na lukautim ol manmeri bilong PNG taim em i bin stap long hia.

Wanpela longpela man tru, wantaim isipela pasin, bel bilong planti i hevi tru long dai bilong em, na olgeta i sore olsem em i lusim mipela olgeta.

## Mosbi polis sasim Kitts

POLIS long Pot Mosbi i arestim na sasim Wai Kitts, wanpela biknem wok man bilong wanpela benk insait long kantri bihain long em i bin karim wanpela pistol antap long balus i go aut long kantri long sampela mun i go pinis.

Polis Komisina Sam Inguba i tokaut olsem ol i bin kisim tingting bilong Pablik Prosekuta na las ripot i kam long ol polis ditektiv husat i karimaut wok painimaut pastaim long ol i go na arestim em na

sasim em.

Mista Kitts i gat 49 krismas na em bilong Nunga viles long Dei insait long Westen Hailans provins.

Em i bin karim dispela pistol i go antap long wanpela intanesinol balus i go long Singapore long num Februari long dispela yia.

Polis i bin lusim em bihain long em i baim K500 bail. Em bai sanap long

Waigani komitel kot tude (Fonde, Epril 28).

Komisina Inguba i tok ol polis man i kisim longpela taim bilong sekim dispela kes bikos ol i no kisim tingting bilong pablik prosekuta.

Narapela as long dispela kes i go long taim tumas em long wanem ol i no bungim gt evidens yet na ol i wok long sekim loa bilong PNG na long Singapore tu pastaim long ol inap long sasim em.



### Sanapim Sir Pato...

Ol memba bilong wanwan politikol pati i bung wantaim long sanapim Sir Pato Kakaraya olsem kendidet bilong resis long sia bilong Gavana Jenerel bilong Papua Niugini.

Ol memba husat i bin kamap na sainim nem long sapatim Sir Pato em Brian Pulayasi, Gordon Wesley, Mas Kal, Geoka Tekka, Ekis Ropenu, James Togel na James Yali. Namba olsem 9-pela memba i sainim pinis pepa bilong Sir Pato. I mas gat 15 memba i sainim long kamapim nem bilong em olsem kendidet.

## Polye no wanbel long Qantas tok long lusim PNG

...planti politikis i stap long dispela toktok

### William Natera i raitim

MINISTA bilong Trensport na Sivil Aviesen, Don Polye, i tok em i bilip olsem disisen bilong Qantas - bikpela balus kampani bilong Australia - long stopim ol sevis bilong en long Papua Niugini, i wanpela politikel disisen.

Mista Polye i bin mekim ol dispela tok tok long ol niusman bihain long em i bin kam bek stret long PNG long wanpela raun i go long Honolulu, Hawaii, wantaim ol sampela arapela CAA opisa long sindaun long Namba 3 Rijenel Aviesen Sefti na Sekyuriti Bung.

Mista Polye i tok olsem as Qantas i bin givim long stopim ol sevis bilong ol olsem ol i no amamas wantaim sekyuriti na sefti long ol ples balus long Jacksons intanesenel ples balus i glaman as.

Em i tok as tru Qantas i laik lusim kantri em long wanem em i bin tok nogat long ol long larim wanpela bilong ol opisa bilong gavman bilong Australia - aninit long Enhancement Package Program - long kisim posisen olsem deputi sief eksekutiv bilong Sivil Aviesen Atorit.

Mista Polye i tok olsem CAA i bin kamapim gut sekyuriti long ples balus, na ol dispela senis i bin kamap wantaim wanbel na helpim bilong Qantas na Air Niugini

i bin wanbel na wok bung wantaim long givim sevis long ol pipel long kantri.

Em i tok olsem sapos Qantas i bin wanbel long ol senis we i kamap long sekyuriti, na helpim long kamapim ol dispela senis, bilong wanem ol i wok long tok nau olsem ol i no amamas long sekyuriti na sefti long ples balus.

Mista Polye i tok ol pipel i mas tingim olsem olgeta disisen we menesmen bilong Air Niugini i save mekim long sait bilong intanesenel raun, sevis, sekyuriti o sefti, ol i no save mekim ol yet. Nogat. Ol i save mekim wantaim wanbel na helpim bilong Qantas long wanem dispela wanbel long wok bung wantaim long givim sevis.

Em i tok Qantas i no laik autim ol dispela wari bilong ol long sekyuriti na sefti las yia taim ol i bin laik wanbel wantaim Air Niugini long wok bung wantaim.

Mista Polye i tok olsem Hai Komisina bilong Australia long PNG, Michael Potts, i bin bung wantaim em long sampela wik i go pinis na i bin tokim em olsem Gavman bilong Australia i laikim wanpela opisa bilong ol long kisim posisen olsem deputi sief eksekutiv bilong CCA.

Mista Polye i tok olsem long dispela taim em i bin tok nogat long dispela tingting na dispela bekim bai i sanap yet long

wanem em i bilip olsem menesmen we i stap nau i wok long mekim gutpela wok.

Em i tok tu olsem i nogat wanpela deputi sief eksekutiv posisen long CAA. Mak bilong menesmen em i go olsem, sief eksekutiv opisa, na bihain long em, deputi dairekta.

Mista Polye i tok dispela i min olsem sapos Australia i laik putim wanpela opisa bilong ol i go insait long dispela posisen, CAA kamapim wanpela posisen olsem, na long mekim dispela ol i mas go long Dipatmen bilong Pesenel Menesmen, na bihain i go long Palamen long luksave long ol lo bilong dispela.

"Wanem, Australia i laikim mi sot kat tasol na putim opisa bilong ol i go insait."

"I gat ol lo we mipela i mas bihainim," Mista Polye i tok.

Em i tok em i belhat tru long we Gavman bilong Australia i wok long yusim Qantas long kamapim ol tingting bilong ol yet long PNG.

Tasol Hai Komisina bilong Australia long PNG, Michael Potts, i tok olsem disisen bilong Qantas long stopim sevis bilong ol long PNG em disisen bilong menesmen yet na Gavman bilong Australia i no bin pusim ol long mekim.

Wantok Niuspepa bai bihainim dispela stori.



# Royal Papua New Guinea Constabulary ADMINISTRATIVE REVIEW COMMITTEE

## POLIS RIVIU

Minista bilong Intenel Sekyuriti Bire Kimisopa i kamapim wanpela komiti bilong lukluk insait na glasim gen wok bilong Royal PNG Constabulary. Siaman i go pas long komiti em Robert All (Presiden bilong Polis Asosiesen). Ol komiti memba em John ToGuata (Ombudsmen Komisin), Dokta Betty Lovai (UPNG), Molean Kilepak (opis bilong Atoni Jenerel) Phil Franklin (PNG Samba ov Komes) na Mick Palmer (olpela Komisina bilong Australia Federel Polis):

Astingting bilong dispela komiti em long glasim na lukluk insait long olgeta wok, ol eria na operesen bilong Polis na toksave long ol rot bilong kamapim ol gutpela senis. Komiti bai redim wanpela interim ripot bilong givim i go long Minista long Ogas 2004. Ol eria bilong lukluk insait (Tems ov Refrens) em olsem:

### Singaut long ol Sabmisen.

Komiti i singaut long olgeta pablik, ol polis na ol grup o ogenaísesen i ken salim tingting bilong ol i kam. Sapos yu gat sampela gutpela tingting long stretim gut ol wok na operesen, menesmen na wok bilong polis long bihain taim, orait yu salim ol dispela tingting bilong yu i kam.

Ol tingting yu salim i kam i mas stret bihainim astingting bilong wok komiti i laik kamapim na i mas tokaut long ol nupela rot bilong bihainim. Tingim gut olsem dispela komiti i no bilong harim na kisim ol komplek na ino inap long mekim wok painimaut i go insait long sampela bikpela hevi yu tokaut long en. Ol tingting yu salim i kam bai nogat arapela lain bai save.

Salim Sabmisen i kam long:

**Police Review Committee**  
C/ - Institute of National Affairs  
PO. Box 1530  
Port Moresby, NCD

O salim

Email long: PolRevSec@police.gov.pg

Fax namba: 322 6380

Ol Sabmisen i mas kam bipo long 5 kilok apinun long Fraide 11 Jun 2004.

**ROYAL PAPUA NEW GUINEA CONSTABULARY  
ADMINISTRATION REVIEW COMMITTEE**

**Tems ov Refrens**

1. Tokaut na luksave long ol wok na eria bilong polis fos na tokaut long ol tingting o rot sapos i gat na i stap ausait long wok tru bilong em olsem na komiti i mas rausim.
2. Long lukluk insait long rikruitmen eria bilong RPNGC wanem luksave bilong balensim rijon, edukesen, stended, fitnes na ol arapela testing.
3. Long lukluk insait long ol rot bilong trening insait long RPNGPC wantaim tu ol besik trening, ol wok trening, insevis trening, opisa trening na rot bilong haia edukesen.
4. Lukluk insait long pei, alawens na haus na ol kain samting bilong ol

polisman na skelim wantaim ol pablik sevens na arapela polis fos insait long ol kantri long rijon. Ol samting olsem pei, alawens, yunifom, mes kaikai, haus slip, sapos olgeta dispela samting em ol i peim pinis o nogat yet na ol i mas peim. Dispela em long mekim ol yangpela polisman bilong PNG i laikim wok bilong polis fos na ol i ken wok gut na holim strong wok insait long kantri.

5. Lukluk insait long ol rot edministresen i save wok na ol rot ol i save skelim mani, ol rot ol i save skelim ol samting bilong wok, wanem rot RPNGC i ken bihainim long yusim gut mani na wanem kain mak bilong mani i orait long wok bilong polis.

- Luksave long namba bilong ol wokmanmeri long karimaut ol wok na luksave long ol wok na eria bilong polis,

- Kamap wantaim sampela kain gutpela mak wankain olsem ol polis long arapela rijon,

- Yusim gut ol polis kar na arapela trenspot na bihainim stretpela rot bilong gutpela mentenens bilong ol dispela kar we ol i ken stap gut na wok gut,

- I ken karimaut wok bilong em gut long strongim lo na oda,

- I ken luksave gut na kisim stret rekot bilong olgeta samting bilong pait (olsem ol sotgan) na tu rot bilong stopim ol lain i salim ol sotgan bilong polis i ken kamap klia na stret tru.

6. Lukluk long ol rot o polisi bilong salim ol polisman i go i kam long narapela provins na lukim olsem ol i kamap bihainim gutpela interes bilong RPNGC na ol dispela opisa we het opis i salim ol na i no bihainim laikim na askim bilong dispela provins, gavana o politisen.

7. Tokaut long rot bilong strongim Intenel Afeas divisen bilong RPNGC na sapos i mas gat Polis Ombudsmen long harim krai na wari bilong pablik egensim polis.

8. Tokaut long wok bung wantaim namel long provinsal gavana na gavman wantaim RPNGC na tokaut long ol tingting sapos provins i mas givim sapot mani long polis i karimaut wok long boda eria bilong dispela provins.

9. Lukluk insait long arapela polis operesen olsem long Nu Yok ol i kolim Jiro Tolorens na arapela na lukim sapos RPNGC i ken traim o bungim wantaim stail bilong mipela yet na traim aut

10. Lukluk insait long pei na ol samting we i go wantaim posisen bilong top komand straksa na skelim wantaim bilong ol arapela polis fos insait long rijon na pablik na praivet sekta long PNG.

11. Lukluk insait na tokaut sapos polis i ken gat pawa bilong sasim na kalabusim ol trabel lain wantaim ol bikman husat i save mekim ol bikpela stil na paul pasin.

12. Wantaim lo na oda sektoral projek, tokaut long kamapim lejislesen senis long sentesing, penolti na kamapim taim stret bilong stap long wet kot na lukluk moa insait long pasin bilong karim ol birua samting (olsem long Melesia na Singapor). Luksave long ol sampela senis insait long lo long kamapim ol sampela tingting i go long Riviu Komiti i ken lukluk insait long en.

13. Tokaut long ol gutpela rot RPNGC i ken yusim gut ol helpim mani i kam long ovasis long bihain taim.

14. Lukluk insait na tokaut long wok bilong ol Risev na Oksilari polis na tokaut long wanem kain rot ol i ken kam insait gut na wok gut wantaim ol fultaim polismanmeri, wantaim ol opis woklain na sait bilong skelim mani long wok i ken go gut.

15. Lukluk gut insait long wok poroman wantaim ol praivet sekta sekuriti kampani na RPNGC na tokaut long ol rot bilong stretim gut na kamapim gutpela wok bung namel long tupela.

## Hap Hap Stori

### Bisnis man singautim Ombudsmen long mekim wok painimaut

SINGAUT i go long Ombudsmen Komisn long mekim wok painimaut long hap graun long Wewak taun kampani bilong Hugo Berghusser i sanap long en.

Nick Artekain husat i wanpela risos ona long Is Sepik na Menesing Dairekta bilong Nusa Bisnis grup i wokim dispela singaut.

Em i putim apil egensim Sepik Sea Products kampani we Sir Hugo i papa long en na pasin we kot i mekim long rausim dispela keis. Kot i bin rausim dispela keis long wanem ol no bin pinisim ol ripot long apil buk. Tasol Mista Artekain i tokim ol Kwimberi Loya long lukluk gen long dispela keis na putim wanpela ripot i go gen long Judisel rivyu i lukluk gen long en. Ol loya i wok long dispela keis nau.

Mista Artekain i tok ol atoriti i mas lukluk long rot we Sir Hugo i baim hap graun bikos em i ting olsem dispela i no bin stret tumas. Em i tok ol pipel bai pait hat long dispela keis na olsem, em i wokim singaut i go long ol lida bilong Is Sepik long pait hat na kisim sevis i go long ol pipel.

### Wau opim viles Maikro Fainens beng

WAU distrik insait long Morobe provins i opim nupela Maikro Fainens skim benk o benk bilong ol liklik pipel las wik.

Moa long 800 manmeri i bin bung long witnessim opening bilong benk we ol manmeri yet i bin kirapim long ples.

Ol sampela bik manmeri i bin kamap long dispela opening em long ADB, AusAID na Ambaseda bilong kantri Frans. Ol bikman bilong PNG yet olsem Gavana bilong

Benk ov PNG Wilson Kamit, man i makim Is Nu Briten Sevings na Lons Sosaiti Eddie Situ, Deputi Gavana bilong Wes Nu Briten na planti bik manmeri bilong Morobe provins yet olsem Gavana Luther Wenge na ol provinsel gavman lain i bin stap long dispela opening selebren.

Memba bilong Bulolo John Muingepe i bin tokim ol pipel bilong Wau long lukautim gut dispela benk bikos em bai helpim ol.

### Nesenel gavman no lus tingting long ol liklik pipel

NESENEL gavman i no lus tingting long ol pipel insait long ol rurel eria na em bai traim hat long painim rot long sevim gut mani long yusim long bihain taim.

Minista bilong Plening Sinai Brown i bin mekim dispela toktok taim em i givim toktok long opening bilong nupela Maikro Fainens benk long Wau las wik.

Em i tok planti grasrut manmeri bilong PNG i save painim hat long sevim mani wantaim ol komesel o ol bikipela benk bikos long ol hatpela polisi bilong ol na dispela kain benk ol i opim i gutpela long helpim ol.

Mista Brown i autim wankain toktok na wanbel olsem Mista Wenge na Muingepe na singautim ol wau na Bulolo pipel long lukautim gut dispela beng na lukim kaikai bilong em.

### Mani bilong bris i stap pinis

NESENEL Gavman i givim pinis K300,000 long stretim Makam bris.

Minista bilong Plening Sinai Brown i bin tok namba hap bilong mani em K800,000 em Nesenel Gavman i bin givim pinis long stretim Makam bris we i stap long hap rot bilong Makam haiwe na bris.

Gavana Luther Wenge i bin autim tok amamas bilong em na tok ol bai yusim mani ya long mekim nupela bris na wok bai stat i no longpela taim nau.

# Vanila bilong Madang em top

...Ol fama mas bihainim stretpela pasin

### Ari Haba i raitim

WANPELA wok painimaut long Madang i bin lukluk long kwaliti, sais na longpela bilong vanila bin i tokaut olsem kwaliti bilong vanila bin i stap antap yet bikos long ol gutpela trening i kam long ol didiman opisa.

Wanpela vanila fama long Raikos Distrik long Madang provins em Wandia Parendo i mekim dispela tok amamas long ol toktok bilong ol didiman opisa long Saidor long tokaut long ol dispela painimaut.

Mista Parendo i tok i tru Raikos Distrik i kamap nupela taim yet long vanila bisnis, tasol ol fama i gat sampela

gutpela save long wei bilong planim, kontrolim ol set diwai, kontrolim ol vanila rop na tu pasin bilong havestim vanila bin na drain.

Mista Parendo i tok ol didiman opisa long Saidor i save patrol i go long wanwan ples insait long Saidor o Raikos Distrik we ol i save kisim ol fama i go long ol gaden vanila bilong ol na i save skulim ol gut tru long ol kain wei bilong lukautim na havestim ol vanila bin taim ol i redi.

I gat ol ripot olsem ol kampani long Wewak, Is Sepik i no moa baim ol vanila bin long wanem kwaliti bilong vanila i go daun na tu ol fama i save mekim giaman pasin

long vanila bin.

Long dispela, Mista Parendo i askim ol fama na ol pipel long Raikos Distrik long no ken mekim nabaut long ol vanila bin olsem pentim long blek kiwi o putim ol nidol i go insait long ol vanila.

Mista Parendo i tok ol pipel i mas bihainim stret pasin bilong ronim kain bisnis olsem vanila na maski long trikim o giamanim ol baiya o kampani olsem Papindo.

Dispela kain pasin bilong giamnim ol vanila baiya em pasin raskol long stilim mani nating long ol baiya na kampani na i no developim gut vanila industri long Papua Niugini.

### Papindo i no moa baim vanila

OL VANILA fama long Is Sepik na Sandaun provins nau i painim hat long painim nupela maket long salim vanila bin bilong ol.

Dispela long wanem tupela opis bilong Papindo stoa long Wewak na Vanimo i stop nau long baim ol vanila i kam long ol fama.

Papindo Trading i stop long baim ol vanila bikos i gat sampela asua na bikipela komplek i bin kamap long ol vanila fama.

Wanpela opisa bilong Papindo Trading husat i save skelim na klasim ol vanila bin i tok i gat planti asua i wok long kamap long vanila fama. Dispela opisa i tok planti ol yangpela vanila fama i save putim ol liklik nil i go insait long ol vanilla drai bin na i save i kam salim long kisim ekstra

weit o skel na kisim mani nating. Namba tu samting ol fama i save mekim em ol i save kisim blak kiwi o polis na polisim ol vanila i no gutpela wei nau em i polisim i kamap blak na i kam salim. Long dispela as tasol ol kampani olsem Papindo, Agmark na Garamut long Wewak na Vanimo i stop na long baim vanila.

Dispela opisa ya i tok ol vanila famas long Is Sepik i save kam salim vanila cured bin bilong ol long Vanimo i save giamanim ol opisa bilong Papindo long dispela kain pasin na Papindo long Vanimo i tromoi nating bikipela mani i go aut long han bilong ol fama. Dispela opisa i tok olsem i tru olsem i gat 3,000 kilogram o tripela ton vanila nau i stap long Vanimo wea kwaliti bilong em i no gutpela.



### Gutbai...

• Ol gutpela poro bilong leit Sir Anthony Siaguru, Minista bilong Fainens na Treseri, Bart Philemon, na Oposisen Lida, Sir Mekere Morauta, i soim rispek bilong ol Sir Anthony husat i slip insait long dai boks bilong em long Sen Mary's Haus Lotu long Pot Mosbi. Sir Anthony, bilong Is Sepik provins i bin wok long pablik na praiwet sekta long strongim kantri. Foto: JOE IVAHARIA

## Win na ren i bagarapim Manam Ailan

### Michael Novingu i raitim

INSAIT long tupela wik i go pinis bikipela hevi ren na klaut i pairap wantaim win i bagarapim Manam Ailan.

Ol dispela ples i bin kisim bikipela bagarapim tru em long Bokure, Abaria, Warisi, Kolan Wan na Tu. Bikipela ren na win i kam na graun i bruk na bagarapim ol gaden kaikai, ol haus na brukim daun ol diwai.

Strongpela klaut i pairap i kamap na katim na ron antap long graun na bagarapim ol kokonas diwai na ol gaden kaikai na em fes taim na mipela i lukim na pret.

Em i wanem kain samting i laik kamap long mipela? Raymond bilong Warisi ples i tok.

Long wankain taim presiden bilong Manam Disasta na Imejensi Komiti Martin Ababa i tokim *Wantok Nius* long Madang olsem ol pipel i kisim bikipela bagarapim tru na i no gat kaikai. Laki i no bin kilim i dai ol manmeri.

Mista Ababa i wokim ripot bilong dispela hevi na nau i stap long Madang long painim helpim long Gavman na ol arapela lain we i save givim helpim na ol i ken givim i go long ol lain i bungim hevi na bagarapim i stap long helpim ol.

Mista Ababa i tok Bogia Distrik Edministreta i save tu long dispela hevi na em tu i wokim ripot na wok painim aut pinis tasol mipela i no klia wanem taim bai helpim i kam.

## Madang Red Cross givim helpim

LAS wik wanpela delegesen bilong Australian Red Cross we PNG Red Cross Jenerel Seketeri Jacqueline Boga i go pas long en i go lukluk raun long Madang long ol hap we disasta o hevi i bin kamap.

Dispela em long ples Lalok insait long Astrolobe, Sini na Potsdam eria insait long Bogia Distrik.

Bihain long dispela lukluk raun bilong ol, Mis Boga i tok tenk yu long ol voluntia bilong Red Cross Madang Brens long wokim gutpela wok long helpim ol pipel i kisim bagarapim long hevi.

Em i tok em i save long hevi ol pipel i bungim long sait bilong mani.

long ronim wok bilong ol. Tasol em bin askim ol long wok bung wantaim na yusim wanem kain risos ol i gat long helpim ol arapela manmeri.

"Maski ol arapela lain i tok kros o tok bagarapim yupela givim beksait na go het long helpim ol arapela manmeri i kisim bagarapim long disasta," Mis Boga i tok.

Long wankain taim bosman bilong Madang Red Cross brens, James Dagan i tok tenk yu long ol voluntia long givim taim bilong ol long helpim ol arapela manmeri.

Em i tok yumi mas wok bung wantaim long bringim sevis i go long ol trangu manmeri i kisim hevi.

### Ol meri amamasim silva jubili

MOA long 1000 mama insait long Madang i kam bung long Bates Oval long las wik Trinde long amamasim 25 yia anivesari long wok bilong ol mama insait long provins.

Ol mama grup insait long eben na rurel eria, ol plismeri, ol meri i wok long ol Gavman Dipatmen na ol arapela ogenaisesen i stat mas long Yomba Plis Stesen

bihainim Modilon rot i kam long Bates Oval we selebren bilong ol i kamap.

I gat ol tumbuna singsing, ol drama pilai na ol sampela samting we ol mama yet i wokim long soim ol arapela manmeri na ol invaited ges long lukim.

Misis Elizabeth Solon em ges spika bilong dispela seremoni i bin mekim ol dispela toktok. "Mipela ol meri i mas

brukim dispela banis we i stopim mipela ol meri long wokim kain wok we ol man i save mekim. Mipela i mas wokim wankain wok olsem ol man. Long wok wantaim ol man i no isi em i hat tru ya. Tasol long mekim wok bilong yu isi, yu mas i gat rispek o luksave, gutpela pasin na wokbung wantaim ol man bai yu painim wok bilong yu em i isi long yu," em i tok.

**Hap Hap Nius**

**Yarka laikim helpim bilong Enga pipel**

MINISTA bilong Difens na memba bilong Laigap Porgera Kappa Yarka i tok olsem ol hevi bilong lo na oda i wok long bagarapim provins bilong em. Olsem na em i singaut long ol Enga pipel long wok bung wantaim long rausim hevi bilong lo na oda long provins.

"Namba wan salens bilong Enga em long daunim ol hevi bilong lo na oda insait long provins. Dispela bai kamap sapos ol lida insait long viles i wok bung wantaim ol provins na nesanel lida long kamapim wok developmen," Mista Yarka i tok.

"Plantj taim, ol hevi bilong lo na oda i wok long daunim developmen na inap long bagarapim sindaun bilong gavman tu."

Em i tok Enga provins inap long gat ol gutpela rot netwok na ol arapela infrastraksa i stap. Tasol taim lo na oda i bruk daun, sanapim bilong ol dispela infrastraksa em i hat tru.

"I mas i gat hat wok bilong wan wan man na meri bai developmen inap kamap i stat long viles level i go inap long nesanel level," Mista Yarka i tok.

**Ol dokta long Maunten Hagen haus sik i les long wok**

SEKYURITI long Maunten Hagen haus sik i wok long bagarap na ol dokta i wok long hap i laik lusim ples na go wok long arapela hap.

Ol dokta long Maunten Hagen haus sik insait long Westen Hailans provins i no laikim dispela taitel bilong 'referral haus sik' o haus sik we ol arapela liklik haus sik na helt senta i save salim ol sik manmeri i go long kisim marasin.

Ol dokta i laikim bai dispela taitel i go bek long Goroka bes haus sik long Isten Hailans provins.

**Pikinini Henganofi, Bijo, i no save kaikai abus**

**James Kila i raitim**

**BIJO** Anake, husat i gat tupela krismas em wanpela narakain liklik pikinini man stret.

Taim mama bilong em karim em inap nau, dispela pikinini i no save kaikai abus. Nau yet tru tumas em i no save long teis bilong abus olsem pik, lem fleps, kakaruk o kau mit.

*Wantok Niuspepa* i bin bungim liklik Bijo wantaim papa na mama bilong em las wik taim ol i karim wanpela bek kopi bilong ol i go salim long Goroka. Taim papa bilong Bijo, em Kevin Anake i lukim nius ripota em i askim long givim stori bilong pikinini man bilong em long niuspepa na PNG i mas save.

Kevin i stori olsem ol bilong liklik ples Sibirito long Kesavaka eria long Henganofi distrik long Isten Hailans.

Taim Bijo i stap long bel bilong mama Okasa, em i no bin save kaikai abus.

Okasa i bin tambuim em yet olsem em i no inap kaikai abus. Olsem na taim em i karim Bijo, dispela liklik pikinini man tu i no kaikai abus inap nau.

Kevin i stori olsem Bijo i

save kaikai ol prut na kumu na kaukau tasol. Dispela ol kain lain em long tok Inglis ol i save kolim ol 'vegetarian'. Tru tumas ating Bijo em ol lain papamama bilong em i wok long mekim em i kamap olsem.

Kevin i tok insait long famili bilong ol Bijo em las pikinini man. Bikpela brata bilong Bijo em Solomon husat i gat 14 krismas na i mekim gret 6. Narapela ol susa bilong em Sophia (11 krismas) na Semila (9-pela krismas).


Kevin i tok dispela tambu long i no ken kaikai abus i mekim Bijo i strongpela liklik manki stret.

"Taim mama i karim em i kam inap nau Bijo i no bin kisim sik. Em i strongpela manki na luk fit na helti na save amamas olgeta taim," Kevin i tok.

Tru tumas Bijo em wanpela strongpela liklik man stret.

Kevin i tok tu olsem em wantaim famili bilong em i save lotu long Seven De Adventis (SDA) na dispela tingting long stopim Bijo long noken kaikai abus i helpim sait bilong helt bilong pikinini.

"Narapela samting tu em



**Bijo, manki Henganofi husat i no save long teis bilong pik, lem fleps, kakaruk na kau mit wantaim papa Kevin. Foto: James Kila**

olsem, taim Bijo i no kaikai ol abus i helpim mipela long sevim mani.

Nau yet prais bilong ol abus i go antap tru na mipela ol man bilong ples i save kisim taim stret long baim ol dispela kain kaikai." Kevin i tok.



**Toksave i go long olgeta manmeri i save yusim Easipay**

PNG Power i laik toksave long olgeta Easipay kastoma olsem sampela senis i kamap pinis long Easipay Komputa Sistem olsem na bai i gat ol senis long olgeta Easipay Mita.

Dispela senis bai kamap long wik i stat long namba 19 dei bilong mun Epril 2004, long olgeta hap we i save salim Easipay.

Ol kastoma i mas bihainim olgeta toktok aninit bai ol i no inap long abrusim dispela senis.

Taim yu baim pawa long ol hap we ol i save salim Easipay, bai tupela kain namba i kamap long risit bilong yu.

Ol kastoma i mas bihainim dispela tupela rot:

- ROT NAMBA 1: PRESIM NAMBA ANINIT LONG DISPELA TOK KEY VOUC HER**
- ROT NAMBA 2: PRESIM NAMBA ANINIT LONG DISPELA TOK CREDIT VOUCHER**

Hap Toksave: Ol Pawa Kredit Yunit bilong yu bai i go antap.

Dispela senis bai kamap wanpela taim tasol olsem na mipela i askim yu long baim pawa long wanpela ples tasol inap long tupela mun long wanem dispela ples bai givim yu wanpela Key Change Voucher namba na i no inap givim narapela gen. Sapos yu go long narapela ples long baim Easipay bai em i givim yu tupela namba gen. Sapos yu bin kisim tupela namba pastaim qrait yu ken lusim tingting long Key Change Voucher namba na presim namba aninit long Credit Voucher tasol.

Long kisim moa toksave long dispela, ringim PNG Power Help Desk long telepon namba 325 3500 / 325 1933.

**Dispela toksave i kam long PNG Power Pablik Rilesens**

**Nondol komyuniti long Jiwaka sainim MOU wantaim CIC long Kopi developmen**

**James Kila i raitim**

WANPELA viles komyuniti insait long Jiwaka eria long Not Whagi eria long Westen Hailans provins las wik i sainim wanpela Memorandum ov Andastanding (MOU) long wok bung wantaim Kopi Industri Koporesin (CIC) long promotim wok bilong kopi developmen long eria bilong ol.

Moa long 600 manmeri long Nondol viles i bin bung long komyuniti opis bilong ol na i lukim dispela saining.

Ol manmeri i kilim pik na mekim mumu na bikpela kaikai tru long soim amamas bilong ol.

Dispela MOU em Sief Eksekutiv bilong CIC Ricky Mitio i bin sainim na CIC opisa Bernard Goma wantaim Fabian Api i bin kisim i go na bung wantaim ol komyuniti.

Aninit long dispela agrimen o MOU, CIC bai wok klostu olsem fasiliteta long helpim ol pipel bilong Nondol long redim gutpela kwaliti kopi bilong ol na kisim i go salim na kisim gutpela prais.

Mista Goma, long makim maus bilong CIC na Kopi Industri, i tok CIC i amamas long wok bung wantaim komyuniti we i ogenais gut na i sanap strong long wok bilong em yet long bringim gutpela sindaun na developmen long viles na wan wan famili bilong ol.

Man husat i sainim agrimen makim Nondol viles em Bernard Gunn, husat em dairekta bilong komyuniti bes helt kea (CBHC).

Nondol komyuniti i stap insait long CBHC program bilong Nazarin Sios Helt Ministri.

Insait long Nondol ol komyuniti yet i ogenaisim ol yet na i bin singautim CIC long go insait long wok klostu

wantaim ol.

Nondol CBHC em i wanpela gutpela kain komyuniti developmen model we i lukim ol pipel yet i gat pawa long wok bung wantaim ol yet olsem tim insait long komyuniti bilong ol na kamapim ol developmen program long wanem eria ol pipel yet i laikim.

Insait long CBHC wanpela strongpela kain komyuniti bes helt voluntia program i stap na strongim dispela tingting bilong "Helti Ailan Eksen Plen".

CBHC i sanap long strongpela pos o mak long sait long promotim helt na bringim kamap pasin bilong wok bung wantaim insait long komyuniti.

Dispela bikpela luksave las wik tu i lukim ol siaman bilong ol komyuniti insait long CBHC long Jiwaka eria olsem Domil, Nondugl, Sikmil, Kiam na ol haus lain.

Long Not na Saut Whagi i givim toktok bilong ol long sapotim dispela tingting bilong wok bung wantaim.

Anthony Kauke bilong Sikmil komyuniti klostu long Minj i mekim bikpela tok amamas long dispela pasin bilong wok bung wantaim.

John Wai bilong Domil CBHC i tok tok na aiwara i pundaun na em i tokaut olsem God i luksave long i mas i gat samting bilong bodi, tingting na sait bilong spirit na ikononmik na i bringim kamap pasin bilong wok bung wantaim.

Mista Wai i tok long taim tru ol papa tru bilong kopi i no bin kisim gutpela maket prais bilong kopi bilong ol.

Dispela saining bilong kontrak bai lukim ol fama i redim gutpela kwaliti kopi bilong ol na ol yet i bung wantaim na karim i go salim long maket na kisim gutpela prais.

## Hap Hap Nius

## Ol bisnis mas helpim ol polis long pait egensim raskol pasin

SENTREL polis komanda, Sief Inspekta Peter Taiang, i tok strong long ol bisnis haus long helpim polis long wok bilong lo na oda.

"Ol bisnis haus, komyuniti lida na ol polis i mas wok bung wantaim long mak bilong komyuniti long mekim Papua Niugini i kamap wanpela kantri we i gat gupela bihain taim bilong en," komanda Taiang i tok.

Mista Taing i mekim dispela tok long namba tu greduesen bilong ol 31 risev polis long Doa raba plentesen long Hiritano Haiwe.

Tolukuma Gol Main i save yusim ol dispela risev polis olsem ol sekuriti opisa.

Ol dispela risev polis i bin pinisim wanpela kos long komyuniti polising we i bin kisim 2-pela wik.

Dispela program i kam aninit long komyuniti projek bilong main.

## Wardstrip bai kisim ol nupela klasrum

WOK long kamapim tupela klasrum long Wardstrip Demonstresen Praimeri Skul long Nesenel Kepitel Distrik (NCD), klostu bai stat.

Mani mak long kamapim dispela tupela klasrum we bai stap insait long wanpela bilding tasol em moa long K800,000 we i kam long Gavman bilong Japan aninit long Grant Asistens Grasruts Projek (GGP) bilong en.

Nesenel Kepitel Distrik Komisin (NCDC) tu bai helpim.

Deputi siti menesa, Robin Yanopa, i tok tingting long kamapim dispela projek i bin bilong bipo bod siaman bilong NCDC, Jack Pidik, las yia.

Em i tok ol i bin kisim tok orait long i go het long dispela projek long Ogas las yia na i bin sainim ol pepa wantaim Gavman bilong Japan we i tok ol na NCDC bai wok bung wantaim na givim mani long skul long kamapim dispela ol bilding.

Mista Yanopa i tok NCDC i lukim edukesen olsem wanpela bikpela samting.

Deputi sief ov misin bilong Japan long PNG, Tamio Tomino, i tok Wardstrip i wanpela bilong ol skul we narapela projek bilong Gavman bilong Japan ol i kolim, Laiv Brodkast Klasrum Lening, i tok long kamap.

Deputi siaman bilong bod ov menesmen bilong skul, Joe Karu na hetmasta, Fred Eovo, i tok tenkyu long NCDC na Gavman bilong Japan long helpim bilong ol.

Mista Karu i tok olsem skul i wok long lukim sampela gupela senis na em i tok strong long ol tisa long mekim wok gut.

## Mosbi Ats Tieta kamapim Agamemnon

...Laik tanim i go long Tok Pisin



Stilim Meri • Tupela ekta long dispela pilai, Tidman Ikosi (Iephan), husat i bin ekt olsem Aegisthus, na Grace Maribu, husat i bin ekt olsem Clytemnestra.

MOSBI Ats Tieta (MAT) i wok long soim wanpela pilai ol i kolim Agamemnon we i stilim lewa bilong planti pipel pinis.

Pilai we i ron long sampela nait pinis i gat planti kain kain hap stori olsem kros bilong ol brata, stilim meri bilong brata, pikinini i kilim kandre, kaikai mit bilong ol pikinini husat i dai, papa i kilim pikinini meri long amamasim God bilong em, na woa.

Dispela pilai, i save pulim tingting bilong ol pipel na mekim ol i laik lukim moa.

Wanpela as we i mekim dispela pilai i gupela tru em ol ekta, planti bilong Papua Niugini yet, husat i ekt gut tru na soim olsem ol PNG i fit long mekim pilai long tieta stret tu na i no kain pilai olsem long rot tasol we ol pipel i save bung long lukim.

Wanpela biknem meri ekta bilong PNG we i stap long dispela pilai em Claire Hayes, na we em i bin ekt long wanpela hap bilong pilai bai mekim skingras long nek bilong ol lain husat i lukim i sanap.

Narapela biknem ekta meri bilong PNG we i stap long dispela pilai em Grace Maribu.

Planti pipel husat i bin lukim dispela pilai i bin amamas tu long ol stail danis ol i bin lukim we i bin kam long Siale Dance Troupe aninit long was bilong wanpela top meri bilong mekim ol danis, Dobi Kidu.

Wanpela nupela samting we i kamap long dispela pilai em MAT i wok long rekotim long vidio kemra long mekim piksa long en.

Ol i gat tingting tu long tanim ol toktok bilong dispela pilai i go long Tok Pisin we bai kamap long piksa long vidio we bai mekim isi long ol lain husat i no save gut long Tok Inglis long lukim long piksa na klia long stori bilong pilai.

MAT i gat 90 krismas long dispela yia. Grup i bin kamap long yia 1914 long Douglas Strit na long 1974 i bin suruk i go long Waigani we ol i bin kamapim wanpela tieta we ol i ken kamapim ol kain pilai olsem Agamemnon.

## Milen Be edministreta i tok ol i no mekim wok bilong rausim

EKTING provinsel edministreta bilong Milen Be provins, Henry Bailasi, i tok olsem ripot olsem edministresen i laik eviktim o rausim na salim ol setla long Sanderson Be klostu long Alotau i go bek long ples bilong ol, i no tru.

Mista Bailasi i tok sampela tok we i no stret i bin go long ol bikpela atoriti, olsem Deputi Praim Minista, Moses Maladina.

I bin gat ol ripot olsem wan-

pela mausman bilong ol setla long Sanderson Be i bin raitim wanpela pas i go long Mista Maladina na i bin askim em long stopim dispela rausim.

Ripot i bin tok olsem Mista Maladina, bihain long em i bin toktok long dispela mausman, i bin raitim wanpela pas i go long Mista Bailasi long stopim dispela rausim.

Mista Bailasi i tok olsem i tru olsem em i bin kisim wanpela pas long Mista Maladina husat

i memba tu bilong Esa'ala long Milen Be provins, husat i bin tok olsem em i gat sampela wari long dispela rausim bilong ol setla.

Mista Bailasi i tok em i bin raitim wanpela pas i go long ol setla long askim ol long wok bung wantaim ol provinsel seveya (ol man bilong makim graun) husat i bin gat wok long hap.

Em i tok olsem provinsel gavman i gat ol tingting long brukim

hap graun namel Alotau na Gurney long putim ol setla bilong Sanderson Be na ol narapela hap long en.

"Nau yet i nogat kain samting olsem rausim i wok long kamap," Mista Bailasi i tok.

I bin gat wari olsem sapos dispela rausim i kamap, ol pipel long ol narapela hap bilong Milen Be provins bai tingting nogut long ol dispela setla, planti husat i bilong Esa'ala, Milen Be yet.

Hino

King of the Road!

**FG1J 4x2 Model**  
With Cargo Body  
Powerful 7.961 Litre  
6-Cylinder Diesel Engine

**K243,995**

PRICE INCLUDES VAT & ON ROAD COSTS!  
HURRY OFFER EXPIRES: 30th APRIL, 2004.

Drive Away!

**Ela Motors**  
**TRUCKS**

TOYOTA TSUSHO (PNG) LTD  
NATIONWIDE

FOR FURTHER INFORMATION:

ERROL MCKINNON  
PH 3229467 FAX 3217268  
Email: emckinnon@elamotors.com.pg



**Hap Hap Nius**

**Ombudsman sekim mani paul long Bogenvil**

OMBUDSMAN Komisin i wok long karimaut wanpela wok painimaut i go insait long ol sas bilong misapropriesen insait long Bogenvil administresin.

Dairekta bilong operesen long Ombudsman Komisin, John Toguata i tok olsem ol i wok long mekim dispela wok i stap.

Em i no tok klia long wok o rot ol i bihainim long wok painimaut bilong ol o husat ol i ting i mekim dispela paol pasin.

Administreta bilong Bogenvil, Simon Pentanu i bin tok klia olsem mani we i lus i bin go long sanapim Bogenvil gavman. Mak bilong dispela mani i sanap long samting olsem K10 milien bilong tupela yia.


Namba wan hap bilong K5 milien i bin go long Bogenvil administresin long Januari. Hap long dispela mani i bin go long stretim ol dinau na ol arapela samting.

**PEA long Wes Nu Briten laikim moa mani long potnait**

OPIS bilong Pablik Emplois Asosiesen (PEA) insait long Wes Nu Briten i laik askim nesenelel eksekutiv bilong ol long tok klia bilong wanem na ol i no givim tok orait long samting olsem 55 pesen moa mani bilong potnait aninit long CPI inkris program.

Nesenelel Eksekutiv bilong PEA i bin toksave long Dipatmen bilong Pesenelel Menesmen long noken luksave long dispela inkris o mak bilong mani i go antap long potnait.

Siaman bilong Wes Nu Briten PEA brens, Blaise Vovore i tok olsem ol i bin amamas long luksave bilong DPM long baim 12 pesen CPI inkris bilong 1999.



Lainim samting bai helpim yu long laip...Sam Bobolo, husat i gat 19 krismas tasol em bilong Ngunguna viles long Kokopo long Is Nu Briten. Em i yangpela man tasol na em i gat save bilong kukim skon, kek na ol arapela samting. Em i soim olsem sapos yu lainim samting olsem, bai yu inap long kisim wok long en tu. Foto: HILDA WAYNE

**Ol Manus pisaman bai gat ples bilong salim**

OL MAN bilong hakim pis long Manus bai no inap long hatwok long karim ol pis bilong ol i go long maket bilong salim.

Wanpela agrimen i stap pinis we bai ol i sainim long mun antap long luksave long wanpela lis agrimen wantaim Manus provinsel administresin, National Fisheries Authority (NFA) na Sunam Seafood Processors Limited (SSPL).

Dispela sifud bisnis bai peim graun insait long Lorengau taun we i bin stap aninit long provinsel administresin na NFA.

Administreta bilong Manus, Wep Kanawi, i tok SSPL bai opim maket bilong baim pis long ol lokol pisaman long prais we i gutpela moa long prais bipo.

Mista Kanawi i tok olsem kampani bai salim bensin bilong bot tu i go long ol pisaman.

**Namba wan dokta bilong ol Baining**

PLES Baining insait long Is Nu Briten provins i amamas long luksave long wanpela manki bilong ol i kisim luksave olsem wanpela dokta.

Michael Landi, 25 krismas em dispela yangpela man Baining husat i opim rot bilong ol saveman bilong hap taim em i greduet olsem wanpela dokta long Yunivesiti ov Papua Niugini.

Nau Dokta Landi i wok long mekim wok residensi bilong em long Nonga Base Hospital klostu long Rabaul.

Em i bin mekim praimeri skul bilong em long Raunsepna Komyuniti Skul bihain em i skul long St Mary's Hai Skul long 1993 i go inap 1996.

Bihain long em i pinisim hai skul, em i kisim sans bilong go skul long UPNG long 1997 i go inap 2003.

Michael em i wanpela pikinini long famili bilong em husat i holim yunivesiti digri pepa.

**TOKSAVE BILONG PASIM WARA**

**Eda Ranu i laik toksave long ol manmeri bilong NesenelelKapitol Distrik olsem bai wara saplai i pas long siti long 12 kilok biknait long Fraide 30th Epril i go inap 12 kilok biknait long Sande 2nd Mei 2004.**

Dispela em bilong larim ol wokman i mekim wok mentenens long nupela wara paip na trensmisen mein long Maunt Eriama Tritmen Plen i go long siti.

Sampela hap bilong siti bai i no inap kisim gut wara inap biknait olsem na ol manmeri i mas bungim gut wara na yusim.

Long abrusim ol sik nabaut ol manmeri i mas boilim wara pastaim long ol i dringim insait long 48 aua bihain long wara i kam bek gen.

EDA RANU i laik tok sori long wanem kain hevi em i kamapim na em i askim ol pipel long sapot na stap wantaim ol.

Long kisim moa toksave yu ken toktok wantaim mipela long Hotlain long telepon namba: 3122100.



**Mussau pipel no laikim liklik bot**

OL PIPEL bilong Mussau ailan insait long Nu Ailan provins i no laikim ol liklik dingi long ron namel long ol ailan bilong ol.

Ol i no amamas long plen bilong Nu Ailan provinsel gavman long givim aut ol liklik dingi long ol.

Wanpela lida bilong MURA (wanpela grup long ol Mussau pipel i stap long Rabaul), Joses Taru i singaut long Gavana lan Ling-Stuckey long givim ol bikpela sip long ol Mussau pipel bilong ron long solwara na i no ol liklik bot we bai inap long kapsait kwiktaim long solwara.

Mista Taru i tok ol dispela liklik banana bot em i namba wan as long ol manmeri i save painim birua long solwara.

Em i tok solwara namel long Mussau na Kavieng i save bagarap tru na planti taim ol liklik bot i no save go kamap long ples bikos ol i save painim birua.

Toksave i kam long opis bilong Nu

Ailan Gavana lan Ling-Stuckey i tok Mista Ling-Stuckey i wok long go het wantaim plen bilong provinsel gavman long stretim trenspot bilong ol manmeri antap long solwara.

Tasol ol i tok tu olsem ol dispela liklik bot i gat ol tul bokis i stap long en long stretim ol sapos ol i bagarap long solwara, tasol i nogat samting bilong lukautim skin bilong ol manmeri i ron antap long bot.

Provinsel gavman bilong Nu Ailan aninit long lukaut bilong Administreta Robinson Sirambat i bin kamapim Small Crafts Act, wanpela lo we i luksave olsem ol manmeri i raun long ol liklik bot i mas i gat ol samting bilong lukautim skin bilong ol sapos ol i painim birua long solwara.

Dispela lo i tok klia olsem wan wan sip o bot i laik raun long solwara i mas i gat ol sefti samting i stap long en pastaim long ol i karim ol pasin-

**Bus marasin buk bai kamaut klostu**

WANPELA liklik buk we i save givim tok stia long yusim ol marasin bilong bus long pinisim ol sik bai kamaut klostu long helpim ol manmeri.

Rijinol kodineta bilong HIV/AIDS long Is Nu Briten, Binam Kakap, i tok olsem em i wok long stretim dispela liklik buk i stap we i tok klia long olgeta ol dispela bus marasin.

Em i tok dispela buk bai i gat ol nem bilong

ol plaua, we bilong stretim ol long kamapim marasin bilong stretim ol kain kain sik.

Ples nem bilong wan wan long ol dispela plaua i stap wantaim piksa bilong em long tok klia gut long rot bilong yusim.

Mista Kakap i tok olsem ol manmeri bai inap long baim dispela liklik buk long K20 tasol.

Em i tok Papua

Niugini em i wanpela kantri we i gat planti samting bilong bus we i stap tasol ol manmeri i no klia long strong bilong ol dispela samting.

Em i tok i gat sampela plaua we i gat samting olsem 60 inap long 100 pesen strong bilong marasin.

Em i tok wok long stretim gut dispela liklik buk bai go het klostu.



### Paitim meri em kalsa bilong PNG?

KALSA em i wanpela as we pasin bilong paitim na bagarapim ol meri i kamap strong insait long PNG. Wanpela meri lida long kantri em Ume Wainetti i bin tok insait long woksop bilong "vailens egen-sim ol meri" i bin kamap long Gateway Hotel las Fraide.

Em i tok tu olsem tupela lo i wok long paulim ol pipel insait long kantri long hevi i sut long marit, paitim na bagarapim meri.

Em i tok tu olsem planti ol bikman long kantri na komyniti i wok long yusim kalsa na wokim pasin bilong bagarapim ol meri, maritim planti meri na ol kain pasin olsem.

Em i tok ol dispela bikman i save tok em i stap long pasin tumbuna bilong ol long maritim moa long wanpela meri. Na taim ol hevi i kamap na ol i kisim i go long kot, ol i no klia wanem lo bai ol i bihainim-pasin kastom o lo PNG i kisim i kam long ausait.

Mis Wainetti i tok i gat hevi i stap long pasin kastom na nupela lo we PNG i bihainim long taim em i kisim indipendens long en. Na em i singaut long ol atoriti i mas mekim dispela i klia.

Em i tok tu olsem laip i wok long hat tumas na ol meri i wok long kamap olsem ol bos long famili na haus na ol yet i mas putim kaikai long tebol bilong famili. Na long wankain taim tu, laip i hat na sampela famili i fosim ol yangpela meri long wokim pasin pamuk na famili bai gat mani long baim kaikai long en.

Em bin tok tu long sampela keis, ol man bilong ol meri i save salim ol meri bilong ol long wokim pasin pamuk na ol i sindaun wet na kisim mani ol meri i kisim.

## Singaut long daunim vailens egensim ol meri na HIV/AIDS

Veronica Hatutasi i raitim

VAILENS egens long ol meri o pasin bilong paitim na wokim nabaut long ol meri na HIV/AIDS em tupela long ol bikpela as bilong wari nau insait long PNG na ol aweanes wok i kamap nau long givim save long pablik insait long kantri na traim daunim ol, Britis Hai Komisina long PNG David Gordon-McLeod i tok.

Em i tok Hai Komisina i luksave long dispela na em i karimaut tupela woksop long las wik

Em i tok kantri i no inap long edresim o stretim dispela tupela hevi inap long pasin bilong ol man long dispela i senis.

"Vailens egens long ol meri na HIV/AIDS em tupela bikpela hevi long PNG tude. Na sapos pasin long ol meri i no senis, bai hat long PNG i daunim hevi long tupela eria ya.

Mista Gordon-McLeod i tok em i amamas long ol gutpela toktok we i bin kamap long tupela woksop ol bin holim long Gateway Hotel long Mosbi long las Tunde na

Fraide.

Em i tok em i luksave long ol wok we ol wan wan NGO grup na sios long kantri i wokim long karimaut aweanes na daunim vailens egens long ol meri na HIV/AIDS.

Tasol em i tok i mas gat wanpela ambrela bodi long kodinetim ol dipela grup na wok.

Em i tok ol nupela lo i sut long vailens egensim ol meri na ol arapela samting moa gavman i kamapim em i mas go hetim.

Em bin tok tu olsem i moa-beta long kisim ol dispela isu o samting i go long ol skul.

"Pablik na ol skul i mas toktok na save long ol dispela samting. Ol i mas kisim ol dispela samting i go long ol skul.

"Ol sios i gat wok long mekim tu. I gutpela long lukim olsem sampela sios i strongim wok long helpim daunim ol hevi long dispela tupela eria.

Mi no klia tasol i gutpela tu sapos Palamen i gat komiti we em i ken lukluk na go pas long ol dispela eria, "Mista Gordon-McLeod i tok.

Em bin tok tu kempein i mas kamap tu long moa meri i kamap plis meri na ol meri i kisim hevi long ol meri i pilim fri long toktok na autim wari bilong ol long ol hevi i sut long vailens egens long ol meri.

Em bin tok tu olsem i mas gat moa wok bung na toktok namel long ol plis, ol bisnisman na midia long kamapim kempein o aweanes long egensim ol man i paitim na bagarapim meri bilong ol olsem ol kauwot o ol i no man tru tru.



• Profesa Scarlett Epstein i bin givim toktok long dispela semina. Em i poroman gut wantaim wanpela meri lida em Margaret Loko. Foto: VERONICA HATUTASI



### SMOKED SALMON LINGUINE (PASTA)

Yu mas i gat:

- 1- pela tebol spun bata
- 1- pela anian (katim liklik)
- 1- pela tispun galik (brukim i go paura)
- 15 masrum, slaisim
- 1-pela het bilong brokoli (katim liklik)
- 1-pela tomato
- 1/2 kap wara
- 300ml krim
- 200g smoked salman(katim longpela)
- Fettuccine o linguine (kain spageti)

We bilong Kuk:

- \*Kukim pasta bihainim tok-save long paket.
- \*Hatim wel long frai pen.
- \*Kukim anian pastaim bihain putim galik, masrum na ol arapela kumu wantaim wara.
- \*Karamapim frai pen na larim ol kaikai i kuk inap 10 minit.
- \*Kapsaitim krim na kukim wantaim salmon long narapela tu minit.
- \*Rabim pasta long sos bilong kaikai.



Tromoi liklik bilak pepa antap na kaikai wantaim bret na saled.

### Save long ol Raits bilong yu

#### Namba Eit Hap

CEDAW i luksave olsem tru lo i tok long givim wankain rait long ol meri, senis i mas kamap long narapela level. Dispela kain senis i mas kamap tru long ol samting i save kamap long olgeta de na long pablik na praivet level. Senis i mas kamap long pasin na long ol wok we ol man na meri i save wokim long en. Senis tasol long lo i

no inap givim strongpela luksave long humen raits bilong ol meri tasol em i namba wan step o rot long kamapim senis.

Husat bai lukautim wok long tok oraitim na lukim olsem ol rait i stap long CEDAW em ol i go het?

Em i wok bilong gavman long givim tok orait na kantri bai luksave long CEDAW.

Gavman i mas mekim olsem CEDAW na ol arapela konvensen i kisim luksave. Ol i mas putim tu wanpela sistem we ol lain husat ol i bagarapim rait bilong ol i ken go long en. Sampela tok piksa o ples we ol lain i ken go long en em long: fea kot na ol jas, ol plis na pablik sevan husat i no wokim wansait sistem pasin, Mama Lo, lo na pablik polisi i givim ol man na meri ikwal o wankain rait na Humen raits Komisina.



### Asua bilong Husat?

Meri Wantok i laik save sapos yupela i save laikim ol stori mipela i save printim. Rait i kam long Meri Wantok, Word Publishing Company, PO Box 1982, Boroko, NCD o ring i kam long telipon 325 2500 na toktok long Veronica Hatutasi o Barbara Tomi. Yu ken salim ol stori tu long email: word@global.net.pg.

RITIM LAS HAP STORI NEKS WIK TAIM JENIFA I LUSIM HAUS SIK LONG GO BEK LONG HAUS NA OL HEVI EM BAI MAS BUNGIM.

**Tok Tok Nating**  
**Wantaim Fr**  
**Paul Liwun SVD**



LONG laip bilong yumi, sampela taim yumi bungim taim we, ol narapela manmeri i no inap soim gutpela luksave bilong ol long yumi. Sampela gutpela pren bilong yumi tu i save bagarapim gutpela nem bilong yumi. Gutpela pren em i ples we yumi save askim helpim. Tasol sampela taim gutpela pren i kamap as bilong olgeta hevi na trabel long laip bilong yumi.

Mi yet i bin kamap viktim bilong dispela kain pasin. Em i no bilong taim mi bin kamap Pater. Nogat. Long taim mi stap long hai skul o long seminari yet, mi bin bungim dispela hevi pinis.

Ol wan wok bilong mi, wantu tasol i soim pasin nogut long mi. Ol i lukim mi olsem birua bilong ol. Ol i laik bai mi mas lusim ol na go, noken stap na wok moa wantaim ol. Ol i les long lukim mi.

Taim mi bungim dispela kain hevi, mi save tingting long lusim wok bilong mi o lusim grup bilong mi. Tasol long wankain taim i gat wanpela strongpela nek (voice) i save kamap insait long bel bilong mi. Dispela nek i save tokim mi long "noken go". Olsem na mi stap tasol long karim hevi na tok nogut bilong "gutpela pren bilong mi".

Tingim gut. Long laip bilong yumi antap long dispela graun, i no olgeta manmeri bai amamas na akseptim gutpela wok yumi save mekim olgeta de.

Long taim ol manmeri i no luksave long yumi, i gat wanpela gutpela skul yumi lainim. Yumi lainim long pogivim ol. Long taim mi pilim olsem ol narapela i no akseptim mi, mi pilim tu olsem mi mas luksave long mi yet. Bilong wanem narapela manmeri i no akseptim mi? Mi noken sutim tok nating long ol. Mi mas askim mi yet tu na traim long askim mari mari bilong God, bai mi inap long soim pasin pogiv bilong mi long ol.

God i bin yusim gutpela pren bilong mi olsem wanpela mira o glas long lukim mi yet. Long bungim kain hevi, mi bai painim aut as bilong hevi na long dispela we tu mi bai luksave long mi yet.

I nogat wanpela man antap long dispela graun em i nogat rong. Olgeta manmeri i gat rong bilong em yet. I nogat wanpela man i no bin mekim rong.

Tasol mi bilip, olsem manmeri bilong bilip long God, yumi olgeta i traim hat olgeta de long kamap gutpela long ai bilong God. Yumi yet i luksave olsem, igat sampela samting insait long bel bilong yumi, yumi mas kamautim na klinim na rausim.

Olgeta taim yumi traim hat long mekim gut long laip bilong yumi olgeta de.

Sampela taim ol samting we yumi laik mekim kamap bai kamap gut, sampela taim yumi i no inap. Tasol wanpela samting mi laik tokaut long yumi olgeta - gutpela pren em i yumi nidim long laip bilong yumi.



**"Yumi I bin I dai wantaim Krai"**

Orait nau bai yumi mekim wanem tok? "Yumi ken mekim planti sin bai God I ken marimari moa yet long yumi," ating yumi ken tok olsem, a? Nogat tru. Yumi olsem ol man I dai pinis, na yumi lusim pinis pasin bilong mekim sin. Na olsem wanem bai yumi wokabaut moa long dispela pasin? Yumi bin pas wantaim Krai Jisas na kisim baptais, na long dispela pasin yumi olgeta I bin pas wantaim dai bilong em. Ating yupela I no save long dispela a? Long baptais yumi bin pas wantaim dai bilong Krai, na God I planim yumi wantaim Krai long matmat.

Rom 6: 1 - 4a

**Katolik meri grup go long rijinel bung long Fiji**

**Veronica Hatutasi i raitim**

WANPELA grup bilong ol Katolik meri bai lusim kantri long wiken bilong go stap insait long wanpela bikpela bung long Suva, Fiji.

Dispela em bung bilong Wol Yunien ov Katolik Wimens Ogenaisesen (WUCWO).

Long dispela bung, ol Katolik meri lida i makim Esia na Pasifik bai stap long en. Australia na Nu Silan bai salim ol meri

sios lida long dispela bung.

Bung bai stat long neks Mande Me 3 na pinis long de namba 8.

Seketeri bilong Wimens Deskr wantaim Katolik Bisops Konfrens bai go pas long dispela wokabaut bilong ol Katolik meri lida bilong PNG.

Bikos long hevi bilong mani i sot, ol bin daunim mak bilong ol meri long go long 30 mak i go daun long 10 samting. Ol dispela

meri bai i makim ol wan wan daiosis.

Sampela long ol bikpela samting we ol bai toktok long ol long dispela bung em long vailens egens long ol meri, mama na pikinini meri rilesensip o toktok na wok wantaim na humen raits.

Long nau, ol meri makim ol daiosis i kamap pinis long Mosbi na stretim ol pepa bilong ol na redi long kisim balus na go long Fiji long wiken.

**Yut egens korapsen grup i kamap**

**Veronica Hatutasi i raitim**

PATER John Glyn em wanpela Katolik sios pater na tisa long Jubili Katolik Sekonderi skul insait long Nesenel Kapitel i strongim ol yut long wok bilong egen-sim korapsen insait long PNG.

Na em i kamapim wanpela grup long strongim tingting bilong ol yut insait long ol skul na ol i go insait long wok taim ol i yangpela yet. Na ol i ken helpim long daunim ol korap

pasin long olgeta level bilong komyuniti, sosaiti na kantri.

Nem bilong dispela grup em "Yut Egens Korapsen Muvmen".

Na muvmen ya em i bilong strongim na sti-aim ol yut long gutpela futja. Pater John i bin kirapim dispela muvmen long Jubili Sekonderi long las yia.

Mak bilong dispela muvmen em piksa bilong wanpela han.

Ol memba bilong dispela grup i wokim tok promis ol i kolim long

Milenium Plej o promis na ol i mas tokaut long dispela promis long wanpela taim insait long wanpela de. Na ol werim bej na ol i gat liklik buk bilong ol memba wantaim ol.

Planti o liklik lain i ken fomim grup we mak bilong ol i stap namel long 12 na 15 yut.

Husat yut i kamap memba bilong "Bikpela Han" em long wanem em i pilim olsem kalsa bilong giaman, korapsen o yusim mani na pablik samting o

bikpela posisen bilong lidasip long wokim samting i no stret olsem paulim mani o kisim bikpela wok we wanpela i no inap long mekim gut long wantok pasin.

Ol dispela samting i wok long bagarapim kantri na sosaiti bilong yumi.

Tu, ol dispela yangpela i les pinis long ol kraim na bikhet pasin i kamap bikpela long wanem ol pipel i tok yesa long korapsen na ol i lukim olsem em i hap bilong sosaiti bilong

yumi. Bikpela Han grup i askim ol sampela lain insait long skul husat i laik kamap memba, kam long ol sampela edukesen institusen, sios, wok wantaim na ol kain grup bilong ol yangpela pipel.

Wan wan grup bilong Bikpela Han i gat samting we ol i mas fokasim wok bilong ol long en. Tok piksa em ol laik fomim kwaia grup, prea grup, sios grup, grup i laik go lukim ol siklain long haus suk, HIV-AIDS sapot grup na moa.

**Ol nupela Salvesen Ami Sios memba kisim blesing**

SALVESEN Ami i bin kiism 17 nupela memba insait long sios bilong em long las wik.

Ol i kolim ol memba bilong ol soldia.

Dispela i bin kamap long ples Saranguandu long Wosera eria insait long Is Sepik provins.

Bilong welkamim ol nupela sios soldia ya, ol bin holim wanpela seremoni long taim bilong Ista.

Tupela spesel ges na lida bilong Salvesen Ami sios i bin go pas long dispela seremoni. Em long Kenel Trevor Tuck husat i Komanda o bos bilong Salvesen Ami sios long PNG na meri bilong em, Kenel Memory Tuck. Em i presiden bilong Ministri bilong ol Meri wantaim sios long PNG.

Kenel Tuck na meri bilong em i bilong Saut Afrika. Ol i bin kisim balus long Mosbi i go long Wewak. Tupela narapela pasto i wok long Wewak bin go wantaim Kenel Tuck na meri bilong em i go long ples Savanguandu long stap insait long welkam selebren bilong ol nupela sios memba. Em long Kepten Stanley na Evah Warapen.

Ol bin kisim rot i go long ples Saranguandu long stap insait long seremoni. Taim ol i go kamap, kongrikesen i bin amamas na putim kamap ol singsing tumbuna na danis na tu, welkamim ol long tumbuna stail bilong ol Wosera yet.

"Mi na meri bilong mi i bilong Saut Afrika na mipela i amamas long stap long PNG na serim Gutnius wantaim planti lain long hia. Jisas em i Lod bilong Saut Afrika na PNG tu," Kenel Tuck i bin tokim kon-



• Wantok Redio Lait save skruim wok bilong Bikpela. Wokmeri na anaunsa, Linda Sanana, i amamas long pairapim ol toktok na musik bilong apim nem bilong Bikpela. Foto: PAULUS TALI

grikesen na ol nupela soldia.

Em bin skruim tok moa olsem long Salvesen Ami, ol soldia em ol lain husat. I Kisim Jisas long laip bilong ol na em i lusim ol sin bilong ol long grasia bilong em.

Em bin tok wanpela soldia i no inap long kamapim ami na olsem, i mas gat planti lain i kamapim ami long sanap wantaim na pait egensim ol pasin nogut long wol tude.

Ol ges sios lida i bin go pas long wokim seremoni bilong givim blessing na kisim tok promis bilong ol nupela pikinini soldia. Samting olsem 200 kongrikesen memba i bin sapotim ol preia na sevis.

Kenel Memory i bin tokim kongrikesen olsem wan wan pikinini em i spesel presen bilong Papa God.

Em bin tok Jisas i bin laikim tru ol pikinini na mipela i mas tok tenkyu long em na askim em long givim spesel blessing i go long ol.

Long Ista toktok bilong em, Kenel Tuck i bin salensim kongrikesen long tok yesa long mesej bilong Angelo husat i bin sanap antap long empti matmat bilong Jisas we em bin givim long ol meri i save bihainim Jisas long wokabaut bilong em taim em i stap laip.

Mesej ya em long "kam na

lukim, Jisas i stap laip na go toksave."

Em i tok olsem ol dispela lain i bihainim Jisas, mipela i mas go aut na mekim kontribusen bilong yumi na kamapim sampela senis insait wan wan jeneresen.

Bipo long Kenel na meri bilong em i lusim ples Saranguandu, em bin givim wanpela presen long kongrikesen.

Em bin tok tenkyu i go long komyuniti, Salvesen Ami long Is Sepik na Kepten Warapen na ol arapela Kristen manmeri long lukautim ol gut na mekim stap bilong ol long Is Sepik provins i gutpela.



**Redi...Ol sumatin bilong Damai pri skul long Boroko i redi long go insait long klas na Wantok i bungim ol. Damai Pri skul em nupela na i bin op las mun tasol. Foto: VERONICA HATUTASI.**

**Hap Hap Nius**

**De La Salle bai redi nau long amamasim 60 krismas**

DE La Salle hai skul long Bomana klostu long Pot Mosbi bai selebretim 60 krismas bilong em long yia 2006.

Het masta bilong skul Leo Maia i tok ol wok redi long dispela bikpela selebren i mas stat nau. Olsem na askim i go long ol eks De la Salle bois long Pot Mosbi na kantri na tu, ol papamama bilong ol sumatin i skul long De La Sale nau na tu, ol arapela grup o ogenesesen i gat intres long skul long sapatim skul long ol fan resing wok na ol arapela tingting na plen bilong amamasim dispela bikpela de.

De La Salle em i wanpela olupela na gutpela skul we Katolik sios i papa long em. Na ol De La Salle Bruder i bin kirapim klostu 60 krismas i go pinis. Planti ol lida na bikman long kantri i bin skul long De La Salle. Long planti krismas tu, skul i wanpela long ol we ol sumatin i save wokim gut stret long ol akademik risal insait long kantri.

**De La Salle na Gerehu Hai long NCD bai kamap sekonderi skul neks yia**

Edukesen Dipatmen i tok orait pinis long mekim De La Sale na Gerehu Hai skul i kamap olsem sekonderi skul long neks yia.

Hetmasta bilong De La Salle Leo Maia i tok. Em i tok NCDC i putim De La Salle long baset bilong em long dispela yia long sanapim foapela kiasrum blok. Skul i wetim Bot tasol long tok oraitim ol samting na bai putim tenda i go aut long ol kampani i karimaut wok long en. Francis Okuk na Mista Maia i toktok pinis wantaim Dokta Joseph Pagelio bilong Nesenel Edukesen Dipatmen na em i givim ful sapat long Gerehu na De La Salle Hai i kamap sekonderi skul long neks yia.

Mista Maia i tok skul bai nidim helpim bilong papamama long karimaut ol wok redi long Gret 11 i stat neks yia.

**Bena Bena kamap sekonderi skul**

Bena Bena hai skul insait long Isten Hailans provins i kamap olsem wanpela sekonderi skul pinis.

Edukesen Dipatmen i bin givim tok orait long dispela mun.

Siaman bilong skul Fred Sabumei i tok bot i bin laikim bai skul i kamap olsem wanpela sekonderi skul stat yet long yia 2001.

Em i tok provins i gat wanpela sekonderi skul tasol na dispela em long Goroka Sekonderi. Tasol spes i no inap long planti sumatin husat i laik skruim skul bilong ol. Na nau, planti papamama long provins na kantri i amamas bikos ol pikinini bilong ol bai gat sans long go long sekonderi skul.

**Jeneresen pasin i kamap pinis long ol praimer**

*...Gutpela toktok na prea bai daunim ol sosel hevi*

**Veronica Hatutasi i raitim**

ASKIM i go long ol papamama long strongim gutpela pasin na beten insait long ol famili long traim daunim planti hevi i wok/long kamap wantaim ol skul pikinini insait long ol skul na komyniti.

Na jeneresen sistem na pasin bilong lotu long satan i kamap pinis long ol praimer skul.

Hetmasta bilong De La Salle Hai Skul Leo Maia i bin wokim dispela singaut i go long ol papa insait long bung bilong ol papamama na ol gadien (P&C) las Sande.

Dispela em taim ol i toktok long Jeneresen Sistem na Satan Kalt we i wok long kamap long ol skul insait long kantri.

Ol papamama i bin harim olsem jeneresen sistem na pasin bilong lotu long satan i kamap pinis long praimer skul level i go long ol hai skul na i go nogut moa long ol nesenel hai skul.

Ol papamama i bin skruim toktok na autim wari bilong ol long dispela samting.

Mista Maia i bin tok Prinsipel bilong Sogeri Nesenel Hai skul Lilian Ahai i bin

holim wanpela bung wantaim em las wik na ol i toktok long jeneresen sistem na bagarap em i kamapim long ol sumatin, skul na laip bilong ol.

Mista Maia i bin toktok liklik long histri bilong jeneresen sistem na tok pastaim tru ol i statim long ol nesenel hai skul, ol bin kirapim wantaim gutpela tingting long helpim na sapatim ol sumatin.

Dispela em ol lain i sot long samting na tu, ol i bungim hevi long wanem ol i stap longwe long ples. Na ol i laikim helpim.

Em bin tok sampela tisa i bin stap insait na sistem i bin ron gut long helpim ol sumatin. Na nogat pasin bilong lotu long satan, kisim ol spakbrus, dring na slip wantaim planti patna i no bin go insait yet.

Em i tok taim ol tisa i stap insait long grup i trense i go long narapela skul na i nogat tisa long givim stia, samting i bin go bagarap.

Na nau, dispela jeneresen sistem i go nogut na bagarapim skul na tingting bilong planti gutpela sumatin.

Long ol nesenel skul olsem Sogeri, Passam na Keravat em i go nogut moa.

Na ol i wok long kisim helpim bilong ol sios, kaunseling lain, plis na provinsel gavman long traim daunim dispela hevi.

Planti papamama i bin autim wari bilong ol na wanpela i bin stori long pikinini man bilong em i bin stap long dispela grup na go bagarap.

Tasol nau em i stap wantaim wanpela kaunseling grup na ol i wok long helpim em i kamap orait gen.

Mista Maia i bin tok bikpela samting nau em long stretim famili pastaim long haus na tu pasin bilong preia na putim God i kam insait long laip em rot tasol long daunim samting nogut ya.

"I moa beta long strongim famili, givim gutpela stia tok na toktok wantaim ol pikinini bilong yumi.

"Toktok long gutpela pasin na olsem ol papamama, mipela i mas soim gutpela pasin. Pasin bilong beten insait long famili na toktok, sea na autim wari i mas kamap.

"Dispela em wanpela rot tasol long mekim long wanem nau ol kain sosel hevi i kamap we i bagarap skul na tingting bilong ol pikinini," Mista Maia i tok.

**Mak bilong manmeri i gat AIDS long PNG i go antap**

MAK bilong sik HIV-AIDS insait long kantri i go antap gen wantaim ripot long 472 nupela keis.

Ripot i tok i kam inap long mun Septemba las yia, mak bilong ol manmeri i gat sik AIDS i go antap long 8,200. Kwatali ripot bilong Nesenel AIDS Kaunsil opis i tok long dispela, hap o 4,096 em ol man na 46 pesen o 3,780 em ol meri. Na 326 o 4 pesen em ol i no tok sapos ol i man o

meri. Ol i toksave pinis long 1,765 pipel olsem ol i gat sik AIDS. Planti long ol man i gat dispela sik em krismas bilong ol i stap namel long 25 na 34 krismas. Na ol meri em ol dispela we krismas bilong ol i stap namel long 20 na 34.

Ripot i soim tu olsem mak bilong ol yangpela meri i gat sik HIV-AIDS i bikpela moa namel long 15 na 29 krismas grup taim mak bilong ol man i

stap antap long olgeta arapela krismas grup.

NAC i bin prisenim dispela ripot insait long wanpela wik HIV-AIDS woksop las wik long Pot Mosbi. Ol lain insait long ol helt trening institusen i bin sindaun long woksop.

As tingting bilong holim woksop em long skruim save bilong ol helt lain long sik HIV-AIDS na wanem rot ol i ken bihainim long traim daunim dispela sik i no kalap i go long

planti manmeri.

Ripot i tok mak long ol lain i gat sik HIV-AIDS i save go antap long olgeta yia.

Ripot i tok tu olsem bikpela mak long ol dispela pipel wantaim sik i stap long Nesenel Kapitel Distrik (NCD).

Ol arapela provins i kam bihain long NCD wantaim bikpela mak bilong HIV-AIDS em long Westen Hailans, Morobe, Isten Hailans na Enga.

**Lainim Tok ples Japan long UOG pulim bikpela laik**

**Veronica Hatutasi i raitim**

LAINIM Tok Ples Japan em i wanpela long ol subjek we planti sumatin i gat intres long em na ol i lainim.

Vais Sansela Dokta Musawe Sinabare i bin tok lainim Tok Ples Japan em i wanpela kos ol i ofaim long Yunivesiti ov Goroka, tasol em i laik bilong wan wan sumatin long kisim kos ya.

Wanpela voluntia tisa bilong Japan yet i save go pas long dispela kos.

Dokta Sinabare i tok ol sumatin i laikim dispela kos bikos ol i lukim olsem em bai helpim ol na ol i gat intres long lainim.

Em i tok UOG na Japan i gat agrimen we Japan i helpim wantaim voluntia long wok long kempas.

Asistens o helpim



**Dokta Sinabare.**

program bilong Japan long UOG em i stap long faipela yia. Aninit long dispela program, voluntia i save wok long

UOG long tupela yia insait long ol eria we ol i nidim o laikim.

Wanpela eria em infomesen teknoloji eria. Long wankain taim tu, Dokta Sinabare i tok UOG i gat 20 seri diwai ol i groim long kempas.

Em i tok gavman bilong PNG i bin kisim ol dispela liklik diwai seri blossom aninit long wanpela arenjimen taim Air Niugini i bin wokim

namba wan ron bilong em i go long Narita, Japan long yia 2001.

Na ol bin givim ol dispela seri blossom diwai long UOG long planim long kempas. Nau ol i gro gut tru.

Dokta Sinabare i tok Japan i givim tu helpim i go long Yunitek, UPNG na ol arapela bikpela edukesen institusen long kantri na em i amamas long dispela

**Edukesen helpim bilong Japan bai karim bikpela kaikai**

**Veronica Hatutasi i raitim**

YUNIVESITI ov Goroka (UOG) insait long Isten Hailans i kisim sampela gutpela helpim long Gavman bilong Japan na em i tok dispela helpim bai karim kaikai long kantri na rijen.

Vais Sansela Dokta Musawe Sinabare i bin wokim dispela toktok insait long sere- moni las wik we Embaseda bilong Japan Katsuo Yamashita, Foren Afeas Mnista Sir Rabbie Namaliu na Dokta Sinabare i bin sainim pepa we Japan i bin givim K8.5 milien helpim i go long UOG long stretim ol masin bilong ol tisa na sumatin i yusim long skul.

Dokta Sinabare taim em i tok tenkyu i go long gavman bilong Japan long bikpela helpim, em bin tok wok tisa i save helpim wan wan man, komyniti na kantri na dispela helpim bai mekim bikpela samting

long go hetim edukesen na developmen long kantri. Em bin tok tu olsem em bai helpim tu developmen long Saut Pasifik

**Inap long 500 pipel i ken sindaun long dispela nupela bilding.**

rijen bikos UOG i gat sampela sumatin bilong Vanuatu, Solomon Ailan na Kiribati i skul long hap.

Dokta Sinabare i tok dispela manimak we Japan i givim em ol bai baim ol nupela masin bilong helpim skul na wok bilong

ol sumatin tisa, saiens leb na odio visuel seksen.

Em bin tok planti ol masin samting em ol olupela bilong ol yia long 1960 na helpim we Japan i givim em i gutpela tru na ol bai senisim ol masin na dispela bai helpim gut ol sumatin long skul na wok bilong ol.

Dokta Sinabare i bin tok tu olsem UOG i gat nupela oditorium o ples we ol i save holim ol bikpela bung na ol arapela samting long en.

Samting olsem 500 manmeri inap long sindaun long dispela nupela na bikpela bilding.

Em i gat olgeta ol nupela samting long en we long Tok Inglis ol i save kolim long "State of the Art" bilding.

PNG Gavman i bin givim mani long sanapim dispela Oditorium long helpim skul bilong ol sumatin.

Ol ripot bilong wanpela kibung i kamap long Pot Mosbi las wik ol i kolim Cultural Constraints on Promoting HIV/AIDS Awareness in PNG

# Kastom na kalsa i kamapim planti HIV hevi

Barbara Tomi i raitim

SAMPELA kastom pasin na kalsa bilong yumi long Papua Niugini i save helpim long mekim binatang bilong HIV i kalap hariap na i go bikpela.

Sampela bilong ol dispela kain pasin em man maritim tupela o moa meri na tambu long toktok long maritim pasin (sex).

Savemeri bilong Antropologi o stadi long pasin kalsa na kastombilong na sindaun bilong ol pipel em Profesa Scarlett Epstein i tok PNG i mas kamapim Culturally Adopted Strategy o wok i sut long luksave long pasin kalsa we i helpim long surukim namba bilong ol manmeri i kisim HIV/AIDS na senisim long dispela kalsa i ken wok long daunim sik.

As bilong dispela wok i mas:

- 1 Stopim kalap o gro bilong HIV/AIDS;
- 2 Strongim wok bung namel long man na meri na man i mas luksave long wok meri i mekim we i helpim komyunhiti long go het; na
- 3 Gutpela lukaut long ol trangu husat i gat sik HIV/AIDS.

Dairekta bilong UNAIDS Dokta Nii-K Plange i sapotim toktok bilong Profesa Epstein na i surukim dispela salens long yumi lukluk moa insait long kalsa bilong yumi na painim ol pasin we i pulim yumi bek long daunim hevi bilong HIV/AIDS.

Em i tok nau mak olsem 8,000 man, meri na pikinini i kisim dispela sik pinis. Na sapos yumi kaunim bikpela bilong dispela sik long narapela 10-pela krismas, mak olsem 80,000 pipel bai i gat sik AIDS.

Sapos yumi skelim dispela em i samting

bilong pret na wari.

Dokta Nii-K Plange i tok pasin bilong maritim man paul wantaim narapela meri, o mekim maritim pasin wantaim man na meri wantaim na slip wantaim ol pikinini o famili memba (incest) em i bikpela long dispela kantri. Sapos dispela em pasin we i save kamap long PNG orait yumi mas autim long ples klia we yumi ken luksave na painim we long stretim na daunim.

Na em i givim tok piksa long Afrika we ol lida bilong ol wanwan kantri i go pas long wok bilong daunim AIDS. Em i tok ol lida long PNG mas lukim dispela piksa na bihainim.

Mausman bilong AusAID long kantri John Davidson i strongim dispela tok tu na singaut long nesanel gavman long givim moa mani insait long baset long wok bilong dau-

nim HIV/AIDS.

Em i tok wanpela ripot i tokaut olsem 96 pesen bilong ol mani i sut long wok bilong kamapim aweanes long daunim HIV/AIDS insait long PNG em ol dona i save givim.

Mista Davidson i tok Australia i gat bikpela laik long wok bilong daunim sik ya em i no inap long mekim wok bilong em gut sapos gavman bilong PNG i no stap insait long dispela wok tu.

Em i tok PNG gavman i mas givim moa mani long karim wok bilong HIV/AIDS i go yet na helpim ol ogenaisesen olsem Nesanel AIDS Kaunsi na ol lain ejensi olsem Helt, Edukesen na Lo na Jastis na tu ol provinsel na distrik ejensi.

Wok bilong daunim sik HIV/AIDS em bilong olgeta. Yumi mas go pas na ol dona bai givim olgeta helpim bilong ol.



Ol wokman bilong Anglicare StopAIDS i bilasim Bisop Peter wantaim rop flaua long opening bilong StopAIDS laip senta long Pot Mosbi tupela mun i go pinis.

## Kondom em las rot sapos A na B i abrus

SINIA Edvaisa na meri husat i helpim long kamapim Anglicare StopAIDS long PNG Jeanette Southwell i tok kondoms em i no banis bilong ol seks woka o lain i save kisim mani long slip wantaim narapela tasol.

Em i tok ol man na meri wantaim i mas save olsem kondom em wanpela strongpela banis long kisim binatang bilong HIV.

Misis Southwell i tok planti lain i save tok kondoms em bilong ol lain husat i save wok olsem pamuk lain o ol lain i save baim ol long

... Na i no bilong ol seks woka tasol

slip wantaim ol.

Kondom em wanpela rot we man o meri sapos ol i no inap tok nogat long slip wantaim narapela o stap wantaim wanpela patna i ken yusim olsem banis long kisim bingatang bilong HIV, Misis Southwell i tok.

"Tingim kondom olsem seifti sialis o belt, sapos kar i kapsait, bai yu no inap kisim bagarap, wankain olsem kondom em i ken stapim bikpela bagarap."

Em i tok tu olsem em i no ting dispela ol

nupela kempen bilong kondom i sut tru long bagarap HIV i ken kamapim sapos ol manmeri i no yusim kondom.

Misis Southwell i tok olsem kondom i mas stap long ol stua oltaim na i mas stap long ples klia.

Em i tokaut tu olsem mani mak bilong baim paket kondom em i bikpela tumas.

Kos bilong baim paket Karamap i winim pe bilong sekyuriti gad long wok wanpela aua, Misis Southwell i tok.

## Ol sios i mas gat wanpela bilip

YUMI olsem Kristen manmeri yumi mas askim yumi yet olsem bilong wanem na dispela sik AIDS i kamap long wol tude.

Long olgeta sios long kantri long wok bung na kamapim wanpela maus yumi mas gat wanpela bilip. Nau yet yumi nogat.

Dispela em toktok bilong Angliken Bisop bilong Pot Mosbi Bisop Peter Fox long wanpela kibung las wik.

Em i tok i gat tupela kain tingting we planti ol kristen bilong Angliken sios i save bihainim.

Wanpela tingting i save luksave long HIV/AIDS olsem em panisimen bilong God i go long ol man o meri husat i no bihainim lo bilong em.

Ol dispela lain bai kaunim tok insait long buk Baibel long taim we God i panisim ol manmeri long taim bilong Noah na ren na taitwara, bagarap long temple na taim ol Israel i stap olsem kalabus long Egypt na gutpela piksa tru em panisimen bilong Sodom na Gomorrah. Ol dispela lain bai i tok God i no save senis. Sapos em i ken panisim Sodom na Gomorrah, yumi tu bai kisim panisimen bilong em sapos yumi sin.

Narapela tingting em olsem toktok bilong panisimen em i no tru na i no save helpim.

"Mi mas tokaut olsem wantaim ol arapela Angliken mi save gt dispela kain tingting. Ol lain olsem me bai tokaut olsem gat planti ol arapela sik olsem em ol manmeri long graun i save kisim nadai olsem malaria, kensa, TB o sik hangre (malnutrisen). Na sapos HIV/AIDS em panisimen bilong God orait ol dispela arapela sik tu em panisimen bilong God. Long dispela kain tingting bai yumi tok em rong

bilong ol yet ol dispela lain husat i dai long malnutrisen bilong wanem ol yet i les long wok gaden long planim kaikai bilong ol."

Bisop Peter i tok dispela tupela tingting i luk wankain stret tasol sapos yu skelim gut ol i makim narakain tingting long narapela.

*Man i tok em i kisim hiling long dispela rot bai i no inap kisim blut tes long soim dispela i tru o nogat. Dispela kain hiling i kamap long bilip olsem sikman ya i bin sin na nau em tanim bel na bilip na long dispela rot gracia bilong God i kapsait long em na rausim sin bilong em.*

Em i tok yumi mas bihainim stret pasin na tokaut olsem i gat bruk namel long ol sios long dispela isu. Em i sut stret long lewa bilong bilip bilong yumi long God. Em God bilong panisim ol lain i no mekim rong tu long ol sin o rong bilong arapela?

"Dispela askim na tingting em yumi mas skelim gut bilong wanem we yumi lukautim na soim laik bilong yumi i go long ol lain i gat sik HIV/AIDS bai sut long dispela tingting o pasin.

"Sapos yumi lukim ol olsem ol sinman meri na em panisimen ol i kisim long bikhet pasin bilong ol, orait lukaut o kea yumi givim ol dispela sik lain bai i no gutpela."

Bisop Peter i go het na tok tasol sapos tingting bilong yumi olsem ol kristen i laikim tru long helpim ol HIV/AIDS lain olsem ol tu pikinini bilong God na yumi serim hevi bilong narapela long spirit bilong laikim bai pasin yu mi givim na soim long ol lain i gat sik HIV/AIDS bai bikpela tru. Ol

dispela lain bai amamas tru long pasin bilong yumi na ol bai i no pilim sem o pret moa.

Olsem tok piksa, Bisop Peter i givim dispela stori.

Sampela lain i save tokaut olsem ol i orait o i kisim hiling long sik HIV long wanpela prea miting.

Man i tok em i kisim hiling long dispela rot bai i no inap kisim blut tes long soim dispela i tru o nogat. Dispela kain hiling i kamap long bilip olsem sikman ya i bin sin na nau em tanim bel na bilip na long dispela rot gracia bilong God i kapsait long em na rausim sin bilong em.

Long dispela piksa, rot bilong tok sori na rausim sin (fogivnes) i rausim sin bilong man ya wantaim sik HIV na mekim em i orait.

Long wankain tingting man na meri no maritim tasol i save mekim maritim pasin (sex) o slip wantaim narapela man (man slip wantaim meri) bai pilim giliti o olsem em rong na bai tokaut (konfes) na painim rot long lusim sin (pogivnes).

Bihain long em i mekim dispela em bai i no inap kisim tes. Em bai tok mi bin sin na God i rausim sin bilong mi. God bai i no inap givim mi HIV olsem panisimen na em bai i no nap go kisim tes.

Long soim sapot bilong mipela long wok aweanes long daunim sik HIV/AIDS, Wantok Niuspepa i kamapim wanpela spes olgeta mun long karim ol nius na ripot bilong wok aweanes we ol wanwan ogenaisesen i mekim insait long kantri. Sapos yu gat sampela nius long putim long dispela pes: ringim mipela long telepon 325 2500 o kam lukim mipela long Waigani we NAQIA i stap long en, hapsait long BSP Benk.

**WANTOK**  
**KOMENTRI**

**Em i taim bilong ol meri nau?**

NAU tasol i luk olsem Papua Niugini i wok long stat long luksave long strong bilong ol meri. Maski sapos dispela luksave i kam moa strong long sait bilong ol meri.

Taim nominesen bilong ol kendidet bilong sanap long ileksen bilong nupela Gavana Jenerel (GG) i op, Minista bilong Sosol Welfe na Komyuniti Dvelopmen, Lady Carol Kidu i nominetim olpela memba bilong Manus, Nahau Rooney long dispela wok.

Misis Rooney nau em i wanpela meri-tasol namel long ol arapela 12-pela man husat i resis long dispela posisen tu.

Long taim PNG i kisim indipendens inap long tude, nogat wanpela meri i bin kisim luksave long traim winim dispela posisen bilong Gavana Jenerel.

Tasol nau i luk olsem taim bilong luksave long ol meri long ol bikpela wok i wok long strong nau. I gat liklik namba bilong ol man i stap long dispela kantri husat i bilip olsem ol meri i gat strong, save na gutpela tingting long kisim wanem wok man i save holim. Nau bai taim bilong putim dispela bilip long tes.

Lady Carol Kidu em i bin soim rot bihain long ol arapela poromeri bilong em i bin sanap na win long ileksen i bin lusim em wanpela i stap long las ileksen.

Taim Lady Carol i winim las ileksen, dispela i soim klia olsem ol pipel i gat bilip long hat wok em i mekim taim em i sanap olsem memba bilong Palamen.

Nau Lady Carol i soim strong bilong em insait long Palamen taim em i makim Nahau Rooney long resis long dispela ileksen.

Nau i stap long han bilong ol arapela man memba bilong palamen long skelim gut tingting bilong ol long makim Misis Rooney long kamap olsem Gavana Jenerel o nogat.

Mipela i lukim planti man i holim dispela wok olsem Gavana Jenerel pinis. Ating nau em i taim bilong lukim sapos wanpela meri inap long sanap na holim dispela wok.

Ol meri i wok long soim strong bilong ol insait long planti wok we ol man tasol i bin save mekim. Nau wok bilong Gavana Jenerel tu em i wanpela long ol dispela kain wok.

Bai i gutpela tru sapos ol memba bilong Palamen i luksave long strong bilong kain meri olsem Nahau Rooney na givim vot long em long kamap GG.

Palamen bai i bung nau long namba 11 de bilong mun Mei long karimaut vot bilong dispela posisen.



**Hailans rijion sindaun antap long taim bom**

LONG las wik i bin gat wanpela woksop bilong Pasifik Allan Forum long Pot Mosbi. Long dispela bung, Ekting bosman bilong Politikel na Ligel Stadis bilong Nesenel Rises Institut, James Laki i tok ol bikman olsem ol politisen na bisnismen i save panim isi long kisim ol pistol na gan. Em i tok long dispela as na planti traibol pait na raskol pasin i kamap bikpela long Papua Niugini.

James Laki husat em wanpela ami opisa wantaim Papua Niugini Difens Fos i tok tu olsem ol gan amori o ples bilong lokim ol gan bilong plis na ami em isi long ol gan i lus.

Dispela mun wanpela traibol pait i bin bruk namel long tupela hauslain long Apa Bena long Isten Hailans provins.

Dispela raita i bin toktok wantaim Provinsel Polis Komanda, Suprintenden, Philip Solala, na em i tok 11-pela man i bin dai long dispela pait. Wanpela bilong ol husat i dai em wanpela



**TOK PISIN**  
wantaim **PETER MAIME**

liklik-pikinini i pulim susu yet long mama.

Ripot Suprintenden Solala i kisim long opis bilong em i tok olsem, ol pait man long dispela ol haus lain i bin yusim ol hommeid gan na tu ol strongpela gan em ol polis na ami i save yusim long mekim wok bilong ol.

Dispela kain traibel pait wantaim gan em i no kamap long Isten Hailans tasol. Dispela hevi i stap long olgeta hailans rijion. Em i stap long Simbu, Westen Hailans, Enga na Sauten Hailans provins.

Planti man, meri na pikinini i bin dai pinis long maus bilong gan long hailans. Planti bisnis tu i go long paia na ol famili i lusim ples na ronawe i go hait long

bus. Ol papa i sikirap long pait tasol ol mama na pikinini i save bungim hat taim long ren, kolwin na hangre.

Tu ol rot bilong kar, bus i karamapim, i nogat bris, i nogat haus sik na i nogat skul bilong ol pikinini. Pait i save bagarapim ol gutpela sevis bilong ol pipel.

Planti ol hailans manmeri nau i ronowe i go long ol nambis ples long wokim bisnis, salim ol pikinini i go long skul na painim ol arapela sevis bilong gavman.

I luk olsem dispela hevi bilong pait wantaim gan i no inap pinis.

Planti taim ripot i save kam long niuspepa na redio olsem plis i save holim pasim ol stii gan long haiwe and long ol ples balus. Ripot tu i save tok olsem

ol dispela gan em ol man i laik kisim i go long hailans.

Bilong wanem na ol gan i laik go long hailans olgeta taim? I gat wanem kain gutpela wok bilong ol dispela gan?

Australia gavman i bin tok orait long salim sampela ol sinia polis manmeri bilong em long kam long PNG na wok wantaim PNG Plis Fos.

Tasol Australia i no laikim ol polis manmeri bilong em i kam aninit long lo bilong PNG. Dispela em PNG i no laikim na tupela gavman i tok pait yet. Yumi no save wanem samting bai kam aut long dispela tok pait.

Tasol tupela gavman wantaim i luksave olsem lo na oda em wanpela bikpela hevi long PNG.

Sapos gavman na ol lida bilong yumi i no mekim wanpela samting long stopim ol gan i ron nabaut long kantri, ating PNG bai bungim bikpela bagarap. Na mi no inap kirap nogut sapos em i stat pastaim wantaim hailans rijion.

**WANTOK**

Published Weekly, Wednesday, for Word Publishing Company, Ltd.  
P.O. Box 1982, Boroko, NCD  
Papua New Guinea  
Telephone: 325 2500  
Fax: 325 2579  
Email: word@global.net.pg  
Pe bilong wanpela yia  
52 niuspepa

Ples:	Air:
PNG	K140.00
AUSTRALIA	AUS\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager  
Jeremy Burgess

Editor  
Yakam Kelo

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea- Catholics 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out in full on the display advertising form.

### Maski rabisim halivim bilong Australia

Dia Edita  
Mi raitim dispela pas long autim tingting bilong mi long wanpela bikpela isu we planti taim ol sampela lida na pipel bilong yumi insait long PNG i save tok tok long en.

Dispela isu em long halivim we pipel bilong Australia i save givim yumi long PNG na ol narapela kantri bihainim laik na nid bilong mipela aninit long AusAID.

Progrem hia em Australia i givim mipela long helpim long ol kain kain wok kamap long kirapim ples long sait bilong sosel, lo na oda, ikonmik na tu infrastraksa developmen.

I gat planti kain kain tingting i kamap we sampela i save sapot na tu i agensim rot bilong tilim dispela program. Taim i sapotim dispela asistens program bilong ol pipel bilong Australia aninit long AusAID mi les long ol sampela kain tok we i save lebelim dispela aid long Bomarang Aid.

Insait long bikpela amamas bilong mi long dispela aid program AusAID i save givim bihainim yet ol luksave bilong ol long ol wanem nid na hevi bilong yumi, em mi i no klia tumas long

wanem tingting long ol kritiks bilong dispela program i save sanap antap long em, na rabisim dispela aid taim bikpela materials value na benefits bilong em i stap pinis na tu wok long go het yet long planti hap kona insait long kantri.

Bikpela tingting mi i gat em dispela bikos Australia em papa kantri bilong yumi long taim yumi stap aninit long lukaut bilong ol i go long poretim ol husat lain i bin lukautim na istap wantaim mipela na kamapim yumi long hap we tude yumi long PNG i kamap olsem ol patna wantaim ol planti kantri long wol long traim kamapim gutpela sindaun.

Yumi mas pinis nau long yusim dispela hap tok Bomarang Aid. Las tok bilong mi long ol pipel bilong Australia em mi tok tenk yu na amamas long AusAID program long ol planti kain kain asistens we yupela i givim bipo yet i kam inap nau, long Bogenvil na PNG na bihain tasol long dispela Governance Implementation Fund (GIF) we yupela i givim ol pipel bilong Bogenvil long helpim mipela long kamapim ol wok long s a n a p i m

### Fri edukesen mekim papamama les

Dia Edita  
Mi rait long agensim 'fri edukesen' polisi bilong Gavana bilong Sauten Hailens. Tenk yu Mista Yawari long gutpela tingting yu gat long helpim papamama long peim skul fi. 'Fri edukesen' long provins i min yu (Gavana) bai peim mani we bai i gat benefit long Humen Risos Development. Tasol, ol sumatin i stap long komyuniti na Hai Skul/Sekondari skul i no save kisim wok, planti save feil. Olsem na Gavana plis traim sponsorim ol sumatin go long koles, yunivesiti na ol vokesenol skul. Yu tok 'fri eduke-

sen' long SHP tasol yu no save putim mani/insait long akaun bilong ol skul. Long 2003 yu bin konim ol papamama na ol hat wok stret long peim skul fi. Dispela mauswara toktok bilong yu yet i bagarapim gutpela nem na wok bilong yu pinisim na 'fri edukesen' polisi bilong yu tu i mekim pipel long provins i les olgeta long wokim wok gaden, stretim na mekim honos wok stret.

Tenk yu na strongpela sapota bilong Mista Yawari.

**PETER HAWA  
MT HAGEN**

### PNG na Sepik i lusim pinis indai bilong Sir Anthony Siaguru

Mi laik raitim dispela pas na salim toksave i go long ol famili bilong Leit Sir Anthony Siaguru husat i dai long Fraide 16th April 2004 long Brisbane haus sik (Australia) long wanpela sik kensa.

Sir Anthony em i wanpela strongpela saveman, loya, diplomet na man bilong soim pasin na lav long olgeta manmeri long Papua Niugini na narapela hap bilong wol.

Planti ol wok bilong Sir Anthony i karim kaikai long dispela kantri taim PNG i wok long gro isi isi long sanap.

Mi save long Sir Anthony Siaguru long taim mi wanpela yangpela opisa long Saut Pasifik Gems Faundeisin long 1990 bifo long em i go long Inglan long kamap deputi komonwol sekretari.

Mi gen tingim wanpela belo taim mitupela sindaun long SPGF Bod Rum long dring kol dring na em i tokim mi - "yangpela man yu mas wok hat tupela taim moa long kamap gutpela wokman bilong PNG".

Ol famili bilong mi - Kriosaki famili mipela i laik salim tok sori i go long famili bilong Sir Anthony Siaguru na olgeta tumbuna long Is Sepik provins long dispela indai i bin kamap.

Sir Anthony Siaguru em i wokim planti wok tru long dispela yangpela kantri long 1975 i kam i nap nau 2004. Planti pipel bilong PNG i karai long indai bilong Sir Anthony.

**JOHN KRISOAKI  
WEWAK  
IS SEPIK PROVINS**



Klia long rot... Ol masalai bilong Asaro i kam na mekim ol manmeri i tuhat long lukim ol long wanpela so long Goroka. Poto James Kila

Autonomous Gavman na strongim wok bilong gutpela sindaun.

Tenk yu tru long helpim bilong yupela na mi luk fowet long moa halivim we mi save bai i kam yet bikos yu olsem wanpela was papa we i mas lukautim na

wok wantaim yumi i go inap yumi kamap strong olsem wanpela equal patna.

**WILLIAM SILA-MAI  
BOKU  
BOGENVIL  
AILAN**

**OL PAS**  
Salim pas i kam long  
**WANTOK**  
niuspepa  
P.O. Box 1982  
Boroko, PNG

### PDM Pati em rait pati

Dia Edita  
Mi wanpela boi Madang tasol nau mi stap hia long Oil Pam provins, Kimbe.

Wari bilong mi i go olsem mi bin painim aut olsem dispela Gavman nau yumi i stap wantaim mi ken tok stret olsem em nogat as

kaukau em inap digim na skelim na inapim 19 provins bilong PNG.

Mi i stap na save harim long redio na ridim long niuspepa tasol mi no save harim olsem Somare Gavman save halivim wanwan provins long ol wok kamap, nogat stret.

Lukim taim PDM i stap taim mi save harim na lukim man em samting tru ol kankain halivim em save wokim olsem Fri Edukesen long ol arapela provins i gat hevi em halivim i go na planti moa.

So plis yia 2007 plis putim X long PDM tasol na bai yu lukim i no inap i stap olsem nau yu i stap nogat yia bai yu senis na bai yu amamas.

**DICKSON AIBES  
KIMBE  
WES NU BRITEN**

### Menyamy a laikim luksave bilong

Dia Edita  
Mi wanpela manki nating bilong ples, mi laik autim samting tok tok long ol memba na ol gavana.

Mi Timothy Luke bilong Engati insait long Memyamy distrik long Morobe provins.

Mi wanpela pipia manki bilong ples na mi wok long Hargy Kampani inap 4-pela yia na mi no lukim likik senis.

Olsem wanem i gat sampela luksave bilong Gavana Wenge o nogat?

Yes Gavana Wenge ples bilong mi Engati i no senis liklik olsem wanem nau.

Mipela ol lain karim ol kopi bek i long long Menyamy stesin na mipela i go bek gen long ples.

Yes Luther Wenge yu inap long luksave nambaut long mipela ol manki long ples?

Mipela dispela ol kain manki olsem ya ating mipela inap wok long ples.

Yes Wenge mipela i stap long ples bilong narapela man em i no gutpela tumas long mipela.

Yes Wenge mipela bai i nogat senis na istap olsem o olsem wanem?

Mipela save olsem Gavana bilong mipela i amamas gut tru na istap. Mipela lain bilong ples nogat senis istap olsem tasol.

Nau mi laik wanpela timba kampani bai i go insait long ples bilong mi.

Wanem kampani i gat interes, salim pas long dispela adres: Soi Primary School, PO Box 141, Bialla, WNPB.

Ating em tasol liklik komplem bilong mi. Husait brata na sista i laik agensim dispela, em open tasol.

**TIMOTHY LUKE  
BIALLA  
WES NU BRITEN  
PROVINS**



### Stretim Finschafen stesen

Dia Edita  
MI WANPELA manki Finschafen long Morobe provins, mi laik putim dispela komplem bilong mi long Memba bilong Finschafen Guau Zurenouc olsem. Olsem wanem long mipela Finschafen mipela bai i stap long tudak na karim hevi? Mipela Finschafen bipo yet mipela i stap na nau mipela i stap yet nogat wanpela senis i bin kamap long maunten na long nambis tu. Traim

na putim sampela han mak long Gagidu taun na kala senis liklik na bai luk olsem Finschafen i stap.

Finschafen i gat bikpela nem tasol sampela provins i kam long visitim Finschafen i lukim olsem mipela i stap long Pindiu na Mindik mipela wok long kam long nambis na karim kago na i go antap long maunten. Mipela pilim pen nogut tru inap memba luksave long mipela tu o nogat?

Em long sait bilong mentenens bilong rot bilong Finschafen i go long Pindiu.

Mi wanpela manki Pindiu mi raitim dispela komplem pas.

Em tasol na yu husat laik sapot rait tasol i kam long Wantok Niuspepa na bai mi amamas long lukim.

**TUPEYU TUREO  
LAE  
MOROBE  
PROVINS**

### Wokim ol muvi piksa

Dia Edita

Mi laik askim yupela ol lain long Wantok Niuspepa na pablik sapos yupela inap helpim mi wantaim sampela toksave (infomesen) long mekim driman bilong mi karim kaikai.

Yes mi save driman long kamap wanpela man bilong wokim o ektim ol piksa long muvi.

Mi raitim planti stori bilong wokim piksa long muvi i stap tasol mi no klia sapos PNG i gat ol piksa kampani o grup lain o skul

i save lainim na wokim dispela wok.

Plis sapos yupela save long ol dispela inap yupela rait long Wantok Niuspepa na bai mi lukim o rait i kam long mi dispela adres:

Mr Anthony Pewa, NARI - Tambul, PO Box 120, Mt Hagen, WHP.

Tenk yu tru na mi bai amamas tasol long lukim bekim bilong yupela.

**ANTHONY PEWA  
TAMBUL  
WESTEN HAISENS  
PROVINS**

# Ol skul tisa i save kamapim ol lida

## Hilda Wayne i raitim

PLANTI bikman na meri insait long kantri na husat i stap wok na skul long narapela kantri long wol i stap long ples ol i stap long en bikos ol tisa bilong ol i save wok hat long skulim ol gut long rit na rait taim ol i liklik yet.

Ol tisa i save kamapim ol lida insait long kantri. Ol Mema bilong Palamen, loiya, akauten, pablik sevens, bisnis lida, mausman bilong PNG i go long narapela kantri, tisa long bikpela yunivesiti na planti bikpela wok ol sitisen bilong kantri i save mekim.

Planti tisa i save lusim ples, famili na ol kalsa na kastom bilong ol na i go insait long ol ples we i no gutpela tumas wantaim bikpela tingting long lainim ol pikinini husat bai kamap lida bilong kantri bihain.

**"Rifom i orait tasol i no gutpela tumas bikos i gat planti tingting namel long mipela ol tisa. Mipela i no klia tumas long wanem wok bilong rifom insait kantri. I gutpela sapos mipela ol tisa husat bai surukim rifom i go long ol liklik pikinini i mas lainim gut we bilong rifom pastaim long mipela i go long klasrum."**

"Ol kondisen bilong mipela ol tisa i no gutpela tumas na planti taim i hat tumas long ol famili bilong mi tasol mi wok yet bikos mi gat bikpela laik tru long lainim ol liklik pikinini husat i stap aninit long lukautim bilong mi olsem tisa." Mista Yombi Kumbiye, husat i gat 55 krismas i tok.

Em i tok bikpela tingting bilong em olsem wanpela tisa em long kamapim ol gutpela sitisen insait long kantri bai ol i ken go pas long lukautim kantri bilong mipela.

Mista Kumbiye husat i stat long mekim tisa wok inap 29 yia i tok wanpela bikpela samting we i save mekim em amamas tru em taim em i lukim ol sumatin husat em i bin lainim ol long praimari skul i go long ol bikpela skul o yunivesiti na kamap ol bikman insait long ol praivet na gavman dipatmen.

"Ol liklik mipela i bin lainim long klasrum i kamap bikman na meri insait long kantri nau. Sampela i stap olsem polis opisa, loya, tisa, nes, memba bilong palamen na kainkain wok ol i holim na dispela i mekim mi amamas long wok bilong mi." Mista Kumbiye i tok.

I no long taim i go pinis Mista Kumbiye i bin stap insait long wanpela greduesen long Papua Niugini Institut ov Edukesen (PNGEI) we i lukim moa long

1,700 tisa i kisim ol bikpela pepa bilong ol long strongim wok bilong ol olsem tisa insait long kantri.

Em yet i bin wok hat 16 wik olgeta taim em i baim balus bilong em yet lusim Mendi long Sauten Hailans i kam long Mosbi long kisim Diploma Setifiket bilong em long PNGEI.

Mista Kumbiye i tok dispela Diploma em i kisim em bikpela samting tru bikos em i stap tisa 29 yia olgeta na em i nogat wanpela narapela bikpela pepa long soim gutpela wok bilong em.

Em i tok bai moa gutpela sapos gavman i givim gutpela luksave long ol wok bilong ol tisa na helpim long baim fi bilong ol na larim ol i ken kisim dispela kain pepa na ol i noken hatwok long baim ol yet.

Wanpela bikpela senis nau we i wok long kamap insait long edukesen sistem em dispela

sevis long kantri.

Moa yet em i tok bai i gutpela tu sapos gavman bilong PNG na Australia i oraitim ol Australia i ken lukautim edukesen sistem insait long kantri tu.


"Long sait bilong lukautim mani

bilong ol skul insait long kantri i gat hevi bilong hait na stil pasin i stap na bai moa gutpela sapos ol Australia i kam insait na go pas long lukautim ol skul bilong mipela na larim ol narapela wok mipela yet i ken mekim," dispela long

taim eksperiens tisa i tok.

Em i tok gavman i noken lusim tingting olsem ol tisa em ol bun baksait bilong kantri tu na gavman i mas klia long ol hevi bilong ol na helpim ol long helpim kantri na ol lida bilong bihain taim.

## Kisim skul long planim rais



(antap) Sampela rais fama bilong Not Banz, ausait tasol long Hagen Siti i wok hat long kisim skul long trena Regina Kanza long we bilong planim rais.

(lephan) Ol rais fama i putim ol pikinini bilong rais bilong ol long wara.


### Kam bek bilong ol soldia

Tekses, Yunaited Stets ov Amerika:

JOSE Garcia, wanpela soldia bilong Namba Foa Infentri Divisen bilong Yunaited Stets ov Amerika, i rausim ol ai wara bilong em taim em i bung gen wantaim meri bilong em Tina, long lep-

han, na pikinini meri bilong em husat i gat tupela krismas bihain long em i kam bek long Irak.

Klostu long 275 soldia, ol las soldia bilong Namba Foa Infentri Divisen i bin kam bek long Fort Hood long Tekses las Trinde. **Poto: AP/Eric Gay**



### Man kilim tupela liklik meri sanap long kot


Oregon Siti, Yunaited Stets ov Amerika:

WARD Weaver i walkabaut i go insait long Seket Kot long harim keis bilong em long fran bilong Jas Robert Herdon long Trinde, Epril 21 long Oregon Siti, Oregon.

Stet i tok olsem Weaver i kilim tupela liklik meri, Ashley Pond, husat i bin gat 12-pela krismas, na Miranda Gaddis, husat i bin gat 13-pela

krismas long 2002.

Tupela liklik meri i bin bilong Oregon Siti tasol. **Poto: AP/Bob Ellis, Pool**



### Meri bilong politisen sanap long kot


Washington, Amerika:

WANDA Baucus, meri bilong wanpela politisen bilong Yunaited Stets ov Amerika, Max Baucus, i toktok wantaim ol polis opisa bilong Washington long wanpela gaden senta long nait bilong

Epril 20 long Washington.

Misis Baucas i bin kisim sas long paitim wanpela meri bihain long tupela i bin kros long sampela samting long dispela gaden senta.

Misis Baucas i bin sanap long kot na kot i bin larim em i go fri tasol ol i tok em i mas noken i go klostu long dispela gaden senta o dispela meri em i bin paitim gen. **Poto: AP/WRC-TV Channel 4**



### Stilim balus

Havana:

WANPELA grup bilong ol pasindia i hariap long kam ausait long wanpela balus bilong ol Cuba we ol man nogut i bin haijekim o stilim.

Balus i sindaun long Jose Marti Intanesenel Ples Balus long Havana. Las yia wankain pasin i bin kamap we 6-pela

man bilong Cuba i bin stilim wanpela balus bilong Cuba long traim long ronawe long ples bilong ol i go long Yunaited Stets ov Amerika.


Long dispela taim ol polis i bin holim ol na kot i bin salim ol i go long kalabus long 20 i go long 24 yia olgeta. **Poto: AFP/File/Niurka**



### Stedim i fit long king

Italy: DISPELA traipela colisiem o stedim i sanap long olupela na stail siti

bilong Verona long Itali. 16 tausen pipel i ken sindaun insait long dispela stedim.



### Manki kisim bagarap

Irak:

OL PORO bilong wanpela manki husat i kisim bagarap taim wanpela bilong tripela bom i bin pairap long sauten Irak

long siti bilong Basra long Epril 21, i putim em i go insait long ambulens long go long haus sik na kisim helpim. **Poto: Atef Hassan/Reuters**



### Bom pairap long kar, bagarapim ol pipel

Saudi Arab, Midul ils: DISPELA poto ol i kisim long piksa bilong vidio kemra i soim ol polis na paia man bilong Saudi Arabia long hap we wanpela bom long kar i bin pairap klostu long wanpela sekyuriti bilding

bilong gavman long kepitel siti bilong Saudi Arabia, Riyadh, long Epril 21.

10-pela pipel i bin dai long dispela birua na planti arapela i bin kisim bagarap. **Poto: Al Ekhbaria/Reuters**






# Pait i stap strong yet long Irak

WOA long Irak i bin stat long Mas 16 las yia long traim long rausim lida bilong kantri long dispela taim, Saddam Hussein, husat ol Yunaited Stets ov Amerika (USA) na sampela arapela kantri i bin tok i wok long redim ol bom long traim long bagarapim ol arapela hap bilong wol.

USA i bin tok olsem ol kantri long wol i mas bung wantaim long stopim dispela long kamap, na ol i tok olsem ol i mas go long woa egensim Hussein.

Ol ami bilong ol kantri olsem U.S.A, Australia, Inglan na sampela arapela i bin bung wantaim na holim pasim Hussein na kalabusim em, tasol dispela i no stopim ol lain bilong em long pait bek egensim ol ami yet.

Nau, hamas mun bihain long ol ami i bin go long Irak, pait i wok long kamap na blut i wok long kapsait yet, na i gat planti husat i bilip olsem dispela woa i bin kirapim moa hevi na i no wanpela gutpela samting.



Mipela mas i gat hap pawa yet SEKETERI bilong Stet bilong Yunaited Stets ov Amerika (U.S.A), Colin Powell, i tok olsem wanem kain nupela gavman i kamap long Irak i mas givim hap pawa bilong

en long ol U.S militeri fos long helpim long ronim kantri.



Harim tok o bai hevi kamap




Ol U.S Marines i kisim was na redi long taun bilong Fallujah na ol i salim toksave i go pinis long ol paitman husat i wok long egensim ol olsem sapos ol i no harim tok bilong ol bai statim ol bikpela pait long tupela bikpela taun long hap.

Ol U.S fos i raunim pinis bikpela holi siti bilong Irak ol i kolim Najaf na Fallujah we ol paitman i bin pait egensim ol soldia pinis long wanpela bikpela pait we planti blut i bin kapsait.

## Mi bai makim Saddam long kot


WANPELA loya bilong kantri Jordan husat i tok olsem bipo lida bilong Irak, Saddam Hussein, em i presiden tru bilong kantri yet, i tok meri bilong Hussein i tok olsem em bai makim em long kot.



• Saddam Hussein long kalabus.

## Australia bai stap inap Irak i orait liklik

PRAIM Minista bilong Australia, John Howard, i tok olsem ami bilong Australia bai i no inap stap long taim long Irak olsem ol militeri fos bilong ol narapela kantri, tasol bai stap inap Irak i orait liklik, olsem i nogat pait na sevis i wok long kam bek isi isi.



## Amamas long kamapim birua

WANPELA man Irak i amamas tru na singaut bihain long em na ol poro bilong i pusim wanpela bilong 4-pela kar bilong ol U.S ami we ol paitman i bin bagarapim i go long rot na kukim.





## Gan na paia

WANPELA piksa ol i kisim long vidio soim simuk i kirap long taun bilong Falluja long Irak we planti pait i wok long kamap namel long U.S militeri na ol paitman husat i givim sapot bilong ol long bipo lida bilong ol Saddam Hussein.


Ol soldia na ol paitman i sut i go kam long ol yet wantaim ol gan long tupela distrik long taun long Mande.

Ol pait i bin kirap long ol distrik bilong Golan na Shuhada long 11:20 am.

Ol paitman i bin yusim ol liklik bom we ol i putim long ol liklik roket na sut long en long ol U.S soldia na ol soldia i yusim ol masin gan we ol i putim antap long ol kar long sut i go bek long ol paitman.



Ami i redi tasol Wanpela hap bilong ami bilong USA ol i kolim ol U.S Marines i sanap long lain long bes bilong ol klostu long taun bilong Falluja long Irak long Epril 26, 2004. U.S i wok long redi long statim wanpela bikpela pait egensim ol paitman husat i wok long soim sapot bilong ol long bipo lida bilong ol Saddam Hussein yet, tasol i wok long traim long toktok pastaim wantaim ol long traim stretim long gutpela rot pastaim.



# MIDIA STETMEN

I KAM LONG

**HON. DON POMPOLYE, MP.  
MINISTA BILONG TRENSPOT NA SIVIL EVIESEN**



Somare/Maladina gavman i bin kisim sampela sut toktok i kam long sampela long ol Oposisen lida husat i tok gavman i kisim mani bilong stretim Hailans Haiwe na putim i go long mekim Malalaua rot projek insait long Galp provins.

Dispela sut toktok i no stret na em i wanpela giaman toktok bilong bagarapim nem bilong gavman. Dispela giaman toktok i no bilong kamapim wanpela gutpela samting, nogat, em bilong strongim wok politik bilong Oposisen tasol. Mi laik tok klia na toksave long ol pipel bilong dispela kantri long wok bilong dispela gavman, we ministri bilong mi i karimaut long stretim trenspot infrastraksa aninit long ol developmen program.

Olsem Minista i lukautim wok trenspot, mi i mas lukluk long tripela rot bilong trenspot (ea, solwara, graun). Graun insait long Papua Niugini em i no olsem ol arapela kantri long wol, olsem na trenspot long ea, solwara na graun i mas kisim wankain luksave long sait bilong developmen bikos wan wan long ol i save mekim wok bilong helpim ol pipel bilong mipela long olgeta hap.

## HAILANS HAIWE NA OL ARAPELA NESENEL ROT

Olgeta manmeri i save olsem Hailans Haiwe em i rot i holim ekonomi o wok bisnis bilong kantri. Ol dona ejensi bilong ol arapela kantri tu i luksave long bikpela wok dispela rot i save mekim. Samting olsem 66 pesen long mani i kam long samting mipela i salim i go ovasis i kam long ol wok bisnis we i kamaut long Hailans rijon. Ol bikpela em kopi (coffee), wel (oil) ges (gas) na gol (gold). Ekonomi bilong kantri bai bagarap sapos gavman i lus tingting long dispela haiwe. Long dispela kain luksave, Somare/Maladina gavman i mekim komitmen o tok promis bilong stretim bek dispela haiwe.

K50 milien i go pinis long mentenens wok long haiwe insait long 2003 Nesenel Baset o mani plen. Wok i kamap pinis long rot i stat long Lae na i go long Chuave long Simbu provins. Mentenens wok long Chuave i go long Wara Simbu i bin kamap aninit long Takis Kredit Skim bilong gavman. Wok long Kundiawa i go long boda bilong Westen Hailans na Enga bai i kamap aninit long mani i kam long Esien Developmen Benk (ADB) na Wol Benk (World Bank). Ol dispela mentenens wok i kamap pinis na ol pipel inap long yusim samting olsem 80 pesen bilong dispela haiwe. Gavman bilong bipo i no bin mekim wanpela samting bilong stretim ol hevi bilong dispela haiwe.

Insait long 2004 Kapitol Woks na Mentenens Baset, gavman i makim K23 milien bilong sanap olsem kauntapat fanding bilong Hailans Haiwe. Dispela mani em i 30 pesen kauntapat mani we gavman i mas i gat pastaim long ol inap long kisim

mani bilong ol dona ejensi we i samting olsem K88,473,600. K12 milien antap long dispela i go insait pinis long baset aninit long Nesenel Rot Mentenens program. Samting olsem hap bilong dispela mani bai i go long Hailans Haiwe.

Gavman i luksave long helpim bilong ol dona ejensi bilong ol arapela kantri bilong helpim bilong ol long stretim dispela haiwe. Aninit long Mentenens bilong ol Nesenel Rot program, Esien Developmen Benk i makim K46,664,500 bilong bekim K20,000,000 olsem kauntapat fanding o mani bilong Hailans Provins Rot Mentenens. Wol Benk i tok orait long K3,347,600 biong Hailans Haiwe Riabilitesin program (HHRP) we Gavman i givim pinis kauntapat fanding we inap long K2,000,000 we i putim mak bilong mani i go inap long K5,347,600. Gavman i makim tu K1,000,000 bai ol inap long kisim K38,461,500 i kam long gavman bilong Japan aninit long Japan Intanesenel Koporesen Ejensi (JICA) program bilong em. Mi singaut long Dipatmen bilong Nesenel Plening na Woks long hariapim pepa wok bilong stretim drodaun o opim rot bilong kisim dispela mani i kam long JICA. Mani i kam long ol ovasis dona ejensi wantaim kauntapat fanding bilong gavman i sanap olsem K111,473,600. Dispela mani i stap bilong mekim mentenens wok long Hailans Haiwe aninit long 2004 Baset o mani plen na i strongim komitmen o promis bilong gavman bilong lukautim dispela bikpela rot. Sampela moa mani i kam long AusAID i stap samting olsem K24,936,900 i wok long wetim kauntapat fanding i kam long PNG gavman. Mi bai wok hat long painim kauntapat fanding bai mipela inap long kisim mani i kam long AusAID.

Gavman i wok long lukluk long givim wankain helpim i go long olgeta arapela nesenel rot insait long kantri. Olsem na Hiritano na Magi Haiwe i kisim pinis mani bilong wok mentenens. Kaikai bilong dispela mentenens wok i kamap ples klia nau we ol dispela rot nau i gutpela nau na i winim mak we rot i bin stap pastaim long dispela gavman i kamap.

Ol provinsel gavman i mas mekim wok long ol trunk na ateriel rot o ol han rot. Ol trunk rot i mas stret bikos em i save helpim ol pipel bilong mipela long karimaut ol wok bisnis. Dispela i mas kamap prairiti o as tingting bilong ol Provinsel Gavman long givim inap mani bilong mentenens bilong ol dispela rot.

## NESENEL ROT ATORITI (NRA)

Nesenel Rot Atoriti i bin kamap long 2003 aninit long wanpela Ekt bilong Palamen bilong lukautim ol wok bilong mekim wok mentenens, kwolati asesmen o mak bilong strong bilong rot, strongim lo, konstraksen na lukaut bilong ol nesenel rot. Dispela atoriti bai mekim mani bilong em yet. Em

bai kamapim rot bilong kisim mani bilong strongim wok bilong em na bai em inap long karimaut wok bilong em. Klostu taim bai ol i tokaut long Bod bilong em. Ol Bod Memba bai kam long praivet sekta, ol lain ejensi na ol gavman dipatmen. Bod bai sanapim administresin bilong Atoriti. Olgeta dispela samting bai kamap long ol mun i kam. NRA i kamap long tingting bilong mi yet na mi amamas na tok tenkyu long Gavman na ol memba bilong Palamen long givim sapot bilong ol long mi long kamapim dispela NRA Ekt.

Esien Developmen Benk i redi long givim moa helpim mani long mak bilong K100 milien antap long ol arapela program bilong em taim NRA i sanap pinis na i mekim wok. Bikpela wok bilong NRA em bilong lukautim na karimaut olgeta rot mentenens wok we Dipatmen bilong Woks i wok long lukautim nau.

## NESENEL ROT SEFTI KAUNSOL (NRSC)

Mipela i klia long ol sefti system bilong trenspot long ea na solwara, tasol bikpela samting tu em ol hevi bilong rot we i mas stret.

I gat planti birua i wok long kamap long rot, olsem na i mas i gat ol samting i stap bilong stopim dispela kain hevi long kamap.

NRSC em i kam aninit long gavman na i save wok long strongim ol lo bilong ron long rot insait long PNG. Inap long tude, NRSC i wok long mekim gutpela wok, tasol i gat planti moa wok i mas kamap. I gat tripela hap we NRSC i wok long stretim.

Namba wan hap we i bikpela tru na i kam aninit long NRSC em long apim mak bilong save bilong ol man o meri husat i laik kisim laisens long Trefik Rejistri. Ol manmeri husat i gat bikpela save long draiv em i bikpela samting long strongim pablik sefti bikos planti hevi long rot i save kamap bikos ol manmeri i no save draiv gut. Mi singaut strong long NRSC long go het long gutpela wok em i mekim long givim gutpela trening na save long ol draiva long luksave long pablik sefti.

Namba tu em wok bung namel long NRSC na ol wok manmeri bilong Royal PNG Konstabulari Trefik Divisen i mas strong. Ol operesen namel long dispela tupela lain long ol yia i go pinis i kamapim gutpela wok long rausim ol kar we i no orait long ron long rot na kalabusim ol draiva i nogat laisens. Dispela gutpela wok i wok long daunim ol birua long rot.

Ol dispela wok bung wantaim i daunim ol birua long rot inap long 30 pesen long olgeta hap long kantri. Bikpela tok tenkyu bilong mi i go long olgeta wok manmeri bilong RPNG Konstabulari na ol wok manmeri bilong NRSC long hat wok bilong ol. Yupela i mas kisim luksave long

gutpela wok yupela i mekim.

Namba tri, i mas i gat man i glasim olgeta enjiniaring disain pastaim long wok i kamap, taim wok i go het na ol i mas glasim tu wok taim mentenens i kamap bai em i ken bihainim ol lo bilong sefti. Gavman i wok long lukluk long mekim lo i karamapim ol sefti odit o wok glasim i mas stap long olgeta wan wan rot projek insait long kantri. NRA ekt i karamapim sefti odit na kwolati kontrol tu tasol NRSC i mas i gat moa pawa bilong mekim lo bai ol i gen kamapim wanpela sefti odit program bilong rot.

## OL PABLIK GRAUN TRENSPOT SEVIS

Pablik graun trenspot sistem insait long kantri i bagarap olgeta na ol sevis insait long planti hap long kantri i dai pinis. We i gat sampela sevis i stap, kwolati o strong bilong em i no gutpela. Ol lain i givim sevis tu painim hat long mekim mani long wan wan de.

Ol manmeri bilong pablik husat i save yusim ol rot i save kros bikos i nogat gutpela sevis. I gat sampela samting i wok long bagarapim dispela bisnis. Namba wan samting em prais bilong lukautim ol kar em i dia tumas.

I gat tupela samting we gavman i lukim we bai i mas kamap bilong stretim ol hevi bilong pablik graun trenspot sistem insait long ol bikpela taun na siti.

Namba wan samting em bilong kopratasim o salim pablik trenspot sistem. Sapos gavman i mekim dispela, sampela kampani tasol bai i gat laisens bilong ronim ol bas long ol rot insait long siti. Maski dispela rot i mekim mani o nogat, ol i mas ronim bas long ol dispela rot. Mani we ol i no kisim long wanpela rut ol i nap long kisim long ol rut i save kisim mani. Dispela bai daunim pasin bilong ol opereta bilong ol bas long pait long ronim pas long ol rut we i save kisim planti mani na mekim ol manmeri i painim hat long kisim bas long ol arapela rot.

Namba tu samting em long kamapim wanpela nupela kain trenspot bai inap long resis wantaim ol bas i save kam long Japan. Ol bas we nau i wok long ron long Pot Mosbi na Lae em ol olupela pinis na i noken stap long rot moa. I no gutpela long lukim ol olupela bas i wok long bagarap nabaut na ol i ron i stap long rot yet. Nau em i wok long kamap hevi bilong ol manmeri bikos i gat planti olupela bas tru we smok i wok long kamaut long em taim em i spit long rot.

Opereta bilong bas i mas i gat samting olsem K130,000 i go inap long K150,000 sapos em i laik baim wanpela nupela bas long prais bilong em tude. Em bai no inap long kisim bek dispela mani namel long 2 na 3-pela yia. Long dispela taim, ol bas bai olupela tumas long kisim inap mani. Olgeta hevi antap long bas tu na opereta i no inap

I kam long pes 18

long kisim wanpela win mani na bisnis bilong em bai go daun.

Gavman i luksave long ol hevi bilong graun trenspot industri, na nau em i laik kamapim wanpela wok bung namel long ol PMV opereta na jipni industri bilong Filipins bai i kamapim wanpela PMV we i no dia tumas na i makim stret graun insait long PNG.

As bilong gavman long makim Filipino jipni pas long ol arapela em bikos em i lukluk i go het taim PNG i laik kisim save bilong mekim ol dispela kar. Long taim bihain, ol Papua Niugini pipel bai inap long disainim na mekim ol kar we inap long stap long taim insait long kantri. Mi amamas taim mi tingim ol pipel bilong mipela i mekim ol kar bilong ol yet olsem ol Filipino pipel.

Rot we bai i lukim ol jipni i kam insait long PNG trenspot sistem i olsem.

1. Bai i gat faiv inap long seven long ol dispela kar bai i kam pastaim long PNG. (Ol i mekim long mak bilong laik bilong mipela yet). Ol dispela kar bai kam insait long dispela tupela mun.
2. Ol PMV bas opereta long PNG bai lukautim ol dispela kar na skelim strong bilong ol. Dipatmen bilong Trenspot bai askim ol teknikal koles na yunivesiti na ol arapela gavman ejensi long sekim strong bilong ol dispela kar taim ol i wok insait long PNG.
3. Ripot long ol dispela wok glasim long ol dispela kar em ol pablik, PMV asosiesen, moto kar dilas asosiesen na ol arapela stek holda long praivet na gavman sekta long kisim tingting bilong ol.
4. Ol tingting bilong ol bai i go insait long kamapim wanpela kar we inap long wok gut insait long PNG.
5. Olgeta samting bai go pastaim long ol saveman insait long PNG husat bai givim tok orait bilong ol long disain, mekim na traime pastaim long kar i go aut long pablik.
6. Mipela i luksave olsem praivet sekta bai i mas lukautim wok bilong mekim ol dispela jipni. Dispela kain samting inap long givim wok long ol pipel bilong mipela.

Long taim bipo, gavman i no save mekim wok insait long PMV industri na em bai bihainim dispela rot tasol i go yet. Tasol gavman bai wok hat long strongim tingting bilong ol pipel long luksave long ol sans bilong mekim bisnis taim ol dispela jipni i kam na bai ol inap mekim mani bilong ol yet.

Olgeta wan wan PMV opereta i mas wok bung wantaim long dispela o stap long nau ol i stap long en. Nau ol operetta i mas baim na operetim nupela jipni we prais bilong em i stap namel long K20,000 na K30,000.

#### SIVIL EVIESEN ATORITI (CAA)

Sivil Eviesen Atoriti em i wanpela bikpela opis bilong gavman we i save lukautim

olgeta eviesen o wok bilong ronim balus insait long kantri. Sanapim bilong CAA em i kamap long gutpela tingting, tasol olpela gavman i no putim ol gutpela rot bilong bihainim bai em inap long wok gut olsem wanpela bisnis.

Taim mi kisim wok olsem Minista bilong Trenspot na Sivil Eviesen, mi sanapim nupela bod we wan wan long ol memba bilong em i gat bikpela save long sivil eviesen industri. Bod i wok long wok nau long kamap sampela nupela samting bilong strongim wok bilong CAA. Wok bilong Bod na CEO o Sief Eksekutiv Opisa i gutpela tru na mi luksave long hat wok bilong ol.

Wanpela nupela reda sistem o samting bilong makim ron bilong balus i kamap long Jacksons Intanesinol Ples balus we prais bilong em i stap olsem K10 milien. Dispela nupela reda sistem i karamapim samting olsem 20 kilo mita i go aut long Jacksons Ples balus. Projek ya i bin pinis na i bin op long pinis bilong 2003. Dispela nupela mesin i lukautim gut ol balus na ol pasindia. I gat plen i stap bilong kamapim wanpela reda sistem long ol arapela rijinol senta insait long kantri.

Wantaim mani i kam long AusAID, ol nupela eks-rei mesin o mesin bilong sekim bodi bilong man i sanap pinis long domestik na intanesinol teminel long Jacksons Ples balus. Jacksons Ples balus em i namba wan hap we ol manmeri bilong ovasis i save go i kam. Ol dispela mesin inap long painim ol birua samting i haik long skin bilong man. Ol kantri long olgeta hap long wol i wok long strongim wok sekyuriti long ol boda bilong ol long ea na long solwara long banisim ol pipel na samting bilong kantri long ol birua teroris man. Dispela wok sekyuriti i bin kamap bihain long ol teroris atek long Amerika. PNG bai i no inap long abrusim ol dispela kain birua tu, na mi, olsem Minista i lukautim Trenspot na Sivil Eviesen i mas lukautim sefti na laip bilong ol pipel bilong mipela.

Antap long baim na sanapim ol nupela eapot sekyuriti mesin, CAA i save kari-maut ol sefti odit long wan wan taim bilong sekim ol balus opereta i bihainim lo. PNG em i memba bilong Intanesinol Sivil Eviesen Ogenaisin (ICAO), na i mas sekim sapos olgeta lokol na intanesinol balus opereta i bihainim intanesinol lo bilong ea sefti taim ol i wok bisnis insait long kantri. Mi amamas long tokaut olsem CAA i kisim luksave bilong kamap memba bilong olgeta intanesinol eviesen konvesen o kibung.

Mentenens na upgrad wok long sampela long ol bikpela ples balus inait long kantri i wok long go het. Ol dispela ples balus em Tokua, Maunten Hagen, Wewak, Goroka na Madang. Sampela mun i go pinis, CAA i no bin inap long mekim dispela wok tasol CAA i givim gutpela menesmen na gutpela wok bilong kisim winmani.

#### AIR NIUGINI

Sindaun bilong Air Niugini em i ron gut tru long 12 pela mun i go pinis. Program bilong senisim ol balus bilong em i wok long go het. Tupela nupela Dash 8 balus nau i wok i stap bilong wok long ol ron bilong balus we olpela F28 i wok long en nau. Sampela long ol dispela ron bilong

balus olsem Wapenamanda bai kisim ol wan wan ron bilong balus i go antap long hap inap taim we Air Niugini i ting em bai inap mekim mani long en.

I singaut long Air Niugini na ol wok manmeri bilong em long wok hat long apim mak bilong kampani na givim sevis long ol pipel bilong dispela kantri long ol dispela taim nogut.

Ol arapela operetta insait long eviesen industri i wok long wok bung wantaim gavman na CAA na i mas kisim luksave long hat wok bilong ol long ol dispela taim nogut.

#### NESENEL MARITAIM SEFTI ATORITI (NMSA)

Nesanel Maritaim sefti Atoriti i bin kamap aninit long wanpela Ekt bilong Palamen long mun Septemba 2003. Mekim NMSA Ekt i kamap lo na sanapim bilong Atoriti em i namba wan taim long maritaim trenspot insait long kantri. Nau NMSA i kisim olgeta wok bilong olpela Maritaim Divisen bilong Dipatmen bilong Trenspot. I amamas long lukim NMSA i kamap olsem tingting tasol long pepa olsem kabinet sabmisen, i go kamap Ekt bilong Palamen, na nau em i kamap Atoriti. NMSA bai kamapim gutpela si trenspot sevis bilong olgeta provins we i stap long solwara. Bikpela luksave i mas i go long ol stekholdas husat i wok bung wantaim long stat i go inap long pinis. Mi makim pinis NMSA Bod, fopela sinia eksekutiv posisen i bin go aut long niuspepa, redio na TV insait long PNG, Australia, Nu Silan na Kenada bilong kisim ol save man tasol long wok long dispela nupela bisnis. NMSA bai i sanap gut na wok bai i go het stret long pinis bilong mun Jun long dispela yia.

#### MARITAIM NEVIGESANOL EDS PROJEK

Long lukluk bilong mi, dispela Nevigesan ol EDS projek em i bikpela samting tru long gavman na pipel bilong dispela kantri bikos 60 pesen long olgeta manmeri insait long kantri i save yusim trenspot long solwara bilong lukautim sindaun bilong ol. Dispela projek bai strong wok sefti bilong wokabaut bilong kago na pasindia wantaim. Maritaim sefti o gutpela ron long solwara bai i strong moa sapos ol i kamapim na lukautim gut ol nupela mesin bilong lukautim ron bilong ol manmeri long solwara bai i mas bihainim mak bilong ovasis. Taim projek i pinis, PNG bai sanap aninit long sekyuriti kod i kisim luksave bilong Intanesenol Maritaim Ogenaisin.

As tingting bilong dispela projek em bilong kamapim gutpela trenspot sevis i go long ol ailan komyuniti i stap ol yet na ol ples i stap long sait bilong wara bai ol inap long go long maket na kisim gavman sevis.

Nesanel Maritaim Sefti Atoriti bai kari-maut dispela projek. Projek i karamapim sanapim bilong ol liklik jeti o bris bilong sip, ol Uniflote wof, ol pontun sevis, gutpela ron bilong ol liklik bot na komyunikesen.

Esien Developmen Benk (ADB) na Ogenaisin bilong Petroleum Ekspoting Kantris (OPEC) bai bungim mani bilong

dispela projek we inap long US\$18.6 milien, we inap olsem K71 milien. Dispela projek bai stat taim Nevigesan ol EDS Projek i pinis. Sapos ol teknikal asesmen na ol presidia i pinis, projek bai rok wantaim Nevigesan ol EDS Projek we i stat pinis.

#### PAPUA NIUGINI HABAS BOD LIMITED (PNGHBL)

Wok bilong PNGHBL i bin i gat planti bikpela hevi, tasol em bai wok i go het long strongim ol sevis bilong em. Stet em i namba wan bikpela stekholda, olsem na em i laikim bai dispela ogenaisin i mas go het. Mipela i lukluk long rausim ol sampela hevi i stap nau long PNGHBL bai ol pipel inap long kisim gutpela sevis na PNGHBL bai inap long wok gut olsem wanpela bisnis.

PNGHBL i wok long karimaut wanpela sefti na sekyuriti impruvmen program aninit long Intanesenol Siping na Pot Sekyuriti kod (ISPS). Dispela em i wanpela bikpela samting we i mas i stap aninit long Intanesenol Maritaim Ogenaisin (IMO) konvensen. Sapos PNGHBL i no bungim ol dispela rikwaimen bilong ISPS, ol kago sip bai i no inap long kam sua long ol bris bilong mipela. Dispela bai inap long bagarapim sindaun bilong ekonomi bilong mipela. Lokol siping industri tu i mas bihainim ol IMO rikwaimen insait long ISPS kod. Gavman i laik lukim ISPS kod i wok stret pastaim long namba wan de bilong mun Julai, 2004.

#### TOK BILONG PINISIM

Dispela gavman we i wok tru long ministri bilong mi i wok long stretim hevi bilong trenspot we ol pipel i gat. Olsem na i no gutpela pasin we sampela lida i mekim taim ol i bagarapim nating gutpela tingting na wok bilong gavman. Ol lida i noken paulim tingting bilong pipel bilong win long sait bilong politiks. Ol kain giaman toktok i kam long ol nesanel lida inap long bagarapim nem bilong PNG long ovasis. Mi singaut long ol lida long tingting pastaim na paitim toktok gut long ol samting we i laik strongim sindaun bilong kantri.

Somare/Maladina gavman i stap long opis 18 mun tasol. Wanpela samting we ol lida i mas mekim nau em long strongim sindaun na sapotim gavman. Bikpela samting bilong strongim ekonomi bilong kantri em - politikel stabiliti. I singaut long olgeta wan wan manmeri bilong Papua Niugini long sapotim dispela gavman long em i mas stap long opis inap long pinis bilong dispela Palamen. Wanem kain toktok long senisim gavman long dispela taim bai kilim dispela yangpela nesen.

*Inap gutpela Lod Jisas Kraus i blesim yu na ol famili bilong yupela.*



**MINISTA BILONG TRENTPOT NA SIVIL EVIESEN PALAMEN LIDA BILONG NESENEL ALAIENS - HAILANS RIJON.**



# Raun wantaim Kanage long olgeta wik!

Kanage em wanpela so-of man long ples bilong em long Rigo. Wanpela taim em stilim sampela banana long wanpela gaden na go salim long Kwikila maket.

Em salim na mekim gut planti moni tru na go spak long Kwikila hotel. Feivaret bia bilong em S.P. Green long dispela taim na baga i no isi long odarim grin botol tasol.

Baga em spak nogut tru na tingting long go bek long ples.

Long hap rot em lukim wanpela grin frog i karai i stap na em belhat nogut tru long dispela grin frog.

Em kirap hapim dispela grin frog na bikmaus long en. "Yu ting green S.P. em bilong yu ah? Yu ting yu grin na bai yu tekova long S.P. green bilong mi!"

Em kirap na tanim nek bilong grin frog na kilim em. Olgeta blut bilong grin frog i pas long han bilong Kanage na em i go long haus.

Meri bilong em i lukim blut long han bilong em na askim Kanage olsem wanem na han bilong em i gat blut.

Nau kanage i mekim wanpela bikpela kon stori long meri bilong em olsem, em tasol em wanman tasol paitim olgeta man long Kwikila hotel na em eskeip na kambek long haus.

Man, meri bilong em i harim stori bilong Kanage na em bilip tru long wanem em i harim stori olsem papa bilong Kanage em wanpela sanguma man long ples na em i gat pawa bilong paitim 20-pela man long tripela tromoi tasol!

### Sanguma bilong Rigo

Kanage em kam long ples Mekeo na go lukim susa husat i stap long Renbo viles long Gerehu.

Long nait ples haus i hot liklik na Kanage wantaim ol arapela ples lain i sindaun autsait na ksium win na stori i stap.

Nau susa bilong Kanage i singaut long ol i kam insait na stori insait long haus. Tasol Kanage laik kisim win na em bekim, Em i orait susa, autsait mi sindaun em win, insait long haus em kol yah!

Yu save kain bilong Kanage, mauswara bilong em i no isi.

Neks dua neba i harim na em i dai long lap.

### Fada man renbo viles.

KANAGE em i wanpela bikman bilong Drekkir long Is Sepik provins. Wanpela taim ol manmeri long liklik ples bilong em i bungim mani aninit long wanpela komyuniti asosiesen bilong ol long baim wanpela bikpela trak bilong helpim ol long wok bisnis bilong ol long ples.

Taim ol i baim pinis wanpela bikpela retpela kar, ol i karim i go long fran bilong haus bilong Kanage bai em inap long lukim na mekim sampela bikpela toktok long en.

Taim Kanage i lukim ol i kam wantaim bikpela kar, em i kamaut na painim toktok nau long tok.

Em i kirap na givim nating tasol.

"Em i gupela tru yupela ol yangpela pikinini i wok hat long baim dispela bikpela kar... na kala bilong em tu i ret na i makim stret yumi ol pipel bilong Drekkir. Ret em i wanpela fas kala tru ya," Kanage i tok.

Bihain nau em i painim toktok na em i askim ol long statim bikpela kar ya.

Ol i statim enjin bilong em na i karai liklik pastaim na Kanage i singaut, "Em nau, dispela kar em i kar bilong yumi stret."

Yupela i harim pinis! Taim em i kirap, em i singaut drek-ki-kir-kir-angoram!"

Das i kirap na Kanage i lus i go insait long haus bilong em.

### Mangi Dreks

### Wewak

### Is Sepik provins

KANAGE i bin kisim luksave olsem wanpela man husat i gat strongpela bilip long dring bia. Olsem na kampani husat i save mekim SP bia i salim em i go long makim ol long wanpela bikpela bung bilong ol bikman husat i save lukautim ol bisnis i save mekim bia.

Bihain long kibung bilong ol ol i go sindaun long ba na askim ba man long givim wan wan bia bilong ol yet bikos ol i tok olsem bia bilong ol i fit tru na i winim olgeta arapela bia.

Tasol taim Papa Kanage i go sindaun long ba em i askim long wanpela nek loli wara. Olgeta arapela bia bosman i kirap nogut tru na ol i askim em: "Oi, PNG, yu olsem wanem? Yu les long dring na apim nem. Bilong SP bilong yupela ah? Bilong wanem na yu no dring SP?"

Kanage i tanim na tokim ol: "Nogat, mi lukim olsem yupela i les long dring bia olsem na mi tu bai mi no inap long dring bia."

### Spak Maik Godens NCD

KANAGE em i wanpela man bilong pilai hos stret. Olgeta taim em i save kisim niuspepa long sekim ol hos na em i save gut tru long en. Em i save makim ol hos i go na meri bilong em tu i stat long skelim ol hos. Na olgeta hos meri bilong em i save skelim i save win. Wanpela taim Kanage i kisim tingting long kisim meri bilong em i go long hos res long helpim em makim ol hos.

Taim ol i stat, kanage i go sanap long hap bilong baim hos na em i lukluk long meri bilong em i stap.

Taim meri bilong em i skelim hos long namba wan resis pinis, em i siknel long Kanage na paitim antap long het bilong em. Kanage i kisim tingting olsem i mas top weit ya.

Em i putim mani na hos i win. Namba tu resis, meri bilong em i selim hos pinis na paitim as bilong em. Kanage i putim mani long bottom weit hos na hos ya i win. Ol i mekim i go na i laik kam long bikpela resis tru nau na meri i paitim fran bilong em stret. Man, Kanage i paol olgeta nau.

Em i tingting planti na em i no putim mani nau. Bihain tupela i kam ausait na Kanage i askim. Em wanem kain siknel ya yu givim?

Antap long het mi save, na taim yu paitim as bilong yu mi save. Tasol dispela yu paitim fran bilong yu mi paol olgeta. Meri i tanim na tokim Kanage, "Em fevret bilong yu ya!"

### Ronim Hos

### Pot Mosbi

### Sentrel provins.

KANAGE wantaim ol boi bilong em i bin pilai long wanpela sofbal tim long Kavieng taun, Nu Ailan provins.

Ol i winim taun resis na ol i go

long Gavana's kap long Is Nu Briten.

Tasol taim ol i go long Namatanai long kisim sip i go long Kokopo, solwara i bagarap na ol i no lusim Namatanai inap long apinun long Ista Fraide taim ol pilai i stat pinis.

Taim ol i kamap long Kokopo em ol i fofitim pinis ol pilai bilong ol long Fraide.

Ol i askim ol opisel sapos ol inap long pilaim ol gem bilong ol gen na ol i tokim Kanage na ol boi bilong em long sekim ol kepten bilong Rabaul Reds na Rebels.

Tupela kepten i kirap na tokim Kanage, "Yes, em i orait, tasol bai yupela i mas pilai bihain long gren fainol nau." Kanage i nogat toktok moa.

### Karanas Lewa

### Kavieng

### Nu Ailan provins

Kanage em bilong Tinputz na em wanpela sotpela man bikbel man gras paspas na baksait bruk man. Wanpela Fraide nait long Tinputz stesin i bin gat bikpela bebi so. Olsem na olgeta man meri ol i kam bung.

Dispela taim ol i mumuim pik. Kain mumu bilong ol Yakamur dingim hol na putim pik insait long hol. Ol i kaikai na pulap nogut tru. Orait Paps ino bin kaikai gut nogat em i belhat bikos ol i givim em em ol bun tasol.

Bos i pilim pispis wansait na ting long baksait long haus tasol

baksait long haus, i gat ol hol mumu pik ol i bin digim pik long em. Trangu abrus tasol paitim bel bilong em long dispela hol stret.

Boi, mi tokim yu, bel bilong papa i pairap nogut olsem kapiak i mau. Yu save em i no bin kaikai gut olsem na em i bel hat.

Ol nambis man ol i harim na ol i tok ples.

Kati ataheben to biris? Hey! Wanemsamting i pairap? Na papa kela i bekim kwik tru tok bilong ol nambis ya, Ama uis birih poem.

Ol bol bilong yupela i pairap.

Ol man bilong selpis long pik. Bara mi tokim yu, ol man i kilim skin wansait stret long lap.

Kanage em bilong kakau kantri Tinputz na wanpela taim em i tingting long kaikai pis. Em i kirap tokim tupela tambu bilong em olsem, hei tupela tams yumi go huk long tete nait. Orait tupela i wanbel long go wantaim em.

Bara, yu save dispela hap ol i go huk long em i tambu ya. Wanpela bulsit waitman i tambu long em. Dispela waitman i save wok long vokesenel senta (STC) na tru tru dispela solwara i tambu tru.

Yu save, dispela waitman ya igat gan tu ya. Ol manmeri ol i save poretim em stret. Orait bagarus Kanage i isi tasol tokim tupela tams bilong em, yumi hait long as bilong diwai we tait i save karim i kam daun long as bilong wara lurun.

Narapela tambu bilong Paps Kanage i kisim tingting long pilai long tupela na em i tokim tupela long huk long narapela hap yet. Orait em i lusim tupela na tupela i huk i stap.

Orait tupela i huk istap na narapela tambu bilong Kanage i pilim skin i tait na tokim Kanage olsem em i laik stretim baksait pastaim. Orait em silip istap na narapela tams i kam em i senisim waitpela siot ikam na holim wanpela hap diwai olsem gan.

Orait em senisim nek bilong em na tokim Kanage olsem, Eh, husat i huk long hap? Yupela i save olsem solwara tambu hah? Bara mi tokim yu, tingting i kisim paps pinis olsem waitmasta ya. Em wokabaut ikam sait long nambis tasol nogat tams tu i wokabaut pasim rot bilong em. Em i lukim olsem em i holim gan na boiros ya istat salim skin igo antap long dip si.

Paps i salim igo igo inap solwara inap stret long nek bilong em. Bihain em i harim save olsem ino nek bilong masta, orait em istat pinisim tru olgeta tok nogut, pakim bastart, beak na speed! Em kam daun kirapim tams tokim em wansait olsem, kirap na yumi kilim em na haitim em.

Bara mi tokim yu, olgeta wait spet i pinis nating.

Titus Bogenvil Varimus Tinputs



# Buai Inap Kamapim Kensa Yu Bai Inap Lusim O Nogat?

## Hia em Wantok Niuspepa i kisim tingting bilong ol pipel.



**MICHAEL MUNO**

Mi man bilong kaikai buai na mi ting i hat long mi lusim long wanem buai i bin stap long-pela taim wantaim ol tumbuna bilong yumi we ol tu i no bin save long dispela kain sik olsem kensa.

Ol tumbuna i save kaikai buai long taim bilong bikpela bung o singsing o long mekim ol pasin kastom we buai i save kisim ol famili o wanpisin i kam klostu long strongim sindaun bilong ol.

Tete long pasin bilong yumi nau i save abrusim kain pasin long kaikai buai we yumi save kaikai long amamas tasol.

Yumi ol manmeri nau i no save tingim wanem ol bagarap bai yumi kisim long taim bilong kaikai buai.

Dispela sik kensa i bin stap long taim tu tasol long tingting bilong mi i no buai tasol i save kamapim. I gat ol arapela kain sik tu i save kamapim sik kensa tu.

Long dispela mi laik tok ol gavman atoriti o ol dokta i mas mekim sampela kain aweanes o tok klia long dispela sik kensa we olgeta pipel i ken luksave long en.

Sapos yumi yet i no lukautim skin long pasin bilong kaikai buai na ol arapela samting tu em ol kainkain sik bai yumi inap long kisim.

Olgeta papama tu i mas traim long skulim gut ol pikinini long pasin bilong kaikai buai na tok klia tu long dispela sik kensa

na gutpela pasin long lukautim gut bodi bilong yu.



**ALFRED FOO**

Mi man bilong kaikai buai na i hat long mi long lusim.

Tasol long tingting bilong mi mi ting olsem i no buai tasol i save kamapim dispela sik kensa.

Kambang tu i wanpela samting i save helpim long kamapim dispela sik nogut long maus.

Buai i orait long kaikai tasol pasin na we long kaikai na skelim wantaim kambang em i narapela samting. Sapos yu yet i save gut long kaikai buai wantaim kambang em yu no inap long kisim dispela sik kensa.


Pasin long kaikai buai i bin stap wantaim ol tumbuna bilong yumi na em i wanpela strong-pela kastom long PNG olsem na bai i hat tru long stapim. I gat planti kain pasin tumbuna o kastom long olgeta hap bilong kantri long we bilong kaikai buai na hau na wanem samting ol tumbuna i save mekim wantaim buai na kambang.

Sapos yumi ol manmeri i save gut tru long pasin bilong kaikai buai olsem ol tumbuna i save mekim em bai i raft olgeta.

Yumi mas soim sampela kain rispek na gutpela pasin long wei bilong kaikai buai nau. Maski long spet nabaut na tromoi ol pipia tu bikos dispela tu i ken mekim ol man i sik.

**MARY JIMMY**

Mi save kaikai



bilong ol dokta long wanem em i bodi bilong ol na sapos ol i no lukautim gut em i asua bilong ol yet.

Tasol long pasin we ol manmeri i wok long mekim nau long kaikai buai mi save less tru long lukim buai spet nabaut long olgeta hap bilong siti.

Na mi laik askim ol olsem ol i save gut tru long kaikai buai o nogat.



**WILLIE TIDMAN**

Yes tru ol dokta i tok pinis olsem buai i save kamapim kensa long maus.

Long mi yet mi man bilong kaikai buai na em i hat long mi lusim.

Mi ting olsem sapos yumi yet manmeri husat i save kaikai buai mas tingting na skelim wei bilong kaikai buai wantaim kambang.

Tru tru em kambang i gat kain marasin ol i save kolim kalsium long holim na strongim ol tit olsem kolget i save mekim taim yu brasim tit bilong yu.


Sapos ol manmeri i skelim wei na pasin long kaikai buai ol i no inap long kisim sik kensa long maus.

Long mi yet buai i olsem marasin long mekim skin bilong mi fil gut na pasin bilong rilex na sindaun gut tu.

Em i save mekim mi amamas long olgeta dei na nait bikos sapos nogat buai em mi bai skin dai olgeta.

**AARON VAIVA**

Tru tru buai i save kamapim kensa olsem ol dokta i bin tok pinis.



Mi man bilong kaikai buai tumas na long mi yet i hat long lusim.

Long wanwan dei mi save lusim mani mak olsem K20 long baim buai na sampela taim ol lain o wantok long ples i save salim wanpela 10kg rais beg wantaim buai i kam long mi.

Dispela em bilong mi long kaikai na yu ting em bai i stap wanpela wik; nogat ya; Em olsem tupela o tripela dei bai pinis bikos long pasin na wei mi save kaikai buai.

Sapos buai i liklik em tripela o foapela bai i go insait long maus na long ol bikpela wan em tupela tasol long wanwan taim.

Buai i olsem marasin tu long strongim bodi na long seim taim mekim mi i rileks tu na amamas wantaim.

Buai tu yumi save yusim long mekim pasin welkam long ol poroman we yumi ken sindaun na kaikai buai wantaim na tok stori na amamas.

Em (buai) tu i save mekim yu painim ol pren maski yu no save gut long ol. Dispela em pasin kastom bilong yumi ol PNG stret.

Long mi yet sapos mi no kaikai buai bai mi sik we skin bai i dai na bodi bilong mi bai i nogat strong tru.

Buai em i laip bilong mi.

**GUMA TOGIMWARA**

Tru tru long pasin bilong kaikai buai em i wanpela marasin long bodi tu.



Mi ting olsem buai tasol i no inap kamapim kensa. I gat ol arapela kain sik tu i save mekim we ol dokta i mas tokaut klia long dispela.

Long ples ol lapun i save kaikai na slip kirap wantaim buai olgeta dei na nait na sampela bilong ol yet i save gat strong-pela ol tit i stap.

Sampela taim buai i save mekim ol pipel i amamas. Long ples bilong mipela ol Samarai planti manmeri i save kaikai buai tasol ol i no save kisim dispela sik kensa.

Mi ting olsem dispela sik kensa long maus i save kamap long ol arapela samting tu we yumi no save gut long en.

Mi save kaikai buai long amamas na sindaun gut.



**LOTE TASI**

Ol lain bilong kaikai buai, em mipela i save pinis long kaikai buai.

Sapos mipela lusim, em bai mipela painim hat nau. Olsem na sapos mipela i lusim, bai mipela i sik.

Mi kisim tes bilong buai pinis. Na mi no inap long lusim.

Maski ol dokta i tok olsem em inap kamapim kain sik nogut olsem kensa, mi bai kaikai yet.

Samting olsem K10 o K15 i save lus long wan wan de long buai.

CATHOLIC RADIO schedule		
Fonde		
6:00	ANGELUS	6:00 - ANGELUS
6:05	MEDITATION/INSPIRATIONAL MUSIC	6:05 - SUNDAY EUCHARIST (replay)
7:00	VATICAN RADIO WORLD NEWS	7:00 - HOLY ROSARY
7:15	VATICAN ENGLISH PROGRAM	7:30 - CATHOLIC INSIGHT
7:35	NON-STOP GOSPEL MUSIC	8:00 - VATICAN WORLD NEWS
8:00	JOURNEY HOME (EWTN)	8:15 - VATICAN ENGLISH PROGRAM
9:00	VATICAN RADIO WORLD NEWS	8:40 - IN THE LORD'S VINEYARD
9:15	VATICAN ENGLISH PROGRAM	10:00 - NON-STOP GOSPEL MUSIC
9:40	KIDS SING-ALONG	
10:00	CATHOLIC JUKEBOX	
10:30	GOSPEL MUSIC	
11:00	NON-STOP GOSPEL MUSIC	
12:00	ANGELUS	
12:05	VATICAN WORLD NEWS	
12:20	VATICAN ENGLISH PROGRAM	
12:40	REFLECTION MUSIC	
1:00	LAMB'S SUPPER WITH DR. SCHOTT HAHN	
2:00	MUSIC	
3:00	CHAPLET OF DIVINE MERCY	
3:20	NON-STOP GOSPEL MUSIC	
4:00	CATHOLIC JUKEBOX (ENCORE)	
4:30	NON-STOP GOSPEL MUSIC	
5:00	JOURNEY HOME	
6:00	ANGELUS	
6:05	MADANG LOCAL NEWS	
6:10	VATICAN ENGLISH PROGRAM	
6:30	LAMB'S SUPPER WITH DR. SCHOTT HAHN	
7:00	HOLY ROSARY	
7:30	CATHOLIC INSIGHT	
8:00	VATICAN WORLD NEWS	
8:15	MADANG LOCAL NEWS	
8:30	VATICAN ENGLISH PROGRAM	
9:00	TOK STRET LONG HIV/AIDS	
10:30	VATICAN ENGLISH PROGRAM	
		<b>Mande</b>
		6:00 - ANGELUS
		6:05 - MEDITATION / INSPIRATIONAL MUSIC
		7:00 - VATICAN WORLD NEWS
		7:15 - VATICAN ENGLISH PROGRAM
		7:35 - NON-STOP MUSIC
		8:00 - BEST OF JOURNEY HOME
		8:30 - VATICAN WORLD NEWS
		9:00 - VATICAN ENGLISH PROGRAM
		9:35 - KIDS SING ALONG
		10:00 - CATHOLIC JUKEBOX (EWTN)
		10:30 - NON-STOP GOSPEL MUSIC
		12:00 - ANGELUS
		12:05 - VATICAN WORLD NEWS
		12:20 - VATICAN ENGLISH PROGRAM
		12:40 - AFTERNOON REFLECTION MUSIC
		1:00 - THE WAY TO FOLLOW JESUS
		1:30 - GOSPEL MUSIC
		3:00 - CHAPLET OF DIVINE MERCY
		3:20 - NON STOP GOSPEL MUSIC
		4:00 - CATHOLIC JUKEBOX (EWTN)
		4:30 - NON STOP GOSPEL MUSIC
		5:00 - MESSAGE IN MUSIC
		6:00 - ANGELUS
		6:05 - VATICAN ENGLISH PROGRAM
		6:30 - MANY FACES OF MARY
		7:00 - HOLY ROSARY
		7:30 - BENEDICTION
		8:00 - VATICAN WORLD NEWS
		8:15 - CRN LOCAL NEWS
		8:30 - VATICAN ENGLISH PROGRAM
		9:00 - BEST OF JOURNEY HOME
		10:00 - CATHOLIC JUKEBOX (EWTN)
		10:30 - VATICAN ENGLISH PROGRAM
		11:00 - NON-STOP GOSPEL MUSIC
		<b>Tunde</b>
		6:00 - ANGELUS
		6:05 - MEDITATION/INSPIRATIONAL MUSIC
		7:00 - VATICAN WORLD NEWS
		7:15 - VATICAN ENGLISH PROGRAM
		7:35 - NON STOP MUSIC
		8:00 - RADIO ST. JOSEPH PRESENTS
		9:00 - VATICAN RADIO WORLD NEWS
		9:15 - VATICAN ENGLISH PROGRAM
		9:40 - KIDS SING-ALONG
		10:00 - CATHOLIC JUKEBOX
		10:30 - GOSPEL MUSIC
		12:00 - ANGELUS
		12:05 - VATICAN WORLD NEWS
		12:20 - VATICAN ENGLISH PROGRAM
		12:40 - REFLECTION MUSIC
		1:00 - SUPER SAINTS
		1:30 - GOSPEL MUSIC
		3:00 - CHAPLET OF DIVINE MERCY
		3:20 - NON STOP GOSPEL MUSIC
		4:00 - CATHOLIC JUKEBOX
		4:30 - NON-STOP GOSPEL MUSIC
		5:00 - RADIO ST. JOSEPH PRESENTS
		6:00 - ANGELUS
		6:05 - ATAPE LOCAL NEWS
		6:10 - VATICAN ENGLISH PROGRAM
		6:30 - MOTHER OF REDEEMER
		7:00 - HOLY ROSARY
		7:30 - SUPER SAINTS
		8:00 - VATICAN WORLD NEWS
		8:15 - ATAPE LOCAL NEWS
		8:20 - VATICAN ENGLISH PROGRAM
		9:00 - TOK STRET ABOUT HIV/AIDS WITH FR. JUDE (ENGLISH)
		10:00 - CATHOLIC JUKEBOX
		10:30 - VATICAN ENGLISH PROGRAMME
		10:50 - NON-STOP GOSPEL MUSIC
		<b>Trinde</b>
		6:00 - ANGELUS
		6:05 - MEDITATION/INSPIRATIONAL MUSIC
		7:00 - VATICAN WORLD NEWS
		7:15 - VATICAN ENGLISH PROGRAM
		7:35 - NON-STOP GOSPEL MUSIC
		8:00 - SCRIPTURE MATTERS WITH DR. SCHOT HAHN (EWTN)
		9:00 - VATICAN WORLD NEWS
		9:15 - VATICAN ENGLISH PROGRAM
		9:35 - KIDS SING ALONG
		10:00 - CATHOLIC JUKEBOX
		10:30 - NON-STOP GOSPEL MUSIC
		12:00 - ANGELUS
		12:05 - VATICAN WORLD NEWS
		12:20 - VATICAN ENGLISH PROGRAM
		12:40 - REFLECTION MUSIC
		1:00 - FIRST COMES LOVE DR. SCHOT HAHN (EWTN)
		1:30 - AFTERNOON GOSPEL MUSIC
		3:00 - CHAPLET OF DIVINE MERCY
		3:20 - NON-STOP GOSPEL MUSIC
		4:00 - CATHOLIC JUKEBOX
		4:30 - NON-STOP GOSPEL MUSIC
		5:00 - SCRIPTURE MATTERS
		6:00 - ANGELUS
		6:05 - VANIMO LOCAL NEWS
		6:10 - VATICAN ENGLISH PROGRAM
		6:30 - FATIMA, HEAVEN'S PEACE PLAN
		7:00 - HOLY ROSARY
		7:30 - DOCTORS OF THE CHURCH
		8:00 - VATICAN WORLD NEWS
		8:15 - VANIMO LOCAL NEWS
		8:20 - VATICAN ENGLISH PROGRAM
		9:00 - TOK STRET ABOUT HIV/AIDS WITH FR. JUDE
		10:00 - CATHOLIC JUKEBOX
		10:30 - VATICAN ENGLISH PROGRAM
		10:50 - NON-STOP GOSPEL MUSIC
		<b>Sande</b>
		6:00 - ANGELUS
		6:05 - MEDITATION/INSPIRATIONAL MUSIC
		8:00 - VATICAN WORLD NEWS
		8:15 - VATICAN ENGLISH PROGRAM
		8:35 - NON-STOP GOSPEL MUSIC
		9:00 - SUNDAY EUCHARIST LIVE
		10:30 - NON-STOP MUSIC
		11:00 - IN THE LORD'S VINEYARD
		12:00 - ANGELUS
		12:05 - VATICAN WORLD NEWS
		12:20 - VATICAN ENGLISH PROGRAM
		12:40 - GOSPEL MUSIC
		3:00 - CHAPLET OF DIVINE MERCY
		3:20 - GOSPEL MUSIC
		5:00 - SIGNS OF THE TIMES (ITA)

# Papa bilong Clockwork Orange i dai

## Neville Choi i raitim

MAN husat i bin go pas long Clockwork Orange, wanpela olpela musik ben bilong Papua Niugini yet we i bin mekim nem pastaim long kantri i kisim independens, Jack Clunn, i dai pinis.

Sapos yu bin stap long taim PNG i bin kisim independens, ating bai yu inap tingim ol PNG pawa ben bilong dispela taim.

Long wankain taim, ol yangpela bilong Papua Niugini i bin save harim musik bilong ol bikpela musik man na ol ben bilong dispela taim.

Jack Clunn tu i bin wanpela long ol dispela lain.

Em i bin save laikim musik bilong ol lain olsem Elvis Presley, ol Beatles, wanpela bikpela pawa ben bilong Ingran, Cliff Richard na Neil Diamond.

Jack i bin save long dispela kain musik taim em i bin go skul long Australia.

Taim em i bin kam bek long Papua Niugini, em i bin raun wantaim bikpela brata bilong em Sam taim em i bin save pilai insait long ben bilong em. Sam i save pilai wantaim ol kasen brata bilong ol olsem John Dawanincura (nau em Sir John Dawanincura), Steve Ramos, Charlie Kalagaus, Joe Lavett na Carolas Katsimur. Ol i bin kolim ben bilong ol - The Kontiki's.

I no long taim ol i luksave long Jack na save bilong em long pilai musik. Em i bin pilai long wan wan taim wantaim ol Kontikis.

## Jack laik pilai musik long stail bilong em yet

Jack i no bin bikpela wantaim brata bilong em na ol poroman bilong em long Kontikis, na em i save laik pilai long musik stail bilong em yet.

Long dispela as tasol em i bin go na pilai wantaim ol arapela grup olsem ol Stalemates, Kopykats wantaim Leit Henry Fabilla na ol Freebeats wantaim Graeme Dunnage.

Bihain em i bin bung wantaim ol long taim poroman bilong em, Matt Konnings bilong Lae na Tom McCarthy bilong Madang. Ol i bin statim

musik ben bilong ol yet.

Long 1974, ol i statim Clockwork Orange.

Clockwork Orange i bin stap wantaim long taim tru. Inap long samting olsem 30 yia, Clockwork Orange i bin lukim planti musik man i kam na pilai wantaim ol. Planti long ol dispela musik man i bin save kam pilai na bihain ol i save lusim. Tasol Jack i no bin lusim long taim em i statim inap dai i bin painim em.

## Musik bilong Jack na Clockwork Orange kisim luksave bilong ol biknem manmeri

Jack i bin raun long planti hap insait long kantri na Pasifik na em i bin save pilai planti taim insait long Australia tu bihain long ol manmeri bilong PNG husat i save stap long Australia i save askim em long go daun wantaim ben long pilai.

Taim em i bin stap wantaim Clockwork Orange, Jack wantaim ben bilong em i bin pilaim musik bilong olgeta siksipela praim minista bilong PNG na fopela gavana jenerel olsem Sir John Guise, Sir Tore Lokoloko, Sir Serei Eri na Sir

Kingsford Dibela.

Long 1974 Jack na Clockwork Orange i bin pilai long makim raun bilong Prinses Anne bilong Ingran na man bilong em, Kepten Mark Philips.

Long 1989 em i bin pilai long makim raun bilong Prinses Salote bilong Tonga. Narapela tupela bikman bilong Pasifik husat i bin save laikim musik bilong Clockwork Orange em olpela praim minista bilong Fiji Sitiveni Rabuka na Presiden bilong Marshall Islands.

## Jack i soim stail bilong em wantaim ol PNG na ovasis musik atis

Kain pilai musik bilong em taim em i kamapim Clockwork Orange i luksave long strong bilong em long sait bilong musik, na em i bin pilai wantaim ol bik nem musik atis bilong PNG yet tu olsem John Wong, Cathy Lee Chan, Buruka Tau, Patti Doi, George Telek na biknem drama Ben Hakalitz.

Pasin bilong em long pilai kain kain musik i bin pulim ai

bilong ol biknem musik manmeri long Australia tu.

Em i bin pilai pinis wantaim Tommy Emanuel, Su Cruishang, Sir Don Barrows, Delilah, Vennetta Fields, James Morrison na Glen Shorrock, wanpela ben memba bilong *Little River Band*.

## Jack i bin stail bilong em yet

Taim em i save pilai musik, Jack i bin save pilai musik na mekim pani wantaim, na planti manmeri husat i save laikim musik bilong em i save amamas tru.

Maski ol manmeri bilong ol arapela hap o kantri i stap, pasin bilong em, ol pani em i save tromoi i save pulim stret ai na lewa bilong ol.

Kain tok pilai bilong em na pasin bilong em long kisim ol askim long ol manmeri husat i harim musik bilong em i stap i save pulim planti manmeri tru long harim ol-pilai musik.

Taim wanpela man o meri i save kolim nem bilong wanpela singsing, Jack na ol boi bilong em i no save surik. Nogat. Sapos ol i save long dispela singsing, ol inap long pilaim tasol na putim-liklik hap stail bilong PNG musik na musik bilong ol yet tu i go insait.

## Nogat sans bilong laspela bikpela pilai

Long 1999, Jack i bin malolo liklik bihain long em i bin kisim wanpela bikpela sik. Tasol long dispela taim tu em wantaim narapela gutpela poroman bilong em Kevin Artango, i bin laik kamapim wanpela las raun bilong em na Clockwork Orange. Dispela las raun bilong em na ben em ol i bin makim bilong mun Oktoba long dispela yia.

Ol i bin makim bai i gat wanpela bikpela kaikai na sans bilong ol musik man long kam na pilai musik long luksave long wok Jack i bin givim long PNG musik komyniti.

Tasol nau Jack bai i no inap long pilai long dispela bikpela bung. Tasol planti poroman bilong em i tok olsem em bai stap yet long dispela bung sapos em i kamap.



**Nius o Musik man? Tupela wantaim. Dispela yangpela man nogut em Jim Baynes, niusman bilong Australian Associated Press (AAP) em wanpela hap man bilong plai gita tu ya. Ol arapela poroniusman bilong em bai i ken tokim yu long pawa bilong ilektrik gita bilong Jim. Tasol turangu bai lusim Papua Niugini long dispela wiken nau.**

## EMTV GAID

Fonde 29/04/04		Mande 03/05/04	
5.30	JOYCE MEYER MINISTRY	10.26	SWORFISH CHIT CHAT
6.00	TODAY SHOW	10.30	NEWS REPLAY
9.00	CREFFLO DOLLAR	11.00	CHURCHES MAGAZINE
9.30	DR PHIL	11.30	PRaise
10.20	GRADE 7 SCIENCE	12.00	EMTV CLASSIFIEDS
11.10	GRADE 7 SOCIAL SCIENCE		
12.00	GRADE 11 MATHS	5.30	JOYCE MEYER
12.50	GRADE 11 PHYSICS	6.00	TODAY SHOW
1.30	GRADE 11 GEOGRAPHY	9.00	CREFFLO DOLLAR
2.30	HERE'S HUMPHREY	9.30	DR PHIL
3.00	BLUES CLUES	10.20	GRADE 7 SCIENCE
3.30	JUSTICE LEAGUE	11.10	GRADE 7 SOCIAL SCIENCE
4.00	HOT SOURCE	12.00	GRADE 11 MATHS
4.30	Y	12.50	GRADE 11 PHYSICS
4.57	EMTV TOKSAVE	1.30	GRADE 11 GEOGRAPHY
5.00	I DREAM OF JEANNIE	2.30	HERE'S HUMPHREY
5.29	NEWS BREAK	3.00	BLUES CLUES
5.30	THE PRICE IS RIGHT	3.30	COURAGE THE COWARDLY DOG
6.00	NATIONAL EMTV NEWS	4.00	HOT SOURCE
6.30	A CURRENT AFFAIR	4.30	Y
6.57	TOK PISIN NEWS UPDATE	4.57	EMTV TOKSAVE
6.59	LOTTO DRAW	5.00	I DREAM OF JEANNIE
7.00	CHM SUPERSOUND	5.29	NEWS BREAK
7.57	EMTV TOKSAVE	5.30	THE PRICE IS RIGHT
8.00	SPORT SCENE	6.00	NATIONAL EMTV NEWS
9.30	THE FOOTY SHOW	6.30	A CURRENT AFFAIR
11.00	AFL FOOTY SHOW	6.58	TOK PISIN NEWS UPDATE
1.30	NIGHTLINE	6.59	LOTTO DRAW
2.00	EMTV CLASSIFIEDS	7.00	PRaise
		8.00	INSAIT PNG
		8.27	EMTV TOKSAVE
		8.30	WHO WANTS TO BE A MILLIONAIRE
		9.30	THE BLOCK
		10.30	CHM SUPERSOUND
		11.30	EMTV NEWS REPLAY
		12.00	NIGHTLINE
		12.30	EMTV CLASSIFIEDS
Fraide 30/04/04		Tunde 04/05/04	
5.30	JOYCE MEYER MINISTRY	5.30	JOYCE MEYER MINISTRY
6.00	TODAY SHOW	6.00	TODAY SHOW
9.00	CREFFLO DOLLAR	9.00	CREFFLO DOLLAR
9.30	DR PHIL	9.30	DR PHIL
10.20	GRADE 7 SCIENCE	10.20	GRADE 7 SCIENCE
11.10	GRADE 7 SOCIAL SCIENCE	11.10	GRADE 7 SOCIAL SCIENCE
12.00	GRADE 11 MATHS	12.00	GRADE 11 MATHS
12.50	GRADE 11 PHYSICS	12.50	GRADE 11 PHYSICS
1.30	GRADE 11 GEOGRAPHY	1.30	GRADE 11 GEOGRAPHY
2.30	HERE'S HUMPHREY	2.30	HERE'S HUMPHREY
3.00	BLUES CLUES	3.00	BLUES CLUES
3.30	JUSTICE LEAGUE	3.30	COURAGE THE COWARDLY DOG
4.00	HOT SOURCE	4.00	HOT SOURCE
4.30	Y	4.30	Y
4.57	EMTV TOKSAVE	4.57	EMTV TOKSAVE
5.00	I DREAM OF JEANNIE	5.00	I DREAM OF JEANNIE
5.29	NEWS BREAK	5.29	NEWS BREAK
5.30	THE PRICE IS RIGHT	5.30	THE PRICE IS RIGHT
6.00	NATIONAL EMTV NEWS	6.00	NATIONAL EMTV NEWS
6.30	A CURRENT AFFAIR	6.30	A CURRENT AFFAIR
6.58	NEWS UPDATE	6.57	TOK PISIN NEWS UPDATE
6.59	LOTTO DRAW	6.59	LOTTO DRAW
7.00	TOK PIKSA	7.00	HAUS & HOME
7.30	BURKE'S BACKYARD	8.00	TBA
8.30	FRIDAY NIGHT FOOTBALL Penrith Panthers vs West Tigers	8.27	EMTV TOKSAVE
		8.30	SURVIVOR: All Stars
10.57	EMTV TOKSAVE	9.30	ER
11.00	FRIDAY NIGHT AFL LATE Richmond v Hawthorn	10.30	FAG
2.00	EMTV NEWS REPLAY	11.30	EMTV NEWS REPLAY
2.30	NIGHTLINE	12.00	NIGHTLINE
3.00	EMTV CLASSIFIEDS	12.30	EMTV CLASSIFIEDS
Sarare 01/05/04		Trinde 05/05/04	
7.00	BARNEY	5.30	JOYCE MEYER MINISTRY
7.30	AROUND THE WORLD IN 80 DAYS	6.00	TODAY SHOW
8.00	PLANET FANTA	9.00	CREFFLO DOLLAR
9.30	DOWNLOAD	9.30	DR PHIL
10.00	SO FRESH	10.20	GRADE 7 SCIENCE
11.30	THE CAR SHOW	11.10	GRADE 7 SOCIAL SCIENCE
12.00	2004 MOROBE OPEN GOLF	12.00	GRADE 11 MATHS
1.00	2004 PNG OPEN GOLF	12.50	GRADE 11 PHYSICS
5.00	ESCAPE WITH ET	1.30	GRADE 11 GEOGRAPHY
5.30	THE BIG FISH	2.30	HERE'S HUMPHREY
6.00	NATIONAL EMTV NEWS	3.00	BLUES CLUES
6.30	AUSTRALIA FUNNIEST HOME VIDEO SHOW	3.30	COURAGE THE COWARDLY DOG
7.30	NCDC NEWS	4.00	HOT SOURCE
8.00	SOUTH PACIFIC MUSIC	4.30	Y
8.57	EMTV TOKSAVE	4.57	EMTV TOKSAVE
9.00	XENA: WARRIOR PRINCESS	5.00	I DREAM OF JEANNIE
10.00	HERCULES	5.29	NEWS BREAK
11.00	AFL	5.30	THE PRICE IS RIGHT
2.00	NEWS REPLAY	6.00	NATIONAL EMTV NEWS
2.30	EMTV CLASSIFIED	6.30	A CURRENT AFFAIR
		6.57	TOK PISIN NEWS UPDATE
		6.59	LOTTO DRAW
		7.00	HAUS & HOME
		8.00	TBA
		8.27	EMTV TOKSAVE
		8.30	SURVIVOR: All Stars
		9.30	ER
		10.30	FAG
		11.30	EMTV NEWS REPLAY
		12.00	NIGHTLINE
		12.30	EMTV CLASSIFIEDS
Sande 02/05/04			
6.20	CHITCHAT	5.30	JOYCE MEYER MINISTRY
6.27	EMTV TOKSAVE	6.00	TODAY SHOW
6.30	THE TEACHING MINISTRY OF CHARLES STANLEY	9.00	CREFFLO DOLLAR
7.00	IT IS WRITTEN	9.30	DR PHIL
7.30	WORLD OF WILDLIFE	10.20	GRADE 7 SCIENCE
8.00	BUSINESS SUNDAY	11.10	GRADE 7 SOCIAL SCIENCE
9.00	SUNDAY	12.00	GRADE 11 MATHS
11.00	SIGNS OF THE TIMES	12.50	GRADE 11 PHYSICS
12.30	2004 PNG OPEN GOLF	1.30	GRADE 11 GEOGRAPHY
4.00	SUNDAY FOOTBALL Canterbury Bulldogs v Brisbane Broncos	2.30	HERE'S HUMPHREY
6.00	NATIONAL EMTV NEWS	3.00	BLUES CLUES
6.30	SEVENTH HEAVEN	3.30	ED EDD N EDDY
7.30	SIXTY MINUTES	4.00	HOT SOURCE
8.27	EMTV TOKSAVE	4.30	Y
8.35	SUNDAY NIGHT MOVIE:	4.57	EMTV TOKSAVE
		5.00	I DREAM OF JEANNIE
		5.29	NEWS BREAK
		5.30	THE PRICE IS RIGHT
		6.00	NATIONAL EMTV NEWS
		6.30	A CURRENT AFFAIR
		6.58	TOK PISIN NEWS UPDATE
		7.59	LOTTO DRAW
		7.00	ANIMAL HOSPITAL
		7.30	MCLEOD'S DAUGHTERS
		8.27	EMTV TOKSAVE
		8.30	WEDNESDAY NIGHT MOVIE: CROCODILE DUNDEE II
		10.30	SOUTH PACIFIC MUSIC
		11.30	EMTV NEWS REPLAY
		12.00	NIGHTLINE
		12.30	EMTV CLASSIFIEDS

## Sande Nait Muvi: *Swordfish*

Dispela piksa em long wanpela man husat i gat bikpela save long kompyuta. Sentrel Intelijens Ejensi bilong Amerika (CIA) bai salim namba wan spai bilong ol long kisim dispela save-man bilong kompyuta bilong wok bilong ol.

Em bai traim yusim save bilong man ya long stilim bikpela hap mani bilong gavman bilong Amerika.

Dispela piksa bai kamap long EMTV long hap pas 8 long Sande



**Ekta Hugh Jackman em dispela saveman bilong kompyuta husat i wok long ron-awe long FBI.**

## NATIONAL WEEKLY HIT PARADE

Twisties i spona  
Sarare, Mei 7, 2004

Singsing Wik	Musik Atis	Las Wik	Dispela
Nellien	Uralom/Moses Tau	1	1
Mr Bombastic	Slim Buda	5	2
704 (a loklok NCR)	Jnr Insects	3	3(5)
Kalivuvur	Patti Potts Doi	4	4
Buimo Road	Camp 7	2	5
Street Mangi	X-Azzimbah	12	6
Kela Musmus	Sagohorns	7	7
Muimui	Zong Hits	9	8
K-Town	Jnr Insects	6	9
Sunshine	O-Shen	8	10
Aroma	Hobby Mates	17	11
Hanua Maurina	O-Shen	11	12
Lusim Ples	Camp 7	20	13
My Nambawan	Multitribes	19	14
Raitman	Niu Age Band	14	15
Upengi	Wombis of Lae	10	16
Nasa	D2 Band	15	17
ToBes	Westail feat. Patti	0	18

# Masalai i giamanim yangpela meri



Nem: Santric Peter

Krismas: 22 (meri)

Adres: Rait Prais Auto Parts, PO Box 871, Kimbe, WNB

Save laikim: Ridim buk, waswas long wara, danis, mitim nupela pren, lukim muvi na kukim kaikai.

Nem: Richard Mel

Krismas: 22 (man)

Adres: PO Box 850, Madang, Madang Province

Save laikim: Pilai soka, go lotu, lukim TV, go raun long taun, tok pilai wantaim ol pren, raun lukim arapela provins, mekim pren wantaim arapela na senisim foto na presen.

Nem: Joe Rama

Krismas: 17 (man)

Adres: Yate Holy Trinity Community School, PO Box 69, Ialibu, Mendi, SHP  
Save laikim: Harim musik na mekim pren

Nem: Mathew Kepalis

Krismas: 15 man)

Adres: Yate Holy Trinity Community School, PO Box 69, Ialibu, Mendi, SHP  
Save laikim: Pilai basketbol, kuk na mekim pren.

Nem: David Diwi

Krismas: 16 (man)

Adres: Yate Holy Trinity Community School, PO Box 69, Ialibu, Mendi, SHP  
Save laikim: Ridim buk, mekim pren na go lotu

Nem: Baptist Dapu

Krismas: 17 (man)

Adres: Muli Primary School, PO Box 69, Ialibu, Mendi, SHP  
Save laikim: Welkamim nupela pes, mi amamas long kisim pas na bekim.

Nem: Peter Ririma

Krismas 24 (man)

Adres: Good Shepherd College, PO Box 53, Banz, Western Highlands Province

Save laikim: Lainim nupela samting long arapela, stap pren blong olgeta na serim aida.



## STORI TUMBUNA

BIPO bipo tru long wanpela ples, wanpela lapun meri i stap. Em i stap wantaim tupela tumbuna bilong em. Wanpela em liboi na narapela em meri. Masalai i bin kaikaim ol narapela manmeri long ples na tripela tasol i stap. Masalai i kaikaim tu papamama bilong tupela pikinini.

Olgeta taim, tupela yangpela i save go sindaun long nambis na singsing long papamama bilong tupela. Wanpela taim nau, wanpela dolfin i kam klostu tru long nambis na wok long kalap kalap. Olsem na tupela brata susa i save amamas stret long lukim dispela.

Ol i stap i go i go olsem na tupela i kamap olsem bikpela man na meri. Wanpela nait, brata i tokim susa bilong em olsem long nait bai tupela i go bombom na painim pis. Bilong ol.

Na ol i no save olsem wanpela masalai i wok long stap klostu long ol na harim ol i tok-tok.

Nait nau, masalai i tanim i go olsem susa bilong man na i kalap i go pinis long kanu. Taim

meri tru i kam, em i lukim olsem brata bilong em i go pinis wantaim masalai. Em nau i save pinis olsem masalai bai kaikaim brata bilong em. Em i go holim tumbuna meri bilong em na ol i kraik.

Taim mani sutim pis na putim insait long kanu, em i wok long pinis nating. Nait tu ya na man i no save olsem masalai i wok long daunim ol pis.

Em nau, man ya i sutim wanpela krupis na putim long kanu. I no longtaim em i harim pairap bilong krupis we masalai i wok long kaikaim.

Em nau man ya i kisim tingting pinis olsem dispela meri i no susa bilong em. Em masalai meri. Na ol kaikain tingting i kamap nau long het bilong em.

Em i kirap na tokim masalai meri long pul i go long nambis long wanem em i laik toilet. Masalai meri i hariap tru pul i go long nambis tasol em i tokim man ya long hariap. Man ya i wok long toilet na tok-tok long pekpek bilong em olsem sapos masalai meri i singaut, em bai tokim em olsem "mi stap." Em nau, man i ronawe i go long ples.

Tupela meri i lukim em long haus na ol i kirap nogut tru na

amamas tru. Man i kirap hariap na tokim tupela meri long bungim liklik kago bilong ol na ronawe i go kwik long nambis.

Ol i stat long singsing i go i go na lukim tupela dolfin i wok long swim i kam long nambis. Hariap tru, man i kisim wanpela rotp na givim long susa bilong em.

Em i tokim tupela long kalap long dolfin na go long ailan. Na taitim rop long wanpela bikpela diwai. Em yet bai kam bihain, em i tok. Dispela ailan i save stap klostu long bikpela ailan tasol namel bilong em i gat ol saksak na pukpuk na solwara i save raf o strongpela stret.

Masalai meri ya i wet i go i go na em i singaut tasol man ya i bekim olsem em i stap. Masalai i wet i go i go na klostu moning i bruk.

Em nau masalai meri i wokabout i go long kilim man. Taim em i singaut gen, em i harim olsem man ya i bekim long narapela hap.

Em mi kamap long dispela hap, man ya i wok long bekim long narapela sait gen. Nau masalai i save olsem dispela man em i man nating. Na em i mas ronawe pinis long en. Em i singautim olgeta masalai long bus long kam na ol bai kilim

tripela ya na kaikaim ol. Taim ol masalai i kamap long ples ol i no lukim wanpela man. Ol i lukim tasol wanpela rop i pas long wanpela/bikpela diwai na i go olsem long ailan.

Mna ya i bin wokabout tasol long rop ya na hap em i taitim long diwai na narapela hap em susa bilong em i taitim long diwai long ailan.

Em i kamap long ailan na em i tokim tupela susa bilong em olsem ol masalai i wok long bihainim em tasol boi nogut ya em i save kilim em. Ol masalai ya i no isi, ol planti tru ya. Ol i wokabout long rop na ol i kam klostu long ailan nau.

Na boi nogut i sekim sekim rop na olgeta masalai i pondaun i go daun long solwara. Man, ol saksak na pukpuk aninit i no weit. Olgeta masalai i pinis. Nating.

Narapela grup masalai gen i kam wokabout i kam na ol i go daun long solwara na long maus bilong ol pukpuk na ol i pinis nating.

Em nau, tripela i kam bek long ples bilong ol na ol i stap amamas tasol.

Kimberley Bernard  
Gordons  
Nesenel Kapitel Distrik

## Mi laikim helpim long wari bilong mi

### Dia Laiplain

**TAIM papa bilong mi i bin dai sampela yia i go pinis, mi bin promis olsem bai mi no inap marit bikos bai mi lukautim mama na tupela susa bilong mi.**

**Olgeta poroman bilong mi i marit pinis. Na ol meri i wok long askim mi tu long marit. Mi no egens long marit tasol mi painim hat long toktok long ol meri, maski long ol toktok nating tasol. Nau mi bungim wanpela meri na mi laik serim ol tingting, askim na ol arapela samting i sut long marit.**

### CARING

#### Dia Pren

I luk olsem yu bin wokim strongpela tingting long no marit bikos long hevi i bin kamap taim papa bilong yu i dai. Wanpela samting em yu laikim helpim bilong papa long marit bilong yu na tu, bikos yu mas lukautim ol famili memba. Yu ting wanem, ol dispela samting i pasim yu tru long marit o? I gat ol arapela hauslain inap long helpim yu wantaim dispela wok? Inap yu marit na lukautim yet mama na ol susa bilong yu? Dispela em sapos meri bilong yu bai gutpela long ol. Noken lus tingting olsem dispela kain situesen i no inap long stap oltaim. Ol susa bilong yu bai groap na ol bai lukautim ol yet. Sapos mama bilong yu em i yangpela yet, em i ken marit gen. Sapos em i lapun, em bai dai yet. Yu no laikim bai mama bilong yu i dai yet na lsem gutpela pikinini, yu lukautim em. Tasol em bai ino inap stap oltaim. Mipela i laikim yu long tingting gut nau bikos ol dispela samting bai stopim yu long marit nau bai lus na wanpela de, bai yu painim olsem yu wan i stap sori. Bai yu nogat meri, nogat mama na nogat susa bikos ol tu bai marit na yu no inap long lukautim moa. Mipela i tok olsem noken marit, nogat. Tasol

## LAIP LAIN

yu mas wokim disisen bilong yu yet, tasol ol tingting mipela i putim long yu inap helpim yu long wokim disisen bilong yu.

I luk olsem yu tingting long marit bikos ol arapela i toktok long yu long en. Tru, long PNG taim man o meir i laik marit, i famili na hauslain i save go insait long em. Na tu, em i no gutpela long tingting long marit bikos ol narapela lain i putim tingting long yu long en. Tingim, wanpela bikpela samting em meri i narapela lain, olsem yu tasol na bai yu luksave olsem em i gutpela poroman. Na prensip bilong yutupela bai gro na bai yutupela gat strongpela laik long wanpela arapela. Na dispela laik inap pasim yutupela long marit. Fainol disisen bilong yu long dispela em yu yet i mas mekim.

Tasol i luk olsem yu no gat kliapela tingting long wanem samting yu laikim. Yu tokaut tu long wari yu gat olsem yu painim hat long toktok wantaim ol meri. O ating tru tru yu laik marit. I luk olsem yu mas wokim tripela disisen na dispela em long:

**\* Yu bai ino inap marit:** noken tingting na toktok planti long dispela. Toktok gut wantaim ol meri tasol noken strongim sait bilong wokim spesel prenpasin. Wokim pani na lap taim ol poro bilong yu i tok long yu tu i mas marit.

**Bai yu marit:** Tru, tasol yu no inap long wokim dispela yu yet. Bai i mas gat meri na em i mas wanbel. Tasol sapos tingting bilong yu i strong long marit, yu mas toktok gut, wokim gut na soim inters long meri. Na bai yu inap long painim wanpela bai yu gat

laik tru long em, luksave na em tu bai wokim wankain long yu na famili bilong yu. Mama na ol arapela hauslain bai helpim yu long painim rait meri. Long kain man olsem yu husat i save sem long toktok wantaim ol meri, i gutpela moa sapos yu toktok wantaim sampela lain na painaut long sampela samting long en. Dispela bai givim yu save na strong long wanem kain meri na em i rait meri long yu i ken wokim pren pasin wantaim. Dispela meri i ken wok long wanpela opis wantaim yu, go long sios, hap bilong pilai na yutupela i save pinis long wanpela arapela. Sapos yu apinim olsem em i rait meri tasol yu sem long toktok long en, raitim wanpela pas i go long em. Tasol noken hariap raitim leta we yu tok yu laik maritim em o yu laik prenim em samting. Raitim wanpela gutpela leta olsem dispela w eol gutpela poroman i save raitim long wanpela arapela. Sapos em i wanpela gutpela meri, em bai toktok gut na yu bai lusim tingting long sampela ol wari yu gat long en.

**Bai yu wet sampela taim moa bipo yu wokim wanpela samting long tok yu laik marit.** Sapos yu yangpela yet, yu ken weit sampela yia pastaim pastaim. Taim yu weit, opim yau na ai i stap na wanpela de, bai yu painim wanpela gutpela meri husat bai yu laikim tumas na bai yu ino inap long laik wet moa. O sapos nogat, bai yu amamas long stap single.

### LAIPLAIN

#### TOKSAVE

Sapos yu gat hevi o wari, rait i kam long Lifeline. P O Box 6047, Boroko, NCD. Yu ken ringim mipela tu long telipon namba 3260011. Mipela i no inap long autim trupela nem bilong yu long hia tasol taim yu rait long Lifeline, yu mas putim trupela nem na etres bilong yu na bai mipela i salim bekim long pas bilong yu.

**Hap Hap Nius**

**Ol meri greduet long skul bilong mekim klos**

INAP long 66 meri i greduet wantaim ol setifiket long mekim klos long Wimens Tekstail Trening Senta long Pot Mosbi las Fraide.

Long ol 4-pela mun i go pinis ol dispela meri bilong Nesenel Kepitel Distrik, Lihir, Kavieng na Mt Hagen, i wok long kisim skul long somapim ol klos.

Dispela progrem i kam aninit long dipatmen bilong Treid na Industri na Minista bilong Treid na Industri, Paul Tiensten, i tok em i amamas tru long wanem ol meri i wok long skul long en long senta na i laik karim dispela projek i go long ol narapela provins tu.

"Long wanem mi lukim hia, projek i wok long karim kaikai," Mista Tiensten i tok.

Wok bilong mekim klos em i wanpela industri we i ken kirapim planti wok bilong ol meri na ol yut.

Mista Tiensten i tok strong long ol meri husat i bin greduet long yusim wanem ol i lainim long kisim mani bilong ol yet.

**Fi i go antap long ol bris**

PAPUA Niugini Habas Limited (PNGHL) i apim ol fi bilong ol bot long sua long bris.

Siaman bilong PNGHL, Sari Maso, i tokaut long ol dispela nupela fi las wik.

Mista Maso i tok olsem ol i mas apim ol fi long wanem ol tu i nidim mani long mekim wok gut na i gat bikpela nid long stretim ol bris long olgeta hap bilong kantri.

Em i tok olsem Indipenden Konsuma na Kompetisen Komisnin (ICCC) i bin tok orait long dispela ol nupela fi long pinis bilong las yia.

Em i tok olgeta kampani i mas bihain ol dispela nupela fi long stat long Mei 1.

PNGHL i bin stapim apim bilong ol dispela fi we ol i bin inap long kamapim long Janueri 1, 2004, long wanem ol i tingim hevi we ol bai putim antap long ol kampani husat i wok long kisim taim pinis long ol nupela benk sas na prais bilong bensin na pawa we i bin go antap tu long dispela taim.

Ol i stapim ol senis bilong ol long fi inap nau.

**Ipatas wari long rot bagarap**

GAVANA bilong Enga, Peter Ipatas, i tok olsem sapos ol rot bagarap long sampela ol hap bilong Hailans Haiwe i kamap nogut moa, dispela bai kamapim bikpela birua long ikonomi bilong kantri.

Mista Ipatas i tok disisen bilong Shell PNG long stop long karim bensin i go long Hailans i soim tru tru hevi we stap.

"Hevi em i bikpela moa long wanem planti pipel i wok long harim long en.

Nesenel gavman i mas stretim dispela hevi bipo long ikonomi i bagarap," em i tok.

Las wik Shell PNG i bin tok olsem ol i no inap long karim bensin long ol trak bilong ol i go olgeta long Mt Hagen long

wanem rot i bagarap tru bihain long ol graun bruk na nogut birua i kamap long wanpela ol trak bilong ol.

Shell PNG i no inap karim bensin i go long Mt Hagen long namel bilong mun Mas i kam inap nau.

Mista Ipatas i tok amamas long K110 milien helpim i kam long gavman bilong Australia, tasol em i tok gavman bilong PNG i mas lukluk long ol narapela hap tu long helpim long stretim haiwe.

Mista Ipatas i tok ol narapela bikpela sevis olsem ol ges na wel projek na Porgera main bai kisim taim tu long ol rot bagarap.


Hevi bilong rot bagarap i stap longpela taim tru.

**Pipel long Bena, Asaro, amamas long gavman**

**Paulus Tali i raitim**

LONGPELA taim kam nau klostu long 5-pela yia i go pinis, ol pipel long apa Bena, lowa Bena, Dunatina, Fayantina, na Asaro long Isten Hailans provins (EHP) i save painim hat long karim kopi bilong ol i go long ol maket long salim tasol nau dispela bai i senis bihain long gavman i opim rot long ol ol liklik groa long mekim gut wok bilong kamapim na salim kopi.

Wanpela mausman bilong ol dispela ples Gibson Thomas i tok taim gavman i



Mista Thomas. Foto: JOE IVAHARIA

bin opim rot dispela i helpim ol liklik groa long i go insait long ekspot maket.

Mista Thomas i tok olsem em i gat 5000 memba long apa Bena, lowa Bena, Dumantina, Fayantina na Asaro, na ol i gat sampela plentesen na fektori tu insait long dispela koperetiv.

Mista Thomas husat i bin toktok long *Wantok Niuspepa* long Pot Mosbi i tok olsem as bilong em long raun i kam long kepitel sitj i bilong painim mani long ol opis we i save wok long givim dinau mani long

statim bisnis kopi bilong ol.

Em i tok em i laikim koporetiv sosaietis rejistri opis long Pot Mosbi i mas wok bung wantaim provinsel dipatmen long kamapim wanpela opis long EHP.

Mista Thomas i tok olsem em i lukim long niuspepa olsem wanpela koporetiv i kamap pinis long Fayantina na em i laikim ol atoriti long sekim gut ol pepa bilong dispela koporetiv long wanem em i no gat rekod long wanpela koporetiv long hap.

**Stopim salim bilong grin vanilla bin**

*...Daunim fi bilong ekspotim vanilla*

MEMBA bilong Palamen bilong Ambunti Dreikikir, Tony Aimo, i singaut long Spais Industri Bod long stopim salim bilong ol grin vanilla bin long olgeta ol provins we i save groim vanilla. Dispela i bilong bosim gutpela bilong vanilla.

Mista Aimo, husat i bilong wanpela hap we i save groim planti vanilla, Dreikikir distrik long Is Sepik provins, i tok Spais Bod i mas makim ol inspekta bilong vanilla hariap long stap long ol dispela provins na lainim ol groa long we bilong groim, stretim na salim vanilla.

"I nogat wanpela save stret namel long ol lain bilong baim vanilla na ol ekspota long wanem em i gutpela vanilla stret na wanem em i no gutpela tumas," em i tok.

Mista Aimo i tok Spais Industri Bod i mas stopim salim bilong ol grin bin hariap long stapim prais bilong vanilla long go daun moa yet.

Mista Aimo i tok olsem i gat tingting olsem ol rong bilong prais i go daun i stap wantaim ol liklik ekspota long ol provins,

tasol rong i no stap wantaim ol. Hevi i kamap long wanem ol lain husat i no save groim bin tu i save traim long ekspotim, na ol i nogat gutpela save long we bilong groim vanilla o lukautim, stretim na sekim gutpela bilong en.

Em i tok vanilla industri bai bagarap sapos Spais Industri Bod i no wok hariap long stretim dispela hevi.

Long wankain taim ol vanilla groa na ekspota long Is Sepik provins i singaut long gavman long daunim fi bilong ekspotim o salim vanilla i go ovasis.

Wanpela lokel groa na ekspota, Ottor Yinikanji, i sutim tok long gavman olsem ol i wok long stil long ol pipel na i tok olsem dispela nupela ekspot fi i ken bagarapim industri.

Gavman i bin apim ekspot fi long K3 long wanpela kilogrem i go long K10 long wanpela kilogrem long dispela yia.


Mista Yinikanji i tok olsem ekspot laisens fi tu i go antap long K1000. Bipo em i bin K300.

Mista Yinikanji, husat em i siaman bilong Daisudo Spice Producers long provins i tok olsem vanilla industri i yanpela yet na ol i mas lukautim long givim sans long en long gro gut.

"Bilong wanem na ol i laik apim ol dispela fi bilong vanilla taim em i wok long stat yet long helpim ikonomi driven polisi bilong gavman," em i askim.

Mista Yinikanji i tok olsem ol liklik ekspota long provins i kros wantaim nupela ekspot fi.

"Dispela fi i wok long kilim mipela na gavman i wok long stil long mipela. I gat ol narapela fi o kos tu we mipela i save baim olsem trenspot na kastoms. Bungim olgeta dispela ol fi wantaim, em bikpela mani mak stret we mipela i mas baim," em i tok.



**Em wanem kain masin ya?** Tripela fama long Yunited Stes ov Amerika i sanap klostu long masin we i save helpim ol long kisim kaikai ol i kolim wit we i pulap long fil long dispela poto. Foto: TRANS PIX





Civil registry office department  
for Community Development



# REJISTRESEN BILONG KARIM EM I FRI BILONG OLGETA PIKININI!

inap long namba 22 de bilong mun Mei, 2004

Olgeta papamama na ol was papamama inap long rejistarim karim bilong ol pikinini bilong ol long klinik, sios, skul, na ol teknikoł na voke-senel koles i stap klostu.

**TINGIM:** Bet Setifiket em i wanpela pepa tasol inap long tok klia long nem, hap yu kam long en na krismas bilong pikinini bilong yu.

*NOKEN ABRUSIM DISPELA SANS!*



## OL REJISTRESIN SENTA BILONG KARIM INSAIT LONG NCD:

**LOCATION:**

**REGISTRATION POINT:**

- BOROKO**
  - 1. St. Joseph's Catholic Church
  - 2. Anglican Church of St. Martin
  - 3. Jacobi Medical Centre
  - 4. International Education Agency
  - 5.1 Coronation Elementary
  - 5.2 Coronation Primary School
  - 5.3 Bavaroko Primary School
  - 6. Salvation Army
  - 7. United Church Rev. Sioni Kami
  - 8.AOG (Garden Hills)
- HOHOLA**
  - 1. St. Theresa's Clinic
  - 2. Murray Barracks - Chaplain's Office
  - 3. Murray Barracks Clinic
  - 4. St. Theresa Primary School
  - 5. Salvation Army
  - 6. Christian Apostolic Fellowship Church
  - 7. United Church
  - 8. AOG Church
  - 9. PNG Power HQ
  - 10. Ted Diro Elementary
  - 11. Hohola Dem School
- GORDONS**
  - 1. AOG Harvest Centre
  - 2. IBSA Jehova Witness
  - 3. United Church - Rev Sione Kami
  - 4. Gordons Police Barracks
  - 5. Limana Vocational School
  - 6. Evangelical Lutheran Church of PNG
- WAIGANI**
  - 1. Christian Life Centre
  - 2. CODE Centre for NCD/Central
  - 3. CIS
  - 4. CRC
  - 5. Bahai Faith
  - 6. Dept of Education, Inspection & Guidance Division
  - 7. Gerehu Provincial High
  - 8. United Church

**MORATA**

- 9. Provincial Health Office
- 10. St Mary's Medical Centre (Bko0)
- 11. NDOH

**TOKARARA**

- 1. Baptist Church
- 2. Salvation Army
- 3. Morata Elementary School

- 1. Tokarara High School
- 2. St John's Catholic Church
- 3. June Valley Elementary School

**UNIVERSITY**

- 1. UPNG Clinic

**GEREHU**

- 1. AOG Jubilee College
- 2. SDA Church
- 3. Mormons
- 4. Gerehu Clinic
- 5. Gerehu Primary
- 6. Port Moresby National High School
- 7. Christian Apostolic Fellowship Church
- 8. United Church
- 9. Lutheran Church

**(Stage 1)**

**KILAKILA/KAUGERE/GABUTU**

- 1. Joyce Bay
- 2. Mormons
- 3. Kila Kila Clinic
- 4. Vabukori Clinic
- 5. Salvation Army

**KOKI/BADILI**

- 1. City Mission
- 2. Badili Clini
- 3. Koki Elementary
- 4. Badili Vocational School
- 5. Salvation Army

**6 MILE/ERIMA**

- 1. 6 Mile Clinic
- 2. Holy Rosary Catholic Church

**ERIMA**

- 3. Mormon's HQ
- 1. St Peter's Channel School
- 2. New Elementary School

**DUMP ERIMA**

- 1. Foursquare
- 2. SDA Church
- 3. Catholic Church
- 4. EBC
- 5. Sol Aposol Church

**TAURAMA PMGH - Hospital**

- 1. Director - Nursing Services
- 2. Labour Ward
- 3. Social Worker's Office

**Taurama Barracks**

- 1. Taurama Barracks Clinic
- 2. Chaplain's Office

**TOWN AREA**

- 1. Lawes Rd/Konedobu Clinic

**KONEDOBU**

- 1. Moromons (District President)
- 2. Anglican Church of St John

**HANUABADA**

- 1. St. Michael's Primary School

**8 MILE**

- 1. Christian Apostolic Fellowship
- 2. Catholic Church - 8/9 Mile

**9 MILE**

- 1. Revival Centre of PNG
- 2. 9 Mile Clinic

**BOMANA**

- 1. Police College
- 2. Moltaka Elementary School

**PARI**

- 1. Pari Community Development
- 2. Pari United Church
- 3. Pari Primary School

# WANTOK

# TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 8527 or Fax: Nogat yet EMAIL: wordadvertising@global.net.pg

### BAIM GOL

#### Gol Baia - Metals Refining Operations

Givim gutpela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.  
MRO istap long Seksen 451, Alotment 2, Kuila Estate, Kameron rot, Waigani  
P.O. Box 3980, Boroko, NCD  
Papua Niugini

Phone: 325 2647 or Fax: 325 2959

### GOL BAIYA

#### KVDC GOLD LIMITED

1. Would you like to own a Gold Company that makes Money for you today?
2. Do you need money now? We believe you do. We can certainly help you repay all your loans if you join us today.
3. How about your current job? Is it secured and are you making money that you deserve? Call us now.
4. Is your future Financially secured? We don't think so. Call us now, do not delay.

We Specialise in:

- Buying & Selling Gold in PNG and Overseas using stronger currencies
- International Gold & Commodity Trading
- International money transfers
- Establishing OD Limits for PNG Rural people to do business
- Assisting PNG Rural People Start up Small Business

CALL US NOW!

Ph: 311 3445, 311 3444 or 311 3446  
Fax: (675) 311 3447  
PO Box 3183, BOROKO, NCD  
Email: natwolaptru@datec.net.pg

### FRESH SAGO AND VANILLA

#### EAST SEPIK FRESH SAGO - K20Kg Bag

Wewak / Madang Wewak / Hagen  
Wewak / Lae wewak / Goroka  
wewak / Moresby  
Contact: Peter Devis - Ph/Fax: 856 2743  
Email: pdevis@datec.net.pg

#### VANILLA VINE CUTTINGS

for sale, nearly to all destination in the country.  
For price list contact Peter Devis on Ph/Fax: 856 2743, email: pdevis@datec.net.pg or postal address: P.O. Box 89 Wewak, ESP  
how to make a good quality cured beans.  
Book also Available  
We also can be agents for vanilla bean buying companies.

### MENESMEN SEVISES



#### MANPOWER Management Services Limited (Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications (Reminders automatically remitted)

Contact: Helen, Liz,  
Telephone: 321 5491 / 321 5492  
Facsimile: 321 5493  
Email: manpower@daltron.com.pg



#### ISLANDS HR MANAGEMENT CONSULTANT LTD

Specialise in the following activities

- Recruitment & Labour Hire
- Business development
- Rural / NGO Funded projects
- Secretarial Service

We are located at  
Suit 8 Level 1 Garden City, Angau Drive, Boroko

Email: hrmc@datec.com.pg  
PO Box 889, Boroko, NCD  
Ph:/ Fax: 323 4799

### PISIN TANIM TOK



**TRANSLATION**  
WORD PUBLISHING IS OFFERING TRANSLATION SERVICES, TRANSLATE ENGLISH TO TOK PISIN & MOTU  
FOR MORE INFORMATION CALL BONNER HUI ON  
PHONE 325 2500 OR FAX 325 2579.  
email: wordadvertising@global.net.pg

### REKODING STUDIO



#### GMA RECORDING STUDIO

#### WE CAN OFFER:

- Digital Recording
- High Speed Dubbing
- Album & Demo Production
- Commercial Audio Jingles
- Hire of Studio Equipment
- Public Address System
- Bulk Cassette & Compact Disk Orders
- In-house DJ Music
- Live Bank Entertainment

For any of the above services please contact Douglas on Tel/Fax: 326 1523 or write to: Manager, PO Box 339, UPNG

### INSURANCE

#### PABLIK NOTIS HIH INSURANCE (PNG) LTD

Ol Dairekta blong HIH Insurance (PNG) Limited ("HIH PNG") (pastaim ol i save kolim MBf Assurance na FAI Insurance) i laik toksave long pablik olsem Kampani i kam klostu nau long pinisim ol wok blong em insait long PNG.

Olsem tasol, HIH PNG (wantaim MBf Assurance na FAI Insurance) i askim sapos husait man o meri i bilip olsem em i gat kleim we kampani i no stretim yet, orait em i mas salim kleim o wari blong em i kam long dispela adres; HIH Insurance (PNG) Limited, Level 2, Mogoru Moto Building, Champion Parade, Port Moresby, P O Box 507, Port Moresby o long Fax namba 321 2780 o long email kpmgpng@kpmg.com.pg kwik taim tasol.

Bod of Dairektas blong HIH PNG i autoraisim

### SEKENHAN KLOS

#### FRIENDTEX LTD

P.O. BOX 5049 BOROKO  
PHONE: 323 1471  
FAX: 323 1479

Dealers & Wholesaler Secondhand Clothing  
**SPEND LESS FOR BEST PRE CHRISTMAS..... Specials**  
A Visit is a Must  
**ALL IN BALES OF 50KGS**

- K595 Jean Trouser, Child Jean, Beach Shorts, Bedsheets, Skirts, Colour Jean Pants, Child Pants, Boy colour Jean, L/Tank Tops, S/Less Dress, 3/4 Disco Pants, Nylon Rummage, Sports Shorts, Hemmed Shorts, L/Zip Jackets, Boy Jeans, Ladies Tights, M/Tank Tops, L/Sleeve Polo, Capre, Blue Jean Jackets
- K770 Cotton Pants, Kids/TShirts, Denim Shirts
- K630 Child Mix, Collar T/Shirts, BS/PCK
- K550 RN Plain T/Shirts, Skirts Pants, Jean Shorts, Mix Shorts, Floopy Pants, Socks, Skirts, Tropical Pants, Pillowcases, S/Less Blouse, Flannel Shirts
- K880 Towels, Jean 100 PCs.

#### AVAILABLE & NEW STOCKS

Cargo Shorts, Cargo Trousers, Hunting Jackets, Rugby Polo, Jersey, Cotton Blouse, Mix Jersey, Ladies Bra, Ladies Suit, Denim Bermuda Shorts 3/4. Mixed Bales AA Supreme & special price. Special discount for bulk buyers.  
Location: Kenmore Trade Centre  
Unit 11 off Cameron Road  
Next to Arnotts Biscuits Factory - Gordons

### TREID NA EKSPOT

#### FAIRFAX EXPORTS LIMITED

LICENSED CROCODILE SKIN TRADERS AND EXPORTERS

#### We buy Crocodile Skins

#### MON - SAT

BURNS HOUSE  
STANLEY ESPLANADE, PORT MORESBY

Tel: 321 4755  
Fax: 321 4751

### SURGEON ON CALL

#### SURGEON ON - CALL

(24 HRS DOCTOR IS AVAILABLE)

Do you need a surgeon urgently?

Do you need to have a private surgical operation? Are you tired of waiting for an operation to be done?

Do you need a second opinion on your illness?

Or just an anonymous advice?

Do you need any other medicine related assistance?

If you do then we are happy to help

Give us a call

Phone: 311 - 3440 BH  
Phone: 311-3455 BH  
Mobile: 686-8585 AH

Ringim Bonner Hui sapos yu laik advatais insait long Treid Dairektri bilong mipela.

Ph: 325 2500 Fax: 325 2579 -  
Email: word@global.net.pg

• Ragbi eksen wantaim Wari Vele Hawks na Waliya long wiken long PRL.

• sampela disebel pilai i mekim sampela spot pilai we i bin kamap long Sir John Guise indoor stadium long las wiken.

• Paul Non, Fulbek bilong Wari Vele Hawks i traim long brukim banis bilong ol Waliya tasol no inap. Ol boi Bara i win 54 - 10.

• Straika bilong Australia tim U19 i banisim gut bal long meri Solomon. Ol waitmeri i strong tru na win.

# WIKEN EKSEN POTOS

Wantaim Joe Ivaharia

• Yana Nicolas bilong tim Lamana No. 2 na Ashley Huxton (69) i resis long Ela Motors Yamaha Car kompetisen long las wiken. Digeta resis i save kamap long Godena oigeta wiken.

• Ol anda 19 meri bilong Solomon Allan i kam pilai soka lo OFC U19 Olimpik kwalifaia long Pom las wik.

• Meri Solomon laik rausim bal long meri Australia tasol no inap. Australia i win 13 - 0



**Strong bilong ol tim i sanap olsem bihain long pilai bilong ol long Raun 7:**

Ol namba wan tim bilong brukim difens bilong arapela tim

**Storm**

**Broncos**

**Eels**

**Panthers**

**Dragons**



**Ol tim we difens bilong ol i winim ol arapela**

**Dragons**

**Roosters**

**Storm**

**Cowboys**

**Bulldogs**



**Ol Top Trai Skora bihain long Raun 5**

Amos Roberts	(Penrith)	9
Matt Cooper	(Dragons)	8
Anthony Minichiello	(Roosters)	6
Kurt Gidley	(Newcastle)	6
Luke MacDougall	(Souths)	6
Shaun Berrigan	(Brisbane)	6
Chris Walker	(Roosters)	5
Eric Grothe	(Eels)	5
Jason Moodie	(Tigers)	5
Matt King	(Storm)	5
Reece Simmonds	(Dragons)	5

# Bulldogs kilim Rabbitohs

CANTERBURY Bulldogs i bin pilai strong tru agensim South Sydney Rabbitohs long las wiken. Skoa bilong dispela pilai namel long tupela tim ya i bin sanap olsem 34-8.

Souths i save kisim taim olgeta taim ol i pilai agensim ol Bulldogs.

Laspela taim Souths i bin bungim Bulldogs na win em long 1999.

Tasol taim ol i pilai agensim Bulldogs planti biknem pilaia bilong ol i no bin stap.

Ol pilaia olsem kepten bilong ol Bryan Fletcher, Shane Martene, Paul Stringer na Adam McDougall i no bin pilai bikos ol i kisim bagarap.

Sikspela trai bilong ol Bulldogs nau i suvim ol i go antap long tebol long NRL resis pastaim long Brisbane Broncos,



• Willie Mason bilong Bulldogs i brukim difens bilong ol Rabbitohs. Em i pilai strong tasol em i mekim planti asua tu long dispela pilai. Ol Dogs i kilim ol Rabbit 34-8.

Sydney Roosters na Canberra Raiders.

Taim ol i kik op stret, seken rowa bilong ol Justin Smith i kisim bagarap long skru bilong

em na huka Shane Walker i kisim bagarap long lek masol bilong em.

Wanpela arapela pilaia bilong ol tu ating bai kisim

mekimsave bilong kot long NRL bihain long refri i tok em i bin paitim nating wanpela arapela pilai bilong Bulldogs.

Bulldogs i bin pilai strong long stat bilong gem na ol i bin lid 12-0 bihain long 13 minit tasol.

Bihain long dispela ol i tromoi bal nabaut olsem ol i pilai tas ragbi. Ol i bin kamap wantaim planti asua taim ol i tromoi bal nabaut, Willie Mason em man husat i bin mekim planti asua tru long dispela pilai.

Tasol ol Bulldogs i pilai strong tru na Souths i no bin nap long makim strong bilong ol.

**Ol Top Poin Skora bihain long Raun 5**

Pilaia	Tim	Trai	Gol	Fil Gol	Poins
Michael De Vere	Broncos	4	32	-	80
Luke Burt	Eels	3	24	-	60
Hazem El Mazri	Bulldogs	2	25	-	58
Andrew Walker	Sea Eagles	4	17	-	50
Cameron Smith	Storm	1	23	-	50
Brett Kimberley	Sharks	2	20	-	48
Brett Hodgson	Tigers	3	17	-	46
Clinton Schifcoske	Raiders	1	20	1	45
Josh Hannay	Cowboys	2	18	-	44
Daniel Abraham	Knights	2	16	-	40

## Stuart i no laikim Fittler i pinis pilai

KOSA bilong Sydney City Roosters, Ricky Stuart i tok olsem biknem pilaia bilong em Brad Fittler i noken hariap long pinis long ragbi lig.

Em i mekim dispela toktok bihain long sampela tok win i kamap olsem Fittler bai pinis long pilai ragbi lig taim NRL resis long dispela yia i pinis.

Tasol Stuart i tok dispela kain bikpela samting em Fittler i mas sindaun na skelim gut pastaim.

"Yu mas skelim olgeta samting na noken hariap. Skelim gut tingting bilong yu," Stuart i tok bihain long Fittler i bin skorim wanpela bikpela trai taim ol i pilai agensim St George Illawarra long las wiken.

"Yu inap long mekim rong samting. Mi lukim planti pilaia i lusim ragbi lig na bihain ol i kisim taim nogut tru. Tasol mi save gut long Freddie, meri bilong em Marie na ol poroman bilong em na mi save olsem em bai bi-



Ricky Stuart (antap) i no laik bai Fittler (aninit) i hariap long pinis long pilai ragbi lig.



hainim gut laik bilong em yet," Stuart i tok. Sapos Fittler i lusim

wanpela nupela biknem pilaia.

Sampela tok win i tok nem kepten bilong Australia Darren Lockyer na Kepten bilong Newcastle Andrew Johns i wok long lukluk long Roosters.

"Mi bai amamas sapos Andrew Johns i kam pilai long hia," Fittler i tok.

Emi tok em i wok long toktok wantaim klab long skruim fes gret pilai bilong i go long wanpela moa sisen.

## Souths lukluk long Lauiti'iti

SOUTH Sydney Rabbitohs i wok long lukluk strong long kisim bikpela pawa pilaia bilong New Zealand Warriors Ali Lauiti'iti husat i bin lusim klab bilong em long las wik.

Ol Rabbitohs i wok long kisim taim long planti biknem pilaia bilong ol i wok long painim bagarap, olsem na ol i wok long lukluk kisim em.

Kosa bilong Souths, Paul Langmack i tok olsem ol i wok long kisim taim bikos planti pilaia bilong ol i wok long kisim bagarap.

"Mipela i traim hat tru long winim dispela pilai, tasol mipela i wok long sot long ol man long pilai. Nau ol senta bilong mipela i wok

long pilai long fran ro," Langmack i tok. Lauiti'iti i bin lusim New Zealand Warriors bikos em i tok olsem laik bilong em long pilai ragbi i no stap moa.

Nau em i lusim Warriors, em bai inap long go pilai wantaim ol arapela klab.

Kosa bilong Warriors, Daniel Anderson i tok olsem em i amamas olsem nau ol i stretim olgeta toktok pinis na Ali bai inap go painim wanpela klab we em bai inap pilai gut long en.

Lauiti'iti i no bin pilai inap 16 wik long las yia bikos em kisim bagarap long han bilong em. Em i bin gat tupela yia i stap yet wantaim Warriors aninit long kontrak bilong em.

## Barry Berrigan no tingting tumas long Steit ov Orijin

BARRY Berrigan, liiklik brata bilong paia lait senta bilong Brisbane Broncos Shaun Berrigan i tok brata bilong em bai gat moa sans long makim Kwinnslen insait long Steit ov Orijin long Mei 26.

Em i tok em i skelim olsem brata bilong em Shaun bai i gat moa sans long pilai bilong Kwinnslen.

"Mi nogat sans tru ya," Barry i tok. Em i save draivim fok lip long san na pilai ragbi long wiken.

Cameron Smith bilong Melbourne Storms i wok long pilai strong, na ol Kwinnslen silekta i tingting long givim

sans long em long namba wan gem.

Smith em i longpela man husat i save kirapim ol gutpela pilai na em i save kikim gut bal tu. Barry em i save difen strong tru na em i wok long strongim pilai bilong em long olgeta wik.


Em yet tu i skelim olsem Smith em raif man long holim namba 9 bilong Kwinnslen.

"Em rait man long pilai. Em i pilai strong las yia, olsem na em i mas stap gen dispela yia," Berrigan i tok.

Em i tok nau em i lukluk long strongim pilai bilong em bai em i gat moa sans long naks yia.

## LAINAP BILONG KWINNSLEN:

Matt Bowen (Cowboys), Shaun Berrigan (Broncos), Dane Carlaw (Broncos), Tonie Carroll (Broncos), Petero Cironiceva (Broncos), Michael Crocker (Roosters), Chris Flannery (Roosters), Josh Hannay (Cowboys), Corey Parker (Broncos), Steven Price (Bulldogs), Ben Ross (Panthers), Matt Sing (Cowboys), Billy Slater (Storm), Cameron Smith (Storm), Brent Tate (Broncos), Chris Walker (Roosters), Shane Webcke (Broncos), Rhys Wesser (Panthers).



# Crocker bai kisim ples bilong Tallis

BIKMAN bilong kros planti taim em i save pilai ragbi lig, Michael Crocker bai sanap na go pas long ol Kwinsel Maruns long Mei 26.

Planti manmeri bilong Kwinslen i bilip olsem Crocker bai inap long senisim bikman bilong Kwinslen, Gordon Tallis long go pas long ol yangpela pilaia.

Tallis, husat i holim kepten posisen bilong Brisbane Broncos i lusim pinis pilai ragbi long makim steit na kantri.

Nau em i lukluk tasol long pilai bilong Broncos.

Siaman bilong ol silekta bilong Kwinslen sait na olupela Kwinslen man tu, Gene Miles i tok em i luksave long pilai pasin bilong Crocker olsem rait man bilong karim Kwinslen long Stet ov Orijin.

"Mipela bai lukluk long Mick long kisim ples bilong Tallis. Yu bai i no inap long senisim kain man olsem Tallis na pilai bi-

long em, tasol yu mas i gat wanpela man i stap long hap bilong go pas long ol bois," Miles i tok. "Ating Mick i kisim moa save long pilai long laspela 12 mun. Em i pilai pinis long makim Australia na em bai laik stap insait long las 17 tim bilong Kwinslen."

Crocker i bin pilai namba wan pilai bilong em long makim Kwinslen long las ya.

Tasol em i amamas olsem ol man i gat bilip olsem em bai inap senisim Tallis.

"Sapos yu laikim wanpela man husat i save pilim strong bilong Kwinslen insait long blut bilong em, ating bai yu inap long painim planti mangi Kwinslen i redi long sanap, tasol mi bai pilai strong bilong stet bilong mi," em i tok.

Em i bin pilai olsem huka bilong Kwinslen bipo, tasol nau em i lukluk long sanap long seken ro.



• Michael Crocker. Em i amamas long senisim Tallis long pilai strong bilong Kwinslen.

# Mipela i ken go het nau: Price

KEPTEN bilong Canterbury Bulldogs, Steve Price i tok olsem nau ol Bulldogs inap long lus tingting long ol hevi bilong klab na pasim tingting long pilai strong.



Sikspela pilaia bilong Bulldogs i bin stap aninit long wanpela wok painimaut ol polis long Nu Saut Wels i bin karim aut bihain long wanpela meri i tok ol dispela pilaia i bin bagarapim em.

Bulldogs klab i bin kisim bikpela taim stret long dispela hevi na ol pilaia tu i bin kisim taim.

Tasol nau Nu Saut Wels polis i rausim ol sas long ol dispela sikspela pilaia na ol i tingting long pilai strong nau.

"Nau mipela inap long go het nau. Mipela i wok long wetim ol polis long pinisim wok painimaut bilong ol. Nau em i pinis, mipela bai i no inap long wari long en moa," Price i tok.

Em i tok sikspela pilaia ya husat polis i wok long sekim ol i bin tok olsem ol i no mekim wanpela rong.

"Mipela i save olsem ol i no mekim wanpela samting, tasol mipela i laik wet na larim ol polis i mekim wok bilong ol," Price i tok.

Dispela hevi i bin lukim tupela strongpela sapota bilong klab, Steve Mortimer na Garry Hughes i lusim.

Price i tok olsem em laikim bai pablik i luksave long disisen bilong polis na lusim dispela hevi i stap nating tasol.

Ol arapela pilaia bilong Bulldogs i tok ol i no wanbel long ol nius media husat i bin bagarapim ol pilaia stret bihain long dispela hevi i kamap.

## Raun 7 NRL Dro

Fraide, Epril 30

7.30 pm Penrith Football Stadium  
Penrith Panthers V Wests Tigers

\*Lukim dispela gem long EMTV long hap pas 8 long Fraide nait.

Sarere, Mei 1

5.30pm, EnergyAustralia Stadium

Newcastle Knights V South Sydney Rabbitohs  
7.30pm, Parramatta Stadium

Parramatta Eels V NZ Cowboys  
7.30pm, Toyota Park

Cronulla Sharks V St George Dragons

Sande, Mei 2

2.00pm, Ericsson Stadium  
NZ Warriors V Melbourne Storm

2.30pm, Aussie Stadium

Sydney City Roosters V Canberra Raiders  
\*Lukim dispela gem long

EMTV long 4 kilok long apinun na putim iau long FM 100 sapos yu laik harim laip brodkas bilong

dispela na ol arapela gem tu.  
3.00pm, Telstra Stadium  
Canterbury Bulldogs V Brisbane Broncos

Manly Sea Eagles - Malolo

## Barrett na Bailey kam bek bilong St George

KEPTEN bilong St George, Trent Barrett na prop Luke Bailey bai pilai long dispela wiken taim ol i bungim Cronulla Sharks long dispela wiken. Sief Eksekutiv bilong Sharks, Steve Rogers i tok dispela gem bai wanpela bikpela paia lait gem tru. Em i kamaut na askim olsem wanem na Michael Howell i kisim wanpela gem saspensen tasol bihain long em i kikim wanpela pilaia wantaim skru bilong lek bilong em taim Greg Bird bilong Sharks i kisim 10 wiks mekimsave.

Barrett bai statim gem long faivet bihain long em i no pilai agensim Syd-

ney Roosters las wik Sande. Bailey tu i no pilai las wik bihain long em i kisim bagarap long pilai namel long Australia na Nu Silan las wik Fraide.

Kosa bilong ol Sharks, Stuart Raper i amamas long pilai bilong ol bois bilong long las wik na em i no senisim tumas lainap.

Bikpela fowet bilong ol Chris Beattie i bin kisim taim na sindaun long sait-lain bihain long em i hap indai agensim Not Kwinslen Cowboys las wiken.

Dispela bai namba wan taim bilong Stuart Raper long pilai agensim klab we papa bilong em John Raper i bin

Poin Lata bilong NRL bihain long Raun 6

Namba	Klab	P	W	D	L	B	PF	PA	PTS
1	Brisbane		7	6	0	1	0	189	136
2	Roosters		7	5	0	2	0	166	144
3	Bulldogs		5	4	0	1	1	124	113
4	Canberra		6	4	0	2	1	127	132
5	Melbourne		6	3	0	3	1	190	116
6	Dragons		7	4	0	3	0	173	106
7	Penrith		7	4	0	3	0	174	168
8	Parramatta		7	4	0	3	0	177	190
9	Tigers		6	3	0	3	1	110	124
10	Newcastle		7	3	0	4	0	166	197
11	Cronulla		7	3	0	4	0	132	166
12	Souths		5	2	0	3	1	93	145
13	Nth Qld		6	1	0	5	1	100	118
14	NZ Warriors		6	1	0	5	1	118	154
15	Sea Eagles		7	1	0	6	0	148	208

P: Pilai, W: Win, D: Dro, L: Lus, B: Bye o malolo, PF: Poin Fo, PA: Poin Agens, PTS: Poin

Lukim neks wik long moa NRL stori na ol poto

# Oro komyuniti long 8 Mail laik kamapim gutpela laipstail

Paul Zuvani i raitim

...Stapim bikhet pasin

TINGTING long kamapim gutpela laipstail Oro Komyuniti bihain long ATS long 8 Mail i statim wangepa soka kompetisen. Dispela soka asosiesen em Oro Soka Asosiesen. Interim presiden bilong Oro Komyuniti Soka Asosiesen, Joseph B. Evari i tok 12-pela tim i stap long dispela kompetisen.

Sampela bilong dispela ol tim em Mix Mates, Kumusi, Ioma, Tufi, Kokoda, Sentrol Kaiva, Nomedis, Sogos, Taruga Driftas na Dogura Bis Boys.

Evari i tok kompetisen i stat pinis long las Sarere we ol tim husat i pilai i kamapim gut ol pilai. Tasol ol tim husat i no baim K30 afiliisen fi i no bin pilai.

Evari i tok ol dispela tim husat i no baim yet i gat inap tumoro long pinisim fi bilong ol.

Bai i gat divisen bilong man na bilong ol meri. Divisen bilong man bai i gat tupela pul na divisen bilong meri

bai wangepa tasol.

Wantaim long dispela ol pilai Evari i tok ol bai statim ol liklik turisim bisnis we ol manmeri bai pas long dispela ol wok na i no tingting long mekim ol pasin nogut.

"Bipo mipela i save kamapim ol pilai na mekim sampela komyuniti wok we i save pasim tingting bilong ol manmeri planti em ol yangpela long raun nating na mekim kainkain pasin," Evari i tok.

"Tasol bihain long dispela ol samting i no kamap long sampela yia nau ol manmeri i nogat samting long mekim na olsem ol i go bek long mekim na bihainim pasin nogut.

"Ol man i go mekim ol raskol pasin na ol meri i go mekim sem pasin long painim mani.

"Dispela i no stret long ai bilong komyuniti na mipela sampela i laik statim kain samting long kisim ol i kam bek na stap gut long komyuniti.

"Long mipela i nogat samting long pasim tingting bilong ol yangpela na narapela ol manmeri long ol i no ken go na mekim kain pasin we i kamapim hevi long ol long komyuniti na ol yet," Evari i tok.

Tasol Evari i tok tru ol i kamap wantaim gutpela ol tingting tasol long kisim helpim na kamapim sampela bilong ol dispela samting ol i sot long en.

"Mipela i singaut long ol Oro Nesenel Memba bilong mipela na sampela ol bisnis haus long kam helpim mipela. Sapos ol i givim helpim dispela bai i gutpela tru."

Wok we komyuniti i wok long mekim em i gutpela wok we bai lukim planti yangpela i sindaun isi na i no kamapim ol hevi. Ating i gutpela ol narapela komyuniti i mas mekim wankain.

## Ol viles tim traime long go insait long Goroka ragbi lig resis

James Kila i raitim

BIKPELA laik long pilai ragbi lig i mekim na planti ol viles tim long Goroka i laik go insait long Goroka kompetisen.

Wangepa nupela tim em Souths na dispela tim i bilong Faniufa arere long ples balus.

Dispela klab i pilaim namba wan pilai bilong em long bikpela kompetisen long taun las wik taim Goroka Ragbi Lig i statim na pilaim nains kompetisen bilong em.

Komyuniti lida bilong Faniufa Joseph "Redman" Hanamo i tokim *Wantok Spots* olsem Souths em i tim bilong ol boi asples na i welkam long ol asples manki long joinim klab na pilai.

Em i tok kamap bilong dispela klab i givim gutpela sans long ol yangpela lig pilaia long soim ol gem bilong ol long taun kompetisen.

Em i tok ol boi bilong

Faniufa i gat tim we i save pilai long Gahuku op sisem long kompetisen na olsem ol i gat inap save na strong long pilai long GRL kompetisen.

Em i tok kamap bilong Souths i helpim tu long ol asples manki long ol i gat klab bilong ol yet long pilai na olsem ol i no inap long hat long go painim ol narapela klab long pilai.

Narapela samting em ol pilaia i ken save gut long ol yet na ples bilong trenning i stap klostu long haus lain.

Narapela ol viles tim nau i go insait long strongpela GRL kompetisen em Siane Rangers na Kerefa Trailers.

GRL i statim sisem bilong em tupela wiken i go pinis wantaim nains kompetisen.

Ol tim husat i stap long kompetisen em Noweks Royals, Hawks, Panthers, Kerefa Trailers, United, Souths, Norths na Siane Rangers.

# Samaika aigris long Mista PNG taitel

Sape Metta i raitim

SPOT bilong bodibilding (masol spot) em i wangepa spot we i wok long pulim bikpela laik na nau planti ol yangpela man na meri i wok long subim het long joinim dispela spot long wanem ol i laik kamap masol man na meri na stap fit.

Tasol long joinim na bihainim dispela spot em i no isi long wanem long tren hat na kamapim ol bikpela na strongpela masol ol bodibilda i mas kaikai ol rait kaikai na dringim ol rait dring we i ken helpim bodi long kamapim ol masol. Na ol kaikai na dring ya i save dia tumas long kisim long wanem bodi bilding em i wangepa bikpela spot.

Dispela em i sampela toktok em Goroka man na PNG Bodi Bilding Sempion Benny Samaika husat i wangepa mausman bilong dispela spot long Goroka.

Samaika i bilong Okapa distrik na em i wok olsem sekyutriti opisa wantaim Global Konstraksen Kampani i tok em i stat long kisim bodibilding spot long 1996 taim em i stap long Pot Mosbi. Long dispela taim em i save tren long Taurama Leisa Senta.

Tasol pastaim long em i kisim bodi bilding em i save pilai ragbi lig long Pot Mosbi Ragbi Lig junia divisen. Bihain long dispela em i tingting strong long kisim bodibilding. "Na dispela trenning long Taurama i helpim mi long stap strong na long taim bilong ragbi lig olgeta samting i save i go i orait tasol," Samaika i tok.

Em i tok long kain strongpela trenning i mekim na em bin makim kantri long Junia Kumul long 1996.

Bihain long dispela wokabaut em i lusim olgeta ragbi lig na pilai bodi-bilding we long klostu pinis bilong yia 1996 em i winim Pot Mosbi Bodibilding taitel. Long 1997 em i stap insait long developmen skwat na go tren wan wik long Cairns, Australia. 1998 em i mekim wankain wokabaut long Cairns.

Klostu pinis bilong 1998 em i pinis na tresfea i go long Goroka. Taim em i go long Goroka em i no moa pilai insait long spot na olsem em i stap nating inap long 1999 we em i stat long pilai gen.

Long 1999 gutpela hat wok bilong em i lukim PNG Bodibilding Federesen i makim em long makim PNG tim na go long 1999 Guam SP Gems.


Long dispela pilai em i kisim silva medol long 72 kilogrem divisen bihain long em i win long dispela divisen.

Long 2001 em i go long Norfolk Ailan long mini-Saut Pasifik Gems na winim gen silva medol long kamap namba 2 aninit long 80 kg divison. Long 2002 taim Goroka i go pas long holim Nesenel Bodibilding sempionsip Samaika i kamap na winim gol medol aninit long 90 kg divisen PNG na kamap namba tu.

"Mi i no inap long stop long ol resis inap long mi kamapim ol driman bilong mi," Samaika i tok long tingting bilong em long winim Mista PNG taitel.

Em i tok em i amamas long lukim planti manmeri i gat laik long kisim dispela spot tasol long baim rait kaikai na kaikaim em i hat. Dispela long wanem i no olgeta i wok lain.

Nau yet em i putim ai long kamap long



• Benny Samaika (long han kais) i soim masol bilong em long 2003 Nesenel Sempionsip pilai long Lae, 2003. Ol foto: SAPE METTA

• Bodibilda Benny Samaika i soim masol bilong em.

pilai long Nesenel Sempionsip we bai kamap long Banz, Western Hailans provins.

Em i amamas long bodibilding na i amamas long makim Goroka na PNG tasol em i no amamas long i no kisim gutpela sapot long provinsol gavman na ol bisnis haus long provins.

"Olsem wanem bai mipela ol bodibilding i karim nem bilong ples tasol i nogat gutpela sapot i kam long komyuniti long helpim mipela long sampela nid bilong mipela," Samaika i tok.

Em i tok tenkyu Edris Kubruwah, dairekta bilong Nesenel Spot Institut long givim tok orait long ol long yusim jimnasim long tren na John Kelly long givim wanbel na mekim komitmen long sapotim em long dispela spot we i karim em i go long ol narapela kantri na i save givim em bikpela amamas.

# Australia danis i go insait long Yut Wol Kap

## Paul Zuvani i raitim

AUSTRALIA Matildas bai pilai long Wol Yut Kap long Olimpik gem bihain long ol i memeim ol PNG na Solomon long Osenia Futbol Konfederesen (OFC) pilai bilong ol.

Australia i wilwilim Solomon Ailan 13-0 long Fonde las wik na hamarim PNG 14-1 long Sarere.

PNG na Solomon Ailan i dro 0-0 long namba wan OFC pilai namel long tupela long las Tunde.

Long fes tripela minit ol yangpela Matilda i mekim PNG sait i wok hat taim PNG i gat strong yet tasol bihain long Australia i brukim kiau long dispela taim olgeta samting bilong sutim bal i go insait long umben bilong PNG i op long ol.

PNG straika na kepten Caroline Moeder pastaim i pilai long posisen bilong em long straika long fowet tasol bihain long dispela i go baksait na pilai swipa.

Em i stopim gut Emma Davison husat i kepten bilong Australia.

Namba wan gol bilong Australia i kam long Selin Kuralay husat i luk olsem i opsait gol tasol Cook Ailan lainsmeri Martha Iroa i no tok tok na olsem Solomon Ailan refri Michael Afu i larim olsem em i gol.

Dispela disisen na gol i mekim PNG lusim laik bilong em long pilai gut inap long pilai i pinis.

Oi pilaia olsem Neilen Limbai, Samantha Peninsa, Jacqueline Chalau na Cecily Dobbin i traime bes bilong ol long sutim sampela gol i go insait long umben bilong Australia tasol i abrus.



• Solomon Ailan beklain pilaia i traime long rausim bal hariap long birua ples bilong em bipo long Australia pilaia i kisim long pilai bilong ol las Fonde long PRL. Australia win 13-0 na bihain Australia hamarim PNG 14-1 long Sarere pilai. Foto: JOE IVAHARIA

Planti taim Australi i bin sanapim strongpela banis long dispela ol pilaia long brukim.

Alannah Reed husat i pilai gut tru long midfil putim wanpela gol bihain long em i kisim bal we fulbek Elisia Canhnam i kikim i kam long wing.

Bihain long dispela Kylie Ledbrook i sutim wanpela bilong tripela ol gol bilong em na bihain long em em Katie Hilder husat i surikim mak bilong gol bilong Australia i go antap long 4-0 we em i kisim gen gutpela kros kik i kam long Canhnam.

Kuralay i skorim namba tu gol bilong em bihain long em kisim gutpela longpela kik i kam long

gol kipa bilong em Clarie O'Shea na bihain kik i kam long Renee Cartwright. Bihain long dispela Kim Carrol na Ledrok i pinisim olgeta bilip bilong PNG long skoa gen.

Long namba tu hap Kurulay i putim namba foa gol bilong em na Ledbrook i putim namba tri gol bilong em. Dispela i lukim skoa i sanap 11-0.

Long dispela taim PNG i laik wok hat na olsem ol i wok maski ol i sot long wanpela pilaia. Dispela em long wanem em i yusim olgeta pilaia bilong em.

Dispela i mekim na olsem top pilaia Limbai i wok hat moa

long taim em i was long maus bilong umben.

Tasol bihain long dispela gol replamen winga Martha Kiapin i pait hat na brukim kiau bilong PNG.

Dispela gol bilong PNG em i namba wan gol we wanpela tim bilong PNG i putim egen-sim Australia.

Long rekot bilong intanesenel pilai, PNG i no bin skorim wanpela gol agensim Australia inap las Sarere we ol meri anda 19 i putim insait long OFC Olimpik kwalifaia pilai.

Australia i putim tripela moa gol long surukim skoa i go 14-1.

## Adrian Lam i mekim piksa nogut

SYDNEY: Ragbi lig intenesenel pilaia Adrian Lam husat mama bilong em i bilong Rabaul na papa Australia na bipo i save pilai long Australia NRL kompetisen na i bin kepten bilong PNG Kumul em polis i painim piksa nogut em i mekim long wanpela vidio tep.

Lam husat bipo i save pilai wantaim Sydney City Roosters long hapbek posisen nau i pilai wantaim Wigan ragbi lig klab long Ingran Supa lig kompetisen.

Lam, 33, i soim strong bilong em taim em i mekim pasin doti wantaim wanpela meri em ol i no save long em. Longpela bilong dispela piksa nogut em Lam i mekim i ken stap inap 30 minit olgeta na i kos \$19.99 (K48.80) em Martin Wallace bilong Sydney Daily Telegraph i tokaut long en.

Fran bilong dispela tep i soim Lam i pilai long NRL dei bilong we i soim logo bilong ol Roosters na taitel bilong dispela tep i tok olsem "Ragbi lig pilaia Adrian Lam wantaim."

Long wanpela hap bilong dispela piksa em i tok long muvi ol i kolim Flashdance we ol man i ken harim we em i mekim pasin nogut long em yet.

Oi loa husat i makim NRL i go long tupela haus long Sydney we ol i save salim dispela tep i holim pasim dispela ol

tep bihain long ol i kisim tok long Daily Telegraph.

*Lam i mekim pamuk pasin wantaim wanpela meri long wanpela rum na rekotim long vidio kemra.*

Oi loa nau i tingting long kotim papa bilong dispela ol stoa long wanem piksa i soim logo bilong Roosters we aninit long lo bilong NRL dispela i no mas kamap.

Lam husat i papa bilong wanpela pikini ni i pilai wantaim NRL long sevenpela krismas na pinis long 2000 nau i pilai wantaim Wigan klab long Ingran.

Las Fraide nait, The Daily Telegraph i askim em long dispela tep long haus bilong em long Greater Manchester.

Pastaim meri bilong em i no bilipim ol askim bilong niuspepa.

Mrs Lam i askim: "Lam i mekim olsem Beckham?"

Tasol bihain long em i kisim tok olsem tep em man bilong em i mekim i tru tru Mrs Lam i bekim: "Mi i no inap long bilip olsem kain pasin i wok long kamap."

Bihain long ripota i toktok wantaim Mrs Lam, Adrian i spit long silva Mercedes ka bilong em na ron i go insait long haus bilong tupela.

Sif eksekutiv opisa bilong Roosters Brian Canavan i tok em i wasim han bilong em long dispela samting.

Canavan i tok: "Adrian i no moa wok wantaim ol."

Na taim Wantok Spot i ridim pepa na askim PNG Ragbi Lig opis ol i givim wankain tok. Ekting jenerel menesa Joe Tokam long opis bilong Lig long Goroka i tok ol i nogat toktok long Adrian Lam na pasin em i mekim.

"Mipela i nogat tok long dispela. Dispela em samting bilong NRL long Australia long mekim. Na tu Lam nau i pilai long Ingran," Tokam i tok.

Hevi bilong Lam i kirapim gen ol nara-pela toktok long ol NRL pilaia husat i wok long stap aninit long lukluk i go insait bilong ol polis long reipim o holim pasim na bagarapim sampela meri.

## PNG bai kamap long Wol Junia Taekwondo Sempionsip

EM BAI namba wan taim long Papua Niugini long kamap na stap long ring long pait long Wol Junia Taekwondo sempionsip long June 12-18 long Sol, Saut Korea.

Meri husat bai putim red, blek na gol kala na makim PNG em meri Rachael Kae Castle husat tru tru i bilong Gulf provins. Nau yet Castle i stap long Australia, tren long Australia tasol i save pilai long nem bilong PNG.

Long dispela sempionsip i kamap Castle husat i save mekim gut long ol pait long Australia i givim nem na askim sapos inap em i ken makim kantri. Long dispela PNG Taekwondo Federesen i luk-save long strong bilong em na givim tok orait long Februari long em i ken makim kantri na pait.

Castle bai pait long 63kg divisen we planti ol gutpela paitmeri bai stap long em tu.

2004 Australia na Victoria sempionsip bai nara-pela pait em Castle bai makim kantri.

PNG Taekwondo Federesen jenerol seketeri Edward Kassman i tok nau yet trening bilong Castle i wok long kamap gut na olsem Castle i redi long kamap long pait.

"Mi amamas tru long lukim Rachael i kamap na givim nem long makim kantri long wanem mipela i nogat wanpela junia paitmeri husat i gat blek belt. Tasol long kain pasin Rachael i mekim i givim bikpela sapot long promotim junia talen long kantri," em i tok.

PNGTF presiden Peter Miria bai go long jenerol miting bilong Wol Taekwondo Federesen long Korea wantaim Castle long dispela pait bilong Castle.

Nau long dispela taim sapot bilong Castle i kam long was papa bilong em Gerald Castle husat i stap long kantri na helpim kamapim mani long kamap long dispela sempiosip.

"Long em wanpela top etlit na ol makim maus bilong Taekwondo PNG mi singaut long gavman na ol bisnis long Rachel long ol wokabaut bilong em," Kassman i tok.

## PNG skwas sempion i pilai gut tru

PAPUA Niugini skwas sempion Derek Hunter na Naluge Guy i soim olsem tupela i namba wan pilaia bilong ol man na ol meri.

Tupela pilaia i soim strong bilong ol taim ol i sotim win bilong ol birua pilaia bilong ol long 2004 SP Brewery Pot Mosbi Open Skwas Sempionsip we i bin kamap long Pot Mosbi Skwas klab long wiken.

Guy husat win bilong em i tokaut yet long em long em i kwin bilong skwas stat long taim em i winim taitol long 1995.

Na Hunter wanpela taim tasol i bin lus long bipo namba 13 long Wol Austin Adarraga bilong Brisbane las tenpela yia i go pinis.

Hunter i painim hat liklik long winim Damien Tam long pilai bilong tupela. Tam na Hunter i kamapim PNG tim bilong ol man we ol i winim 2003 SP Gems gol medol long Fiji.

Hunter i pilai strong long win na traime olgeta save bilong pilai taim em i lukim pilai i go hat wantaim ol strongpela birua pilaia bilong em.

Em i win long 3-0 set. Em i winim tu gol medol long single pilai long SP Gem na olsem em i no laik dispela taitol bilong

em i samting nating long dispela sempionsip na olsem em i bin pait hat tru.

Guy tu i soim moa strong agensim ol birua bilong em. Tasol yes sampela lain olsem Popondetta Wendie Evans i bin traime strong bilong em tu na olsem em i guria liklik tu.

Evans i pilai gut olsem na nau em i stap long PNG Osenia tim long pilai long Osenia Kap long Cook Ailan long narapela yia.

Evans i save pilai hoki na netbol tu.

Na olsem bihain bilong skwas long Pot Mosbi na PNG i luk olsem bai i kamap gut long wanem planti ol yangpela i kamapim gutpela ol pilai na i soim olsem ol inap long mekim gut long nesene level.

Na Anda 19 taitel i go long Madako Suari Jnr i husat i winim tu Open C gret long namba tri taim.

Anthony Nagul i winim bilong B gret taim em i winim Eddie Matane. Taitol bilong ol junia meri i go long susa Eima Suari.

Anda 15 taitol i go long Lydia Carruthers na Vanessa Nagul i winim bilong Anda 19 meri.

LAE  
BISCUIT



WANTOK

# Spots

LAE  
BISCUIT



## Dika Toua bai paia long Osenia Sempionsips

Paul Zuvani i raitim

SEMPION weit lifta bilong Papua Niugini na Saut Pasifik long 53 kilogram divisen Dika Toua i redi tasol long apim ain long Osenia Sempionsip.

Toua i lukluk long dispela sempionsip long kwalifai long Olimpik Gems long kantri Gris.

Papua Niugini Wetlifting Federesen ekting presiden Frank Robby husat bai go wantaim tim olsem menesa i tok Toua i kamapim nupela rekot long mak bilong apim ain.

Em i tok long las mun Toua i bin apim ain long mak bilong 98 kilogram tasol long dispela mun em i apim 100 kilogram weit olgeta long klin na jek divisen.

Nau yet Toua, 13-ya Rita Kari na Jeffery Robby i tren long Sigatoka Spot Institut long

Fiji long redim ol yet long dispela Osenia Sempionsip.

Ol i tren aninit long Olimpik Solidariti program we i kam aninit long Papua Niugini Spot Federesen.

"Toua i mekim bikpela impruvmen," Robby i tok. "Mak bilong em long apim ain i no long-taim i go pinis i stap long 100 kilo grem. Dispela em i bikpela mak.

Em i tok ol wan tren lifta i save was na lukluk taim Toua i save mekim trening bilong em.

"Olsem na Paul Coffa (kosa bilong tripela PNG weit lifta) i tok planti ol lifta husat i save tren wantaim Toua-bai stop na go lukluk taim Toua i save kamap na mekim trening bilong em," Robby i tok.

"Toua inap long kwalifai tasol em bai go olsem tim na sapos tim i mekim gut dispela

bai helpim Toua long kwalifai.

"Mipela i redi na mipela i hop long mekim gut long dispela sempionsip.

Mipela i lukluk tasol, sapos lak i kamap long mipela sapos mipela i kisim 90 pesen em i gutpela tru long mipela long go insait long Olimpik Gems.

Em i tok Nauru na Australia bai bikpela birua bilong PNG tim.

"Mi no save wanem namba mipela bai kamap long en tasol i luk olsem mipela bai kamap namba tu o tri bihain long Nauru na Australia.

Em i tok olgeta kantri bai yusim tim long kwalifai long Gem. Na wanem kantri husat i kamap wantaim planti lifta na sapos ol i mekim gut bai i gat sans long kisim gut ol poin long helpim em long kwalifai.

Nau yet PNG bai gat faivpela meri na

wanpela man long dispela sempionsips.


PNG tim em Rita Kari 48kg, Dika Toua 53kg, Theresia Ofoi 58kg, Margaret Luke 63kg, Jodi Kokiva 69kg, Hekure Joe 75kg na Brenda Goro 75+ na Jeffery Robby 63kg. Kosa em Iwila Jacob na menesa em Frank Robby.

Ol opisa na ol wetlifita husat i stap long PNG bai lusim kantri long Mande Mei 3.

Sempionsip bai kamap long Tonga stat long Mei 5.

Bikpela hevi bilong tim em ol i sot long K20,000 mani. Ol i gat K20,000 pinis tasol ol i nidim narapela K20,000 moa long helpim gut tim long wokabaut bilong em.

Robby i askim nau sapos wanpela sponsa i ken kam na helpim ol long dispela wokabaut bilong ol.



• Ol yangpela i redi long kalap na swim long wanpela TNT Swimming iven we i kamap long Lae long las wiken. Foto: PNG Swimming Inc.

## Ol yangpela kamapim nupela rekot long Swimming Sempionsip

KRYSTLE Babao i kamapim nupela rekot taim em i swim insait long taim 33.30 sekens long 50m mak resis aninit long 16 yia grup long TNT Nesanel Sot Kos Sempionsip we i kamap long Lae long las wiken.

Bipo taim we i stap em 36.40 sekens em Anna Wild bilong Goroka husat i bin kamapim long 1984 na open rekod em Janina Jones bilong Pot Mosbi klab husat i swim long wankain mak long taim 34.39 sekens long 1991.

Na Dorcas Emmanuel bilong Lae husat i swim aninit long 16 yia grup long 50m mak resis i kamap long taim 34.93 sekens.

PNG Swimming Inc presiden Elizabeth Wells i tok dispela sempionsip i lukim ol manki i kamapim planti ol gupela taim bilong swim.

Long 100m bekstrok aninit long 16 yia grup Babao i swim na kamap long taim 1:12.93 sekens we em i brukim long kris-mas grup bilong em na long Open grup wantaim.

Bipo taim long dispela resis em Trudy Chang bilong Lae husat i kamap long taim 1:15.26 sekens long 1982, Na open rekot em Beryl Madouna bilong

Mosbi klab husat i kamap long taim 1:13.20 sekens long 1991 SP Gems.

Long 200m bekstrok Babao i brukim olpela rekot na kamap long taim 2:41.06 sekens. Olpela rekot em Julie Anne Oke bilong Boroko Klab husat i swim na kamap long taim 2:51.84 sekens long 1985.

Long sait bilong ol man 11-ya Bradley Chan i swim long 50m mak fristail resis na kamap long taim 32.20 seken na long 50m mak brestrok resis em i kamap long 43.15 sekens.

Dispela Wells i tok i mekim Chan i winim ples long stap long PNGSI Developmen skwat. Em i joinim Charlene Andrews, Judith Meauri, Christopher Green, Tahira Mulas, Breton Coetzee, Dorcas na Timmy Emmanuel na Anita Downes.

Na Babao i mekim gut yet long 100m mak bekstrok resis long stap long Taget Skwat.

Pesenol bes taim em - 6-ya Jesika Green, 7-ya Oliver Collins na Samantha Jenkins, 8-ya Minolee Laksmann, Myranda Sweet, Angelica Minji, Marinus Valks na Charlie Collins.

Long 9-ya grup em Roseanne John, Aysa

Franklin, De Arne Davey, Nikita Abel, Arther Maikin, Jubial Murray, Normand Gauthier, Juan Shaw, Christopher Jenkin na Mitchell Keech. Long 10-ya grup em Leeann Rice, Casey Sweet na Henry Collins.

Long 11-ya grup em Sophie Shiers, Rita Gauthier, Sharon Schmidt, Bradley Chan, Julian Gangloff, Ninji Kolta na Angus Cunningham.

Long 12-ya grup em Emmah Emmanuel, Carmen Kolta, Judith Meauri, Abigail Havora, Mylinda Ninge, Lynn Langlet, Travis Franklin, Nathen Nades na Ian Naikmai. Long 13-ya grup em Dika Kerr, Charlene Andrews na Russell Lai. Long 14-ya grup em Daniella Shiers.

Long 15-ya grup em Tahira Mulas na Lambert Vure na 16-ya grup em Dorcas Emmanuel, 17-ya grup Timmy Emmanuel na Aria Nauna, 21-ya grup Billy Kwarara na 22-ya grup em Daniel Apisah.

Dispela sempionsip i kamap aninit long lo bilong FINA.

Wells i tok tenkyu TNT long helpim long kamap bilong dispela sempionsips.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.